

Luka Yesuhât Den Pat Âlepņe Lukaņe kulemguop.

O bukune Teopilo,

¹ Yesuņe hohetnenņan manmâ kulem topņe topņe memu lohimbi yâk orop manmâ ya ekbiņe den pat âlepņe ya kâsikum ningiwi. ² Den pat ya lok sesengâlâkņe kulemguwi. ³⁻⁴ Otmu nâņe gurâ den pat ya topņambâek nâņgâm heņgeņgum kulemgum katgihian. Yakât otmâ pepa yu sâlikumâmâ aņgoân Yesuhât den pat kâsikum gihiwi ya nâņgâm heņgeņguuat. Den pat ya yuwu tap.

Anĵelo âlâņe Sakaria yâkâlen teteop.

⁵ Emelâk lok kutdâ âlâ, kutņe Herot sâm, yâkņe Yuraia ambolipņe yeņgât kunyeņe otmâ galemy-ongom manop. Sâp yan Anitâhât hotom uminiwi ya yeņgâlen gâtņe lok âlâ, kutņe Sakaria sâm. Yâhâmâ Awiahât senâmbâ gâtņe. Yâkņe imbi âlâ, kutņe Elisapet sâm, ya miop. Yâhâmâ Aron yâkât senâmbâ gâtņe. ⁶⁻⁷ Otmu lohimbi yuņe inâk kâsi manmâ gam sombo olowot. Yawu manmâ tem lâuwawņim gamutâ Anitâņe yelekmu ârândâņ olop.

⁸ Yâhâ Anitâhât hotom uminiwiņe amboņan amboņan hotom um gaminiwi. ⁹ Otmu hotom u uhât sâp ya tâlâhumu Sakaria mem katņetâ opon kâmbukņahât biwiņe âlâen yâhâ hotom uop. ¹⁰ Hotom uop sâp yan lohimbi nombotņeņe opon kâmbukņe yakât dâmân kâlehen yâhâ kinmâ Anitâ ulitguwi. ¹¹ Ulitgum kinņetâ Anitâhât anĵelo âlâ,

kutņe Gawirie sâṁ, hotom uminiwi yakât alata bonângen tetem kinop. ¹² Tetem kinmu Sakariaņe ekmâ pârâk pilâop.

¹³ Yawu otmu aņelo yaņe yuwu sâṁ ekuop. “Sakaria, ki kiņgitgahât ot. Imbihaņe naom miâk nâņgâm Anitâ ulitgum gamat. Yakât otmâ Anitâņe nâņgâhihimu imbihaņe naom membuap. Naom yakât kutņe Yoane sâṁ kunbuat. ¹⁴ Tetewuap yan lohimbi kiņgitņe orowâkņe yet orop heroņe nâņgâwaņginomai. ¹⁵ Nanyetņe yaņe tem lâuwaņgim manmu Anitâņe nâņgâwaņgimu ârândâņ otbuap. Târârâhâk manmâ to kârikņe ki nembuap. ¹⁶ Yawu manmu Anitâhât Wâtgât mâmâņahât Heakņe mâmâņe otbaņgimu Isirae lohimbi kuwikyekmu Kutdâ Anitâhâlen biwiyenāņe kepeim mannomai. ¹⁷ Emelâk embâņân Anitâhât poropete âlâ, kutņe Elia sâṁ, yaņe yâkât wâtņan kinmâ yu ya otminiop ya Anitâņe ekmu ârândâņ otminiop. Yakât dopņeâk nanyetņe manmâ Kutdâhât mâtâp mewaņgiwuap. Yâhâ âwâlipyenāņe nan baralipyenē kuk otyiņgimai ya biwiyenē mem huruņ tuhuyiņgimu kaok oraņginomai. Otmu lohimbi kunyēņe kârikņe otmâ Anitâhât den kumai ya ekyongomu orotmemeyenē bâleņe pilâm tem lâuwaņgim mannomai. Nanyetņe yawu otmâ Kutdâhât mâtâp mewaņgiwuap. Yawu.”

¹⁸ Yawu sâṁu, Sakariaņe yuwu sâṁ âikuop. “Net emelâk sombo oait. Yakât otmâ gâhât den ya nâņgâm biwi yâhâp oan. Girawu otmâ yakât nâņgâmune bulāņe otbuap?” Yawu sâop.

¹⁹ Sâṁu sâop. “Ahonakmune nâņgâ. Nâ Gawirie, Anitâhât hoņ bawaņgiman. Yâkņe hâņgânohomu

ge den yu ekgohoan. ²⁰ Yawu gârâmâ den ekgohomune nângâm biwi yâhâp oat yakât matje den biaek manbuat. Yâhâ den ekgohoan yukât bulâne tetewuawânâk lauhe hâreakmu den otbuat.” Yawu sâm yanâk biatmu, lok sombo ya iknjiâk kinop.

²¹ Lok sombo ya opon kâmbukñan yâhâ sâp kâlep talop. Yakât otmâ lohimbi yaehen kinbiñe “Girawu otmâ kâihumboñ ot tap?” sâm mambot-bañgiwi. ²² Yawu otñetâ yâk yeñgâlen ge den ekyongowe sâm otmu engatje manjuakmu kopa olop. Kopa otmâ kinmu ekmâ yuwu sâwi. “Opon kâmbukñan yâhâmu Anitâñe biwiñe mem purik pilâwanjimu kulem âlâ tetemu eksap mon?” Yawu sâñetâ den sâwe sâm bâtnañak kai toka olop.

²³ Otmu nep sâpñe pesuk sâmu kapiân âwurem gem ariop. ²⁴⁻²⁵ Otmu yakât kakñan imbiñe ya tepñe olop. Tepñe otmâ yuwu sâop. “Anitâ Kutdâñe nângânihimu tepne oan yakât otmâ ki añulakbom.” Yawu sâm emetñanâk tatmu emetsenñe mome pesuk sâop.

Añeloñe Maria yâkâlen teteop.

²⁶ Emetsenñe mome pesuk sâmu yan, Anitâñe añelo, kutñe Gawirie, ya yâhâpñe hângângumu giop. Hângângumu ge Nasaret kapi Galilaia hânân tap yan imbi sihan âlâ, kutñe Maria sâm, ya tetewanjiop. ²⁷ Yâhâ imbi sihan ya Dawitihât senâmbâ gâtñe yakât otmâ lok âlâ, kutñe Yosep sâm, yâkât pat kuwanjñetâ manop. ²⁸ Añelo yañe tetewanjim yuwu sâop. “Anitâñe nângâhihim mâmâñe otgihiap yakât otmâ biwihanje heronje otbuat.”

²⁹ Yawu sâmu ekumu nângâm kiwilim biwiñaje yuwu nângâop. “Den eknohoap yakât topñe girawu?”

³⁰ Biwiñaje yawu nângâmu yuwu sâmu ekuop. “Anitâñe nângâhihiap. Yakât otmâ biwihe sânduk sâek. ³¹ Gâñe tepge otmâ naom membuat yâkât kutñe Yesu sâmu kunbuat. ³² Lohimbiñe yâkât nângâwanñetâ yahatmu “Anitâ pato nandorñe yâkât nanñe” sânomai. Otmu emelâk embânân Kutdânenñe Anitâñe tâmbânenñe Dawiti lok kutdâ sâmu katmu bukulpñe galemyongom manop. Yakât dopñeâk Anitâñe nange âi sâmu wanñmu ³³ Yakop sen nengât kunnenñe kinmâ tihitnenñe otbisâp.” Yawu sâop.

³⁴ Sâmu sâop. “Nâ lok orop ki mansan. Yakât otmâ den yat yakât bulâñe girawu tetewuap?” Yawu sâop. ³⁵ Sâmu sâop. “Anitâhât Wâtgât mâmâñahât Heakñe biwihan gemu Anitâñe mâmâñe otgihimu tepge otmâ naom membuat. Yakât otmâ naom ya koko salehâk manbuap. Yawuhât lohimbñe ekmâ kutñe “Anitâhât nanñe” sâmu kunomai. ³⁶⁻³⁷ Den âlâ torokatmâ sâmune nângâ. Anitâñe yu ya otbe sâmu yakât ki hâum pâpgumap. Yawu otmâ bukuhe Elisapet kâsi manmâ gamap ya nângâwanñimu tepñe otmâ manmâ gamu emetsenñe nombolân konok pesuk yap. Imbi kâsi sâmai ya yawu tetewañgiap.” Yawu sâop.

³⁸ Sâmu sâop. “Nâ Kutdâhât hoñ bawa imbi. Yakât otmâ den yat ya bulâñe teteâkgât nanñan.” Yawu sâmu anelñe pilâm ariop.

Marianje Elisapet arim ehop.

39 Sâp kâlep ki otmuâk Mariaņe Sakaria imbiņeit yetgâlen ariwe sâm kapiņe pilâm kapi âlâ Yuraia hân yakât halângen tap yan ariop. 40 Yan arim yâk yetgât emelan yâhâm Elisapet ekmâ herone otbaņgiop. 41 Herone otbaņgimu yanâk tepņe kâlehen naom talop yaņe kâlâwahomu nâņgâop. Yawu otmu Anitâhât Wâtgât mâmâņahât Heakņe Elisapet mâmâņe otbaņgimu bukune yuwu sâm ekuop. 42-43 “O bukune, Anitâņe gâ nâņgâhihim mâmâņe otgihiap. Yakât otmâ imbi kerekņe gâhât nâņgâhihiņetâ yahatbuap. Otmu naom membuat ya Anitâņe mâmâņe otbaņgimu tihitnenņe otmu Kutdânenņe sâm tem lâuwangim mannom. Nâmâ imbi inņe mansan. Yamâ gâņe nâhâlen takarâ nâņgâmune âlâ kândâkdâ oap. 44 Taka nohondâ yanâk naom tepnan tap yuņe kâlâwahomu naņgan. 45 Otmu den âlâ torokatmâ sâmune nâņgâ. Anitâņe aņelo âlâ hâņgângumu ge den ekgohop yakât bulâņe tetewuap yakât nâņgâm biwi yâhâp ki oat. Yawu otmâ biwi herone naņgat.” Yawu sâop.

Mariaņe Anitâ mepaem herone otbaņgiop.

46 Yawu sâmu Mariaņe yuwu sâm ekuop.

47-48 “Nâ Anitâhât hoņ bawa mansan. Yawu gârâmâ Kutdâne Anitâ tihitnenņe otmapņe nâņgânihim mâmâņe otnihiap. Yakât otmâ lohimbî komotņe komotņe tetem mannomaiņe nâhât nâņgâņetâ yahatmu “Anitâņe nâņgâwaņgiap,” sânomai. 49 Anitâ Manman koko salek Amboņaņe mâmâņe otnihim kulem miap yukât nâņgâmune ewe membe otmu mepaem mansan. 50 Otmu lohimbî âlâ me âlâņe Anitâhât nâņgâm tem

lâuwanġimai ya wawaeyekmap. ⁵¹ Wâtġe pato nandorġe tatbaġgiap. Yakât otmâ yu yakât ki pâpgumap. ⁵² Lohimbi yeġe enġatyeneâk watmâ manmâ hâkyeġe mepaeakmai ya mem ge katyekmap. Otmu lok kutdâlipyenġe lohimbi mem bâleyekmai ya mem ge katyekmap. Mem ge katyekmâ lok geheġe ya mem yâhâ katyekmap. ⁵³ Otmu lok iri sikumyeġe orowâk ya misihem manmai ya mem ge katyekmu umburuk otmâ manmai. Yâhâ lohimbi po manmai ya tihityeġe otmâ sot kâle yinġimap. ⁵⁴ Emelâk embânân tâmbâlipnenġe yengât pat kuyinġiop ya mem mete tuhum Isirae lohimbi nengât tihitnenġe otmâ gamap. ⁵⁵ Yawu otmâ tâmbânenġe Awaraham yâkât pat kuwanġiop. Pat yakât bulânġe nen yâkât sen nengâlen teteap. Yawu.” Yawu sâop.

⁵⁶ Mariane yawu sâm Elisapet ekuop. Otmu yâk orop manmu emetsenġe kalimbu pesuk sâmu kapiġehen âwurem ariop.

Yoane teteop.

⁵⁷⁻⁵⁸ Maria âwurem ariop yakât kakġan Elisapetġe nanġe miop. Yâhâ Kutdânġe nânġawanġimu nanġe miop yakât nânġâm hep torehenlipġe otmu kapi ambolipġenġe herġe nânġawanġiwi.

⁵⁹ Otmu hilâm nombolân kalimbu pesuk sâmu yan hep torehenlipġenġe menduhuakmâ naom yakât hâkġahât undip tuhuwanġine sâm, âwânġe Sakaria, yâkât kutġe membuap sâwi. ⁶⁰ Yawu sâġetâ mâmânġenġe kuyinġim yuwu sâop. “Bia, kutġe Yoane sâm kunom.” Yawu sâop.

⁶¹ Yawu sâmu yuwu sâm ekuwi. “Âlepņe yat yamâ bukulipge me hep torehenlipge yengât kut âlâ yawuya ki tap.” ⁶² Yawu sâm kuanġiwi. Otmu “Âwânġe girawu nanġap?” sâm bâtyenġe kai toka otmâ tape kiripi mem wanġbi.

⁶³ Tape kiripi mem wanġetâ yuwu kulemguop. “Kutņe Yoane sâm kunom,” yawu kulemguop. Kulemgumu ekmâ nânġâġetâ âlâ kândâkdâ olop.

⁶⁴ Yawu otmâ Sakariahât lauņe hâreakmu Anitâ mepaeop. ⁶⁵⁻⁶⁶ Yawu otmâ Anitâņe naom ya mâmâņe otbanġim ikņe den biwiņan katmu lohimbî ekyongowuap yakât sâm mepaeop. Kulem yawu teteop yakât nânġâġetâ sâtņe otmu kapi ambolipņe yakât den pat sâm haok tuhuņetâ lohimbî Yuraia halângen manmâ ariwiņe nânġâm yuwu sâm alahuwi. “Naom yu lok otbuawân girawu otbuap?” Yawu sâm nânġâwi.

Sakariaņe Yesuhât sâm ekyongop.

⁶⁷ Sakariaņe Anitâ mepaeop yan Wâtġât mâmâġahât Heakņe biwiņe mem hewewenġ tuhumu yuwu sâop.

⁶⁸⁻⁶⁹ “Ambonenņe Anitâņe nen lohimbilipņe manman bâleņambâ menenekmâ tihitnenņe otbe sâm tâmbânenņe Dawiti yâkât senâmbâ ġâtņe âlâ kânânġâwuap. Yawu otmâ mâmâņe otbanġimu yâkņe manman âlepņan katnenekbuap. Yakât otmâ mepaene. ⁷⁰⁻⁷¹ Yâhâ kasalipnenņe nongom itit kiom tuhuningimaihât sâreerenekmâ tihitnenņe otmu mannom. ⁷² Yakât nânġâm emelâk embânġân tâmbâlipnenņe yengât pat kuyiņgiop yakât ki nelâmguop. Ya mem mete tuhum

poropetelipne ekyongomu kulemguwi.
⁷³⁻⁷⁴ Yâhâ yâkne kasalipnenne yenġât
 bâtyenambâ menenekmu biwinenne sânduk
 sâm tem lâuwaŋim manmâ yâhânomġât pat
 Awarahamġât kuwaŋgiop. ⁷⁵ Yakât otmâ
 nen Isirae lohimbiŋe tem lâuwaŋim ki
 kiŋgitnennġahât otmâ manmâ yâhânom. Yawu
 otmâ uwawaŋne bia manmunne nenekmu
 ârândâŋ otbuap.” Yawu sâm mepaeop.

⁷⁶⁻⁷⁷ Otmu den âlâ torokatmâ nanġahât yuwu
 sâm ekyongop.

“Nanne yuŋe Kutdânenne kulet sâwaŋim
 ari mâtâp mewaŋgiwuap. Otmu nenne
 orotmemenenne bâleŋe bet pilâm Anitâhâlen
 biwinenŋaŋe kepeimunne tosanenŋe
 pilâningiwuap yakât den eknongomu
 nâŋġanom. Yakât otmâ lohimbi biwihâlâkne
 yâkât nâŋġaŋetâ yahatmu “Anitâ yahat
 yahatne yâkât poropete” sânomai. ⁷⁸ Yakât
 den âlâen hâum sâmune nâŋġaŋet. Nen omoŋ
 bâleŋan dop yawu manmain. Yâhâ emet haŋ
 sâwe sâm otmap yanâmâ pitu kâmne papato
 yaŋe tetemu tatmâ yaŋak emet haŋ sâmâp.
 Emet haŋ sâm u emetsenŋe ga takamap.
⁷⁹ Yakât dopneâk Anitâŋe kaok nâŋġaningim
 ikne hoŋ bawa himbimâmbâ hâŋġaŋgumu ge
 ikne laŋinŋe biwinenŋan pilâmu haŋ sâningimu
 yâkât mâtâp watmâ yâhâmunne manman
 kârikŋan katnenekbuap. Yawu.”

Sakariane yawu sâm ekyongop.

⁸⁰ Otmu naom ya kâiŋe hâwimu lok otmâ
 nâŋġân nâŋġânne keterakbaŋgiop. Yawu

otmâ âwâņe mâmâņe pilâyelekmâ ari lok ki manmaiângen manop. Yan ari manmâ Isirae lohimbi hohetyeņan âwurem taka âi tuhuwuap yakât mambotmâ manop.

2

Yesu teteop.

(Mataio 1:18-25)

¹⁻² Yâhâ Elisapetņe nanņe Yoane miop sâp yan kiap pato âlâ, kutņe Kurinio sâm, yâhâmâ Siria lohimbi yeņgât kunyeņe pato manop. Otmu Roma lok yeņgât lok kutdâ âlâ manop, kutņe Ahusto sâm. Yâkņe puwâk lohimbi amon mansai ya yeņgât dop nâņgâwe sâm olop. Yakât otmâ Roma yeņgât amutgen lohimbi hân âlâen âlâen tatmâ ariwi yeņgât kutyeņe kulemgunomaihât den katyiņgim ariop. ³ Yakât otmâ lok kerekņe kutyeņe katne sâm kapiyeņe tâmbâņan ariwi.

⁴⁻⁵ Otmu emelâk embâņân Isirae yeņgât lok kutdâ âlâ manop, kutņe Dawiti sâm, yâkņe Yuraia hânân kapi âlâ, kutņe Betelem, yan teteop. Yawu gârâmâ Ahustone den katyiņgiop yan Dawitihât senâmbâ gâtņe, lok âlâ, kutņe Yosep sâm, yâku yawuâk kapiņe tâmbâņan ariop yamâ yuwu. Yosepgât imbi sâm pat kuwaņgiwi, yamâ kutņe Maria sâm, yâhâmâ tepdâek manop. Yawu gârâmâ orowâk kapiyetņe, kutņe Nasaret, Galilaila hânân tap, ya pilâm Betelem hân tâmbâņan ariowot. ⁶ Arimutâ omoņ otmu kapi yan lombaņe ari emet iminiwi ya kândikum ariwiņe gewâk meņetâ pik sâop. Yakât otmâ emetgât ekmutâ biatmu bulimakaohât emetņan yâhâ talowot. ⁷ Tatmutâ yanâk

naom kâlâpgumu nanŋe miop. Mem bulimakaonŋe sot kondoân neminiwi yan sâŋgumân katipgum katmu iop.

Lama galemyongom tatbi yakât den pat

⁸ Otmu kapi ya gotŋan lok nombotŋaŋe bau âlâ, kutŋe lama sâŋm, ya galemyongom tatbi. ⁹ Tatŋetâ yan Anitâhât aŋelo âlâŋe yâk yengâlen tetemu, yâkât laŋŋaŋe siliŋ siliŋ sâŋmu ekmâ umutyenŋe ariop.

¹⁰ Umutyenŋe arimu yuwu sâŋm ekyongop. “Kiŋgityenahât ki otŋet. Nâŋe den âiloŋgo ekyongowe sâŋm teteyiŋgian. Yakât yuwu sâŋmune nâŋgâŋet. ¹¹ Anitâŋe ikŋe hoŋ bawa hâŋgâŋgumu ge sârereyekmâ tihityenŋe otbuap sâŋmai ya yiwerenŋe Dawitihât kapiân teteap. Yâkât kutŋe Kiristo. Yâkŋe kutdâyenŋe otmâ tihityenŋe otbuap yakât nâŋgâm lohimbi kiŋgitŋe orowâkŋe heronŋe otnomai. ¹² Otmu mâmâŋaŋe ŋaŋa ya sâŋgumân katipgum bulimakaonŋe sot kondoân nemai yan katmu iap ya ari mem tetenomai. Ya mem tetenomai yan den ekyongoan yukât nâŋgâŋetâ bulâŋe otbuap.” Yawu sâŋm ekyongop.

¹³ Yawu sâŋm ekyongomu yanâk aŋelo kiŋgitŋe orowâkŋe tetem bukuyenŋe penewâŋim yuwu sâŋm Anitâ kiki mewâŋim mepaewi.

¹⁴ “Anitâŋe lohimbi yekmu ârândâŋ otmap yâhâmâ biwi sânduhân katyekmu buku oraŋginomai. Yakât otmâ yenŋe heronŋe otmâ Anitâ Himbim Ambonŋe mepaenŋet.”

¹⁵ Yawu sâŋm kiki mewâŋim mepaem himbimân âwurem yâhâŋetâ lama galemguwiŋe yuwu sâwi.

“Kutdâñe añelo hângângumu ge den eknongoap. Yakât otmâ kapiân yâhâm ekne.”

¹⁶ Yawu sâm lama ya katyekmâ kapiân sururuk sâm yâhâ Maria, Yosep, nanyetñe mem teteyekbi. Mem tetem yan Marianañe nanñe ya sângumân katipgum katmu iop ya ekbi. ¹⁷ Ekmâ yan añeloñe teteyiñgim ñaña yakât den pat ekyongomu nâñgâwi ya ekyotgowi. ¹⁸ Ekyotgoñetâ nâñgâmutâ âlâ kândâkdâ olop. ¹⁹ Yawu gârâmâ Marianañeâmâ den ya nâñgâm biwiñan katmâ manop. ²⁰ Yâhâ Anitâhât añeloñe lama galemñe den ekyongop ya ekñetâ bulâñe otmu yâkñe âwurem ari Anitâ mepaem herone otbañgiwi.

Simion yet Hana yâk yetgât den

²¹ Yesu teteop yakât kakñan hilâm nombolân kalimbu pesuk sâmû hâkñahât undip tuhuwañgim kutñe Yesu sâm kunbi. Yâhâ Marianañe tepñe ki olop sâp yan añeloñe tetewañgim kutñe Yesu sâm kunbuat sâop ya watmâ kunbi.

Yesuñe Kutdâhât hon bawañgiwuapgât Yosep yet Marianañe pat kuwañgiowot.

²²⁻²⁴ Isirae imbiñe naom meñetâ hepyeñe sañ sâwuap yan salek otmâ mannomaihât Anitâñe Mose den âlâ ekumu kulemgum katyiñgiop yamâ yuwu tap. “Âwâñe mâmâñañe kembâ me upu kutulup yâhâp mem hotom unihromawot.” Yawu tap. Den ya lâum Maria yet Yosepñe Yesu lâum Yerusalem kapiân yâhâowot. Yâhâ emelâk Anitâñe Mose den âlâ ekumu kulemguop yamâ yuwu. “Nanlipyeñe kunñe tetenomai yamâ Kutdâhât hon

bawaŋginomaihât pat kuwaŋginomai.” Den yâhâp ya lâum Yesu lâum opon kâmbukŋan yâhâowot.

²⁵ Sâp yan Yerusalem kapiân lok âlâ manop, kutŋe Simion. Yâhâmâ Anitâhât Wâtgât mâmâŋahât Heakŋe mâmâŋe otbaŋgimu Anitâhât tem lâuwaŋgim uwawaŋŋe bia manmâ gaop. Yawu manmâ Anitâŋe ikŋe hoŋ bawa hâŋgâŋgumu ge Isirae lohimbi tihityeŋe otmâ kasalipyeŋe watyekmu arinomai yakât mambotmâ manop.

²⁶ Yâhâ emelâk Wâtgât mâmâŋahât Heakŋe biwiŋan kionmu Anitâhât hoŋ bawaŋe tetem Isirae lohimbi yeŋgât tihityeŋe otbuap ya ekbuap yakât nâŋgâm biwi yâhâp ki olop. ²⁷ Aiop, Yosep yet Mariane Yesu lâum opon kâmbukŋan yâhâowot sâp yan Wâtgât mâmâŋahât Heakŋe Simion mem hewewen tuhumu yawuâk opon kâmbukŋan yâhâop. Yâhâ kinmu Maria yet Yosepŋe Anitâhât den lâum Yesu lâum yâhâowot. ²⁸ Yâhâmutâ ekyotgomu nanyetŋe waŋmutâ lâum yuwu sâm Anitâ mepaeop.

²⁹ “O Kutdâ pato, gâŋe nâŋgânihirâ yiwerene Isirae nengât tihitnenŋe otbuap yâk eksangât biwine huruŋ yap. Yakât otmâ inâk ki mumbom. ³⁰⁻³¹ Yâhâ naom yu pato otmu lohimbi âlâ me âlâŋe yâkâlen biwinnenŋe kepeim mannom yan gâŋe nengât tihitnenŋe otmâ manman âlepŋan mem katnenekdâ manmâ yâhânom. ³² Yâhâ pâku lohimbiŋe manman âlepŋahât mâtâp ekmâ watnomaihât gâhât laŋingane biwiyenjan pilâmu haŋ sâyŋgiwuap. Yawu otmâ yâkâlen biwiyenŋe kepeim Isirae nengât heronŋe nâŋgâninginomai.” Yawu sâop.

³³ Yesu lâum yawu sâm Anitâ mepaemu, âwâñe mâmâñeñe nânğâmutâ âlâ kândâkdâ olop. ³⁴ Yawu otmâ Anitâñe yâk yetgât nânğâyitgiâkgât Simionñe ulitguop. Yawu otmâ mâmâñe yuwu sâm ekuop.

“Sâmune nânğâ. Nen Isirae lohimbine nangahât nânğâmâmâ hionaknomgât Anitâñe sâm kalop. Nombotñe yâkâlen biwinenñe kepeim manmâ manman kârikñahât pat yakât bulâñe menom. Yâhâ nombotñeâmâ yâk betbangim hiliwahonomaihât pat mannomai. ³⁵ Yawu manñetâ Anitâñe ikñe kai toka sâm senyenjan katmu kinbuap. Katmâ kinmu sâm ge katnomai ya yengât topyeñe mem tetewuap. Yawu gârâmâ kuñetâ mumbuap yan we bâle pato nânğâuwat. Yawu.” Yawu sâm ekuop.

³⁶ Otmu Simionñe den yawu sâm ekuop sâp yanâk imbi sombo âlâ Anitâhât den sâm tetem lohimbie ekyongom manopñe mem teteyehop. Imbi sombo yakât topñe yuwu. Imbi yakât kutñe Ana sâm, yâhâmâ Panue baratñe, Asehât senâmbâ gâtñe. Yâkñe lokñeit miakmâ manmutâ yambu 7 pesuk sâmu lokñe muop. ³⁷ Lokñe mumu ikñe kambut manmâ gamu yambu 84 pesuk sâop. Yâhâ imbi sombo yañe omoñe hilâmñe opon kâmbukñan tatmâ Anitâ mepaeminiop. Otmu sâp sâsâñan sot barak manmâ ulitguminiop. ³⁸ Otmu yâkñe naom ya mem tetem yâku yawuâk Anitâ mepaeop. Otmu Anitâñe ikñe hoñ bawa hânğângumu ge Isirae tihityeñe otmâ kasalipyenñe watyekbuapgât nânğâm biwiyenñeñe mem manbi ya Yesuhât ekyongop.

³⁹ Yâhâ Maria yet Yosepñe Anitâhât den tiñâk lâum hotom uwañgimutâ pesuk sâmu opon

kâmbukꞗambâ ge Nasaret kapi Galilaia hânân tawân âwurem ariowot. ⁴⁰ Yan ari manmutâ naom ya Anitâꞗe mâmâꞗe otbaꞗgimu kâiꞗe hâwimu nâꞗgân nâꞗgânꞗe keterahop.

Maria yet Yosepꞗe Yesu dâim Yerusalem kapiân yâhâowot.

⁴¹ Yura yengât Tihit tihit Hombaꞗ ya tâlâhumu Yosep yet Mariaꞗe nanyetꞗe orowâk Yerusalem kapiân yâhâwi. ⁴² Sâp yan Yesuâmâ yambuꞗe kâiân yâhâp otbaꝼgiop. ⁴³⁻⁴⁴ Hombaꝼ ya ekꝼetâ pesuk sâmu lohimbî itoꝼ galaꝼ kapiyenehen arim kinbi. Sâp yan Maria yet Yosepꝼe nanyetꝼe ki ekmâ lohimbî nombotꝼe orop arap nâꝼgâowot. Yawu nâꝼgâm yetꝼiâk Yerusalem kapi pilâm âwurem ariowot. Mâtâwân arim tatꝼetâ ꝼiꝼ sâop. Emet ꝼiꝼ sâmu bukulipyetꝼe yengâlen ba pâinmutâ bialop. ⁴⁵ Emet haꝼ sâmu yahatmâ Yerusalem kapiân âwurem ari iowot. ⁴⁶ Imutâ haꝼ sâmu pâinmâ opon kâmbukꝼan yâhâowot. Yâhâ lok Mosehât girem den lohimbî kâsikum yingiminiwi ya yengât denyene nâꝼgâm Yesuꝼe topꝼahât âiyongom talop yan mem teteowot. ⁴⁷ Otmu Yesuꝼe yâk orop den huhuwi ya lohimbî yan tatbꝼe nâꝼgâꝼetâ âlâ kândâkdâ olop. ⁴⁸ Yâhâ âwâꝼe mâmâꝼaꝼe mem tetem pâràk pilâowot. Yawu otmâ mâmâꝼaꝼe yuwu sâm ekuop. “Net âwâheit pâingekmutꝼe biatmu gorâ kakꝼan takait. Gâꝼe wongât otmâ mâꝼgâeneleksat?”

⁴⁹ Sâmu sâop. “Nâꝼe awoꝼnahât nep tuhuan ya emelâk nâꝼgâmbâwât. Yamâ wongât pâinnekmâ takawot?”

⁵⁰ Yawu sâmu nângâmutâ ki keterakyitgiop.
⁵¹ Yamâ mâmânaeâmâ nanjahât den ya biwiñan katmâ nângâm gaop.

Yawu otmâ âwâne mâmâne orop Nasaret kapiân âwurem ari manmâ tem lâuyitgim manmâ gam kundenne sânduk sâop. ⁵² Otmu Anitâne mâmâne otbañgimu nângân nângânne keterakmâ heñgeñguop. Yawu gamu lohimbne ekñetâ âilongo olop.

3

Yoaneñe âi topne kalop

(Mataio 3:1-12 Mareko 1:2-8 Yoane 1:19-28)

¹ Roma yengât lok kutdâ âlâ, kutne Tiwerio Sisa sâm, yâk kânângâñetâ lohimbî kerek nengât kunnenne pato otmâ galemyongomu yambu 15 pesuk sâop. Otmu sâp yan kiap âlâ, kutne Pontio Pilato sâm, yâhâmâ Yuraia ambolipne galemyongom manop. Yâhâ lok kutdâ âlâ, kutne Herot, yâhâmâ Galilaia ambolipne galemyongom manop. Yâhâ imiñe Pilip, yâhâmâ Ituria otmu Tarakoniti ambolipne galemyongom manop. Yâhâ lok kutdâ âlâ, kutne Lisania sâm, yâkneâmâ Awilene kapi ambolipne galemyongom manop. ² Yâhâ Anitâhât opon kâmbukñan hotom uminiwi ya yengât kunyene lok yâhâp manowot, kutyetne Anasi yet Kaipa. Aiop, sâp yan Sakaria nanne, kutne Yoane sâm, yâkne lok ki manmaiângen ari manmâ âi topne kalop. ³ Yan manmu Anitâne ikne den biwiñan katmu Yoran to nombot nombot bam gam lohimbî yuwu sâm ekyongop. “Orot-memeyene bâlene ya kerek betgunjetâmâ toen

katyekbom. Toen katyekmune Anitâñe tosayeñe pilâyinñiwuap.” Yawu sâñ ekyongop. ⁴ Yâhâ emelâk emet inânñan poropete âlâ, kutñe Yesaia sâñ, Anitâñe yuwu sâñ ekumu kulemguoñ tap.

“Lok ki manmaiâñgen, lok âlâ yan ari manbuap. Lohimbi yâkâlen takanomai ya yuwu sâñ ekyongowuap. “Lok kutdâhât mâtâp ya mem pitinjet. Otmu mâtâp mewañinjet. ⁵ Otmu uk sâñ huruñ sâñ, pumñe launje ya kum kilikmâ mem ârândâñ merândâñ tuhuñetâ ya talâk. Otmu mâtâp gonñon manñon ya henñenñunomai. Otmu mâtâp gâwikñe ya mem perereñ tuhunomai. ⁶ Yawu otmâ Anitâñe lohimbi kerek yengât tihityeñe otbe sâñ oap yakât topñe nânñanomai.” Yawu sâñ ekyongowuap.”

Yesaiane den yawu kulemguoñ tap yakât bulâñe yamâ Yoanehâlen teteop.

⁷⁻⁸Yoaneñe den yawu ekyongop sâp yan lohimbi kinñitñe orowâkñe yâkñe toen mem katnenehâk sâñ yâkâlen ariwi. Ariñetâ yekmâ yuwu sâñ ekyongop. “Yenâmâ lok perâkñe. Otñetâ bâlem gamap yakât matñe Anitâñe meñet sâñu yakât yeñeâmâ kinñityeñahât otmâ bâleñe ya pilai mâne âlepñe otbâp. Yawu gârâmâ den yan yu nânñanñetâ ki ârândâñ oap.

Yawu otmâmâ yuwu mon nânñanomai, “Nenâmâ Awarahamgât komot bulâñe mansain. Yakât otmâ Anitâñe nengât ki nânñam bâleningimap.” Yawu ki nânñanomai. Yakât yuwu sâñmune nânñanñet. Anitâñe sâñu kât yuñe Awarahamgât komot tetenomaihât dop tap. Yawu gârâmâ yenâmâ ya imbiâk

sâmai. Yakât matņe hâmbâi menomai.

⁹Yakât den âlâen hâum sâmunen nâņgâņet. Emelâk unam sâtņe katmu tap. Yâhâ nak âlâhât bonņe ki kinbuap yamâ kârâm panmu gemum hâlâlâņ sâmu kâlâpņe sewuap. Yenâmâ nak yakât dop otmâ mansai.”

¹⁰Yawu sâm ekyongomu yuwu sâm âikuwi. “Nenņe wuân otmunņe ârândâņ otbuap?”

¹¹Sâņetâ sâop. “Lok âlâ me âlâ hâk katipņe yâhâp tatyņgiwuapņe bukulipyenņe âlâ me âlâ umburuk mannomai ya yekmâmâ âlepņe âlâ ya yinginomai. Otmu sotgât po manmai ya gurâ yawuâk nembe kalem otyinginomai.” ” Yawu sâop.

¹²Yawu sâm ekyongomu takesi meme lok nombotņe yawuâk toen mem katnenehâk sâm yâkâlen taka yuwu sâm âikuwi. “Lok pato, nenņe wuân otmunņe ârândâņ otbuap ya eknongorâ nâņgâne.”

¹³Sâņetâ sâop. Kunlipyenņe “Takesihât dop yuwu meņet” sânomai yawuâk menomai. Yeņe andemņe ya waņgim âlâ torokatmâ ki menomai.”

¹⁴Yawu sâm ekyongomu Roma yeņgât tembe lâu yawuâk yâkâlen taka yuwu sâm âikuwi. “Girawu naņgat? Nenņeâmâ wuân otmunņe ârândâņ otbuap?” Yawu sâwi.

Sâņetâ sâop. “Yeņe lok ki mem âlâlâ tuhuyekmâ kombo meyinginomai. Otmu tewetsenņe yinginetgât ki hakyenjan sânomai. Otmu âi memai yakât hâmenahât kunlipyenņe puluhuyeknomai yakât nâņgâņetâ ârândâņ otbuap. Yawu.” Yawu sâm ekyongop.

Yoanenņe lohimbi ya Yesuhât ekyongop.

15 Yawu sâm ekyongomu nângânetâ âlâ kândâkdâ otmu nângâm yuwu sâwi. “Anitâne ikne hon bawaŋe hângângumu ge tihitnenne otbuap ya Yoane mon?”

16 Yawu sânetâ nângâm yuwu sâm ekyongop. “Yeŋe orotmemeyene bâlene betbaŋiŋetâmâ toen katyebom. Lok âlâ irak betnehembâ âi topne katbuap yâhâmâ wâtne pato tatbaŋiap. Yakât otmâ nâne yâkât itâkat ya mem kâpekmâ golewanŋiwomgât dop ki tap. Otmu tânguwomgât dop gurâ ki tap. Nâneâmâ yâkât amutgen manmâ yâhâwom. Yâkneâmâ Wâtgât mâmâŋahât Heak hângângumu ge mem ketetyekbuap. Nombotne manman âilonŋoân mem katyekbuap. Yâhâ nombotneâmâ hâhiwin kakŋan katyekmu mannomai.

17 Otmu den âlâen hâum sâwe. Yeŋeâmâ sot ekmâ mem kiwilim komot ikniâk ikniâk katmai. Neneŋahât pat otmap ya konohân mem hâwuruŋetâ tatmap. Yâhâ ki neneŋahât pat otmap yamâ mem pilâmai. Yakât dopneâk yâkne taka biwinenŋahât topne ekmâ mem kâsipnongowuap yakât topne yuwu. Yâkât tem lâum manmâ yâhânom yamâ ikŋan mem torokatnenekbuap. Yâhâ nombotŋane yâkât hâkâŋ otmâ betbaŋim manmai yamâ watyekmu kâlâwân kionmâ hâhiwin nângâmbisâi.” Yawu sâop.

18 Yâhâ Anitâne tihityene otbe sâm oap yakât den pat âlepne ekyongop. Yawu otmâ orotmemeyene bâlene betbaŋiŋet sâm den âlâlâ ekyongom enŋatyeŋan giop.

Herotne otmâ hilipguop.

19 Sâp yan lok kutdâ, kutņe Herot sâm, yâkņe imiņahât betņehen kionĵmâ kahaņe, kutņe Herotia sâm, ya miop. Otmu orotmeme bâlene topņe topņe otmâ gaop. Yakât otmâ Yoaneņe ekmu bâlemu yakât girem den ekuop. 20 Girem den ekuop ya nâņgâmu bâlemu imbiâk mem pâi emetņan katmu talop. Yawu otmâ tosa âlâ miop.

Yoaneņe Yesu mem toen kalop.

(Mataio 3:13-17 Mareko 1:9-11)

21 Yoaneņe toen mem katnenehâk sâm lohimbi kiņgitņe orowâkņe yâkâlen ariwi. Yâkâlen ariņetâ toen mem katyehop. Sâp yan Yesu gurâ yawuâk yâkâlen ariop. 22 Arimu toen mem katmu Anitâ mepaeop. Yawu otmu himbim pâroņ sâmu Anitâhât Wâtgât mâmâņahât Heakņe kembâ hâtgum Yesu kakņan ge mâmâņe otbaņgiop. Yawu otmu himbimâmbâ Anitâņe yuwu sâop. “Gâ nine nanne kambiamne. Nâ biwinane gâhâlâk nâņgâm kepeihekman.” Yawu sâop.

Yesuhât tâmbâlipņahât kutyeņe

(Mataio 1:1-17)

23-38 Topņe katmâ Anitâņe Atam Ewa katyelehop. Atamgât nanņe, Set sâm, ya teteop. Setgât nanņe, Enosi sâm, ya teteop. Enosihât nanņe, Kenan sâm, ya teteop. Kenangât nanņe, Mahalali sâm, ya teteop. Mahalalihât nanņe, Yaret sâm, ya teteop. Yaretgât nanņe, Enok sâm, ya teteop. Enokgât nanņe, Metusela sâm, ya teteop. Metuselahât nanņe, Lamek sâm, ya teteop. Lamekgât nanņe, Noa sâm, ya teteop. Noahât nanņe, Sem sâm, ya teteop. Semgât nanņe, Arapasat sâm, ya teteop. Arapasatgât nanņe, Kenan sâm, ya

teteop. Kenangât nanŋe, Sela sâŋ, ya teteop. Selahât nanŋe, Ewe sâŋ, ya teteop. Ewehât nanŋe, Pelek sâŋ, ya teteop. Pelekgât nanŋe, Lahau sâŋ, ya teteop. Lahauhât nanŋe, Seruk sâŋ, ya teteop. Serukgât nanŋe, Neho sâŋ, ya teteop. Nehohât nanŋe, Tara sâŋ, ya teteop. Tarahât nanŋe, Awaraham sâŋ, ya teteop. Awarahamgât nanŋe, Isaka sâŋ, ya teteop. Isakahât nanŋe, Yakop sâŋ, ya teteop. Yakopgât nanŋe, Yura sâŋ, ya teteop. Yurahât nanŋe, Peresi sâŋ, ya teteop. Peresihât nanŋe, Hesoron sâŋ, ya teteop. Hesorongât nanŋe, Arani sâŋ, ya teteop. Aranihât nanŋe, Aramin sâŋ, ya teteop. Aramingât nanŋe, Aminarap sâŋ, ya teteop. Aminarapgât nanŋe, Nason sâŋ, ya teteop. Nasongât nanŋe, Salamon sâŋ, ya teteop. Salamongât nanŋe, Boasi sâŋ, ya teteop. Boasihât nanŋe, Owet sâŋ, ya teteop. Owetgât nanŋe, Yese sâŋ, ya teteop. Yesehât nanŋe, Dawiti sâŋ, ya teteop. Dawitihât nanŋe, Natan sâŋ, ya teteop. Natangât nanŋe, Matat sâŋ, ya teteop. Matatgât nanŋe, Mena sâŋ, ya teteop. Menahât nanŋe, Melia sâŋ, ya teteop. Meliahât nanŋe, Eliakim sâŋ, ya teteop. Eliakingât nanŋe, Yonam sâŋ, ya teteop. Yonamgât nanŋe, Yosep sâŋ, ya teteop. Yosepgât nanŋe, Yura sâŋ, ya teteop. Yurahât nanŋe, Simion sâŋ, ya teteop. Simiongât nanŋe, Lewi sâŋ, ya teteop. Lewihât nanŋe, Matat sâŋ ya teteop. Matatgât nanŋe, Yorim sâŋ, ya teteop. Yorimgât nanŋe, Eliese sâŋ, ya teteop. Eliesehât nanŋe, Yosua sâŋ, ya teteop. Yosuahât nanŋe, Ere sâŋ, ya teteop. Erehât nanŋe, Elimatam sâŋ, ya teteop. Elimatamgât nanŋe, Ati sâŋ, ya teteop. Atihât nanŋe, Meliki sâŋ, ya teteop.

Melikhât nanje, Neri sâam, ya teteop. Nerihât nanje, Salatîe sâam, ya teteop. Salatîehât nanje, Seruwawe sâam, ya teteop. Seruwawehât nanje, Lesa sâam, ya teteop. Lesahât nanje, Yoanan sâam, ya teteop. Yoanangât nanje, Yota sâam, ya teteop. Yotahât nanje, Yosek sâam, ya teteop. Yosekgât nanje Semen sâam, ya teteop. Semengât nanje, Matatia sâam, ya teteop. Matatihât nanje, Mata sâam, ya teteop. Matahât nanje, Nahai sâam, ya teteop. Nahaihât nanje, Esili sâam, ya teteop. Esilihât nanje, Nahum sâam, ya teteop. Nahumgât nanje, Amosi sâam, ya teteop. Amosihât nanje, Matatia sâam, ya teteop. Matatihât nanje, Yosep sâam, ya teteop. Yosepgât nanje, Yanai sâam, ya teteop. Yanaihât nanje, Meliki sâam, ya teteop. Melikhât nanje, Lewi sâam, ya teteop. Lewihât nanje, Matat sâam, ya teteop. Matatgât nanje, Eli sâam, ya teteop. Elihât nanje, Yosep sâam, ya teteop. Otmu Yosepgât yuwu nângâm hilipguwi. “Yosepgât nanje, Yesu sâam, ya teteop.” Yawu gârâmâ Yesu ya Anitâje himbimâmbâ hângângumu ge manop. Otmu Yesuje manmu yambu 30 otbaŋgimu nep topje kalop.

4

*Satanje Yesuhât biwiŋahât topje ekbe sâam olop.
(Mataio 4:1-11 Mareko 1:12-13)*

¹ Anitâhât Wâtgât mâmâŋahât Heakje Yesu mâmâje otbaŋgimu Yoran to ya pilâm lok ki manmaiângen ariop. ² Yan ari sot barak manmâ gamu hilâm 40 pesuk sâop. Sotgât po waŋgimu wâtje houŋ sâop.

³ Yawu otmu Satanŋe biwiŋahât topŋe nâŋgawe sâmu yuwu sâmu ekuop. “Gâ bonŋanâk Anitâhât nanŋe mansat otmuâmâ kât yu sârâ sot otmu nendâ gekbe. Yawu otdâ yanâmâ gâ bonŋanâk Anitâhât nanŋe bulâŋe mansat sâwom.” Yawu sâmu ekuop.

⁴ Sâmu sâop. “Âlepŋe yarâke yamâ benŋe Anitâhât den âlâ yuwu tap.

“Anitâŋe haonmâ ârândânŋ tihitnenŋe otmap. Yawu gârâmâ sotŋak konok wâtnenŋe miangim manmâ yâhânomgât dop ki tap. Yamâ wongât? Anitâŋe den sâmu ningimap ya gurâ lâum yâhânom. Yawu otmunŋe ârândânŋ otbuap yakâ.”

Den yawu tap yakât otmâ gâŋe den eknohoat ya ki nâŋgawom.” Yawu sâop.

⁵ Yawu sâmu pumŋe gip gipŋan dâim yâhâop. Dâim yâhâm yanâmâ hânŋe hânŋe lok kutyeŋe pato ya yeŋgât senŋe âlâlâ dondâ tatyinŋiop ya tiripgum yuwu sâmu ekuop. ⁶ “Senŋe âlâlâ tatmâ arap enda eksat? Nâŋe yukât kunyeŋe manman. Otmu yu kerek nâhât pat oap. Yakât otmâ lok âlâ me âlâŋe galemyeŋe katnek sâmu eknohonomai yamâ âlepŋe galemyeŋe katbom. Yamâ nâhât wahap. ⁷ Yakât otmâ gâŋe nâ mepaenekbuat yanâmâ galemyeŋe katgekmmune senŋe âlâlâ yu gâhâlâk hârok otbuap.” Yawu sâop.

⁸ Sâmu sâop. “Mainŋ, Anitâŋe den âlâ sâop ya yuwu tap.

“Anitâ pato konohâk tap. Yâk konok mepaenom. Otmu yâkât den konohâk tem lâum honŋ bawanŋim mannom.”

Den yawu tap. Yakât otmâ gâñe den eknohoat ya lâuwomgât dop âlâ ki tap.” Yawu sâop.

⁹⁻¹¹ Yawu sâmu yanâk Satanñe dâimu Yerusalem kapi pato yakât opon kâmbukñahât gimbâñan yâhâowot. Yâhâm Satanñe yuwu sâm ekuop. “Anitâñe sâmu den âlâ kulemgawi ya yuwu tap.

“Kâlân kâihan teñ sâmapgât Anitâñeâmâ anelolipñe hângânyongomu ge tihitge otñetâ ki hiliwahowuat.”

Den yawu tap. Yawu gârâmâ gâmâ bulâñanâk Anitâhât nanñe mansat otmuâmâ yupâ soñ pilâm kion. Kiondâ ki gohowuap. Yâhâ gekmâ yuwu nâñgâwom. “O, bulâñanâk lok yuâmâ Anitâhât nanñe mansap.” Yawu sâwom.”

¹² Sâmu purik pilâwanjim sâop. “Bâin, den âlâ yuwu tap.

“Anitâñe tihitnenñe otmap. Yakât otmâ “Ihilâk otbe,” ki sânom.”

Den yawu tap yakât otmâ gâñe den eknohoat ya nâñgâmune tâñât oap.” Yawu sâop.

¹³ Yawu sâmu Satanñe pilâm sâp girawuân topñe mem tetewom nâñgâm manop.

*Yesuñe topñe katmâ den kâsikum yinjiop.
(Mataio 4:12-17 Mareko 1:14-15)*

¹⁴ Anitâhât Wâtgât mâmâñahât Heakñe Yesu mâmâñe otbanjimu lok ki manmaiângembâ Galilaia hânân âwurem ariop. Âwurem ariop yakât den pat kapi ambolipñane sâm haok tuhuñetâ kapi tipi tapi tatmâ arap ya ambolipñe kerekñe nâñgâwi. ¹⁵ Yawu otmâ miti emetñe ârândâñ ari den kâsikum yinjiomu heronje otbanjiwi.

Nasaret kapi ambolipņane Yesuhât nâņgâņetâ giop.

(Mataio 13:53-58 Mareko 6:1-6)

¹⁶ Yawu otmâ ikņe kapi Nasaret yan ariop. Otmu tatmâ nâņgâ nâņgâ sâp ârândâņâk miti emetņan yâhâ Anitâ mepaeminiop yawuâk olop. Emelâk Anitâņe poropetelipņe ekyongomu Miti pepaen kulemgui ya sâlikuwe sâm yahatmâ kinop. ¹⁷ Yahatmâ kinmâ poropete Yesaianę pepa kulemguiop ya waņetâ miop. Mem gahaem ekmâ den yuwu kulemguiop ya mem teteop.

¹⁸⁻¹⁹ “Kutdâhât Wâtgât mâmâņahât Heakņe mâmâņe otnihim âi yuwu sâm nihiop. Lohimbi biwiyene orotok sâmu mansai ya yeņgâlen ari den pat âlepņe ekyongowom. Yâhâ lohimbi umatņe kakņan mansai yâk holañyebom. Yâhâ lohimbi senyene bok sâsâņe ya heņgemyongomune senyene hâreakmu eknomai. Yâhâ lohimbi mem âlâlâ tuhuyekņetâ hâhiwin nâņgâmai ya mem hewewen tuhuyekmune biwi herone nâņgânomai. Yâhâ Kutdâņe lohimbi nâņgâyiņgim tihityene otmâ manman âlepņan katyekmu manmâ herone nâņgâwaņginomai yakât sâp tâlâhuap yakât den pat ekyongowom. Yawu.”

²⁰ Den ya sâlikum pepa ya mem goņgoņgum hoņ bawa âlâ waņmâ ge talop. Ge tatmu miti emetņan tatbi kerekņe denņe nâņgâne sâm ândâp katbi. ²¹ Ândâp katņetâ yuwu sâm ekyongop. “Den sâlikum ekyongomune naņgai yukât bulâņe yiwereņe teteap.”

²² Yawu sâ m ekyongomu yâkât nâ ngânetâ yahatmu den âilongo eknongoap sâ m nâ ngânetâ âlâ kândâkdâ olop. Yawu olowâke yamâ nombotnaje yâkât nâ ngânetâ gemu yuwu sâwi. “O yu Yosep nanje yukâ.”

²³ Yawu sânetâ yuwu sâ m ekyongop. “Hâmbâi yeje yuwu sâ m eknohonomai. “Lohimbi he ngemyongomat gârâmâ gike tânaho.” Otmu den âlâmâ yuwu sâ m eknohonomai. “Kapanaum kapiân kulem mem gat yakât den pat sânetâ nâ ngâmain. Yukât otmâ yuân yawuâk mendâ ekne.” Yawu sâ m eknohonomai. ²⁴ Yakât otmâ yuwu sâ mune nâ ngânet. Anitâhât poropetelipnaje kapi âlâen ari yâkât den kâsikum yinginetâ nâ ngânetâ bulâje otmap. Yâhâ yâk hep torehenlipyenje den kâsikum yinginetâ nâ ngânetâ tâjât otmap.

²⁵ Yakât den âlâ torokatmâ sâ mune nâ ngânet. Emelâk Anitâhât poropete, Isirae lok âlâ, kutje Elia sâ m, ya manop. Sâp yan emet pato kinmu yambu kalimbu otmu emetsenje nombolân konok ya pesuk sâop. Yawu otmâ sot biatmu lohimbi kerekje poyenahât otmâ manbi. ²⁶ Otmu sâp yan Isirae lohimbi yengâlen imbi kambut sesengâlâk manbiâke yamâ Anitâje Elia ekumu ikje kapi pilâm Sarepat kapi Siron hânân tap yan imbi kambut âlâ manop yâkâlen ariop. Yâkâlen arimu Anitâje kambut ya tângumu yâkje Elia sot um wanminiop.

²⁷ Den âlâ torokatmâ sâ mune nâ ngânet. Anitâhât poropete âlâ, kutje Elisa sâ m, manop, sâp yan Isirae kapi ambolipje sesengâlâkje hâk bâle otbi. Otmu yâk yengâlen gâtje ki âlepje otbi. Yâhâ lok

âlá, kutņe Naman sâ, yâhâmâ Siria hânân gâtņe, yâk konok âlepņe olop.” Yawu sâ ekyongop.

²⁸ Yawu sâ ekyongomu miti emetņan tatbiņe nâņgâņetâ bâlemu kuk bâleņe otbi. ²⁹ Yawu otmâ yahatmâ kapi betņehen hem bâleņe tap yapâ hâpuņetâ giâkgât Yesu mem gewi. ³⁰ Mem gewi yamâ Anitâņe mâmâņe otbaņgimu pilâyekmâ âlâengen ariop.

*Yesuņe Kapanaum kapiân ari den kâsikum yingiop.
(Mareko 1:21-28)*

³¹ Yapâ pilâyekmâ kapi âlá Galilaia hânân tap, kutņe Kapanaum sâ, yan ariop. Otmu tatmâ nâņgâ nâņgâ sâp âlâen miti emetņan yâhâ den kâsikum yingiop. ³² Den kâsikum yingimu nâņgâņetâ âlá kândâkdâ otmu yuwu sâwi. “Lok yuņe Anitâhât sâtgât otmâ den kâsikum ningiap. Nâņgâmunņe yawu oap.” Yawu sâwi.

³³⁻³⁴ Yâhâ lok âlá weke bâleņeņe mem mâņgâemu manminiop yaņe miti emetņan tatmâ Yesuhât denņe nâņgâop. Yawu otmâ weke bâleņeņe biwi nâņgân nâņgânņe mem purik pilâmu kârikņan halahum yuwu sâop. “Bâe, Yesu Nasaret amboņe. Gâ wongât nâhâlen takat? Hilipnohowe sâ takat me? Gâhât topge nanņan. Gâmâ Anitâhât nanņe bulâņe mansat. Otmu Anitâņe hâņgâņgohomu nâ bukulpne orowâk hilipnongowe sâ gion.” Yawu sâop.

³⁵ Yawu sâmu yuwu sâ sâwaņgiop. “Kâmbukņe. Gâ gaiakmâ ba ari.” Yawu sâmu weke bâleņe yaņe gaiakmâ ba arimu lok ya senņe gâwâņ gâwâņ sâmu launņe barakņaņak pato otmâ ge iop.

³⁶ Yawu otmâ ge imu ekñetâ sâtñe otmu yuwu sâam alahuwi. “Bâe, wâtñe pato tatbanjiap yakât otmâ weke bâleñe sâwanjimu tem lâuwangim gaiakmâ ba arap.” Yawu sâwi. ³⁷ Yakât den pat ya sâam haok tuhuñetâ kapi nombot nombot huhum lingarakmâ arimu lohimbi kinjitiñe orowâkñe nânğawi.

Yesuñe sâmu Simon hewunñe âlepñe olop.
(Mataio 8:14-17 Mareko 1:29-34)

³⁸ Yesuñe yahatmâ miti emetñambâ gem ariop. Ari lok âlâ, kutñe Simon Petoro, yâkât hewunñe mesek pato kumu hâkñe kâlâp otmu im talop. Yakât ekunjetâ emelan yâhâop. ³⁹ Emelan yâhâm ekmâ yan mesek ya sâwanjimu hâkñe sânduk sâop. Yawu otmu imbi yanñe yahatmâ sot um yingimu newi. ⁴⁰ Um yingimu nem tatñetâ emetsenñe purik sâop yan sombemân yâhâ kinop. Kinmu kapi ambolipñe kundat âlâlâ otbi ya lâuyekmâ yâkâlen ariwi. Yawu otñetâ kunyenñan mem henğemyongop. ⁴¹ Otmu weke bâleñe watyekmu gaiakmâ ari kârikñan halahum yuwu sâwi. “Gâ Anitâhât nanñe.” Yawu sâwi yakât otmâ Yesuhât topñe sâam tetem lohimbi ekyongomaihât kuyingop.

Yesuñe den pat âlepñe ya Yuraia lohimbi ekyongop.
(Mareko 1:35-39)

⁴² Emet hanñ sâmu emelambâ gem lok biaengen ariop. Arimu kapi ambolipñanñe pânñetâ biatmu kapi ya pilâm betñan watmâ ariwi. Ari mem tetem pilânenekmâ âlâengen arimap sâam mem alitbi. ⁴³ Mem alitñetâ yuwu sâam ekyongop. “Nâ kapi ârândânñ ari Anitâhât den kâsikum yingimune lâum

mannomai yakât hângânnohomu gewan.” Yawu sâop.

⁴⁴ Yawu sâm Yuraia hânân kapi tipi tapi tatmâ arap yan ari miti emetņe ârândâņ yâhâm gem den kâsikum yingiop.

5

*Yesuņe hon bawalipņe nombotņe meyehop.
(Mataio 4:18-22 Mareko 1:16-20)*

¹ Hilâm âlâen Yesuņe Genesaret dengân ginņan ari kinop. Ari kinmu lohimbi dondâņe Anitâhât den nâņgâne sâm yâkâlen ari mem hawam mewam tuhuwi. ² Yawu otrjetâ waņga yâhâp talop yakât ambolipņane waņgaembâ gem inan itâņe pirim kinbi. ³ Pirim kinņetâ Yesuņe lok âlâ, kutņe Simon sâm, yâkât waņgaen yâhâm yuwu sâm ekuop. “Ga puli kuņetâ endun bane.” Yawu sâmu puli kum endun baņetâ lohimbi yaņe dengân ginņan ge tatbi. Ge tatņetâ Yesuņe yahatmâ waņga hâmenan yâhâ kinmâ den kâsikum yingiop. ⁴ Den kâsikum yingimu pesuk sâmu Simon yuwu sâm ekuop. “Dengân tânâmņan ba inan itâņe pilâņetâ gemu inan dondâņe yakât kâlehen kutakulakņetâmâ mem dâiņetâ gawuap.”

⁵ Sâmu sâop. “Lok pato, nenņe omoņe inan itâņe pilâmunņe giap yamâ inan âlâ ki miain. Yawu gârâmâ gâhât den ya lâum yâhâpņe ba inan itâņe ihilâk pilâmunņe gewuap.” Yawu sâop. ⁶ Yawu sâmu inan itâņe pilâņetâ gemu inan dondâhâlâk yakât kâlehen kutakulakņetâ mem dâiņetâ tiririk sâm tok sâwe sâm olop. ⁷ Tok sâwe sâm otmu yaņak benņe bukulipyņe waņga âlâen kinbi ya

sânetâ ga tânyongowi. Tânyongonetâ inan itâne ya mem dâinetâ wanğa yâhâp pik sâmu guhulakde sâm olowot.

8-10 Yawu otmu Pétoro otmu bukuyâhâtne, imi ata, kutyetne Yakowo yet Yoane, Yeweri nanyâhâtne, yâkne inan dondâ ya eknetâ âlâ kândâkdâ olop. Eknetâ âlâ kândâkdâ otmu yakât otmâ Simon Pétoroje Yesu mepaem yuwu sâop. “Mainj, Kutdâ, mat oarâke. Gâmâ lok âlepne. Yawu gârâmâ nâmâ lok bâleje. Yakât otmâ nâne hâmehan kinbomgât dop bia.”

Sâmu sâop. “Biwi yâhâp ki ot. Yiwerene inan dâiat. Yâhâ hâmbâi lok meyekdâ nâhâlen biwiyenane kepeim mannomai.” ¹¹ Yawu sâm ekumu puli kujetâ wanğa ya dengân ginņan yâhâmu yan âiyene pilâm Yesuhâlen torokatnetâ orowâk manbi.

Lok âlâ hâk bâle tetewangimu manop ya Yesune hengetguop.

(Mataio 8:1-4 Mareko 1:40-45)

¹² Yesune kapi ya pilâm âlâen arimu lok âlâ hâk bâle kârikne tetewangimu manopne Yesu ekmâ yan gotņan bam yuwu sâm âikuop. “Lok pato, gâne sârâ kundat topne topne biatningiwuapgât dop tap. Yawu sânetâ nanğan. Yakât otmâ nângânihirâ hâk bâle yune pesuk sânihiâkgât nanğan.” Yawu sâm âikuop.

¹³ Sâmu sâop. “Nângâhian. Âlepne, walipgohomune hâk bâle biatgihâk.” Yawu sâm walipgumu yanâk biatbangimu âlepne olop. ¹⁴ Yawu otmu Yesune yuwu sâm ekuop. “Gâ otgihian yukât den pat bukulipge ki ekyongowuat. Hotom umai

yeŋgâlen konok ari ekyongowuat. Ekyongom yan Moseŋe hotom u uhât girem den kulempuop ya watmâ kinmâ Anitâhât hotom umbuat. Hotom umbuat ya ekmâmâ lohimbine hâk bâle biatgihiap yukât topŋe nâŋgânomai.” Yawu sâm ekumu ariop.

¹⁵ Yapâ ari iliwetmâ den pat ya sâm haok tuhuop. Sâm haok tuhumu den pat ya liŋgarakmâ kapi ârândân arimu lohimbini kiŋgitŋe orowâkŋe Yesuhât den nâŋgâne sâm yâkâlen ariwi. Yâhâ lohimbini kundat otbi gurâ Yesuŋe mem heŋgemnongoâk sâm yâkâlen ariwi. ¹⁶ Yâkâlen ari mem hawam mewan tuhuŋetâ yakât pilâyekmâ lok biaengen ari Anitâ orop den olowot.

*Yesuŋe lok pareŋe yâkât tosaŋe pilâwangiop.
(Mataio 9:1-8 Mareko 2:1-12)*

¹⁷ Hilâm âlâen Yesuŋe lohimbini den kâsikum yinŋiop. Yawu otmu Parisaio lok otmu Mosehât girem den kâsikum yinŋiminiwi ya nombotŋe kapi âlâlâ Galilaia otmu Yuraia hânân tatmâ arap ya pilâm yâkâlen ariwi. Yâhâ nombotŋe âlâmâ Yerusalem kapi pato yapâ ariwi. Kapi âlâlâ ya pilâm lohimbini yâk yeŋgâlen ari tatmâ yâk orop oset guset otmâ kinbi. Yawu otŋetâ Anitâŋe Yesu mâmâŋe otbaŋgimu lohimbini heŋgemyongowuapgât dop teteop. ¹⁸ Sâp yan lok pareŋe âlâ mem gerelân katmâ lâum yâkâlen ariwi. Lâum arinŋetâ lohimbini dondâŋe emet umbinjan kinmâ mâtâp maŋguyinŋiwi. ¹⁹ Mâtâp maŋguyinŋinŋetâ yakât otmâ yâk yeŋgâlen hâum pâpguwi. Hâum pâpŋum mâtâpŋat pâinmâ emet gimbaŋan getek getek lâum yâhâwi. Yâhâ emet gimbaŋe mem kusatmâ mem katŋetâ lohimbini hohetyeŋan Yesuhât gotŋan giop.

20 Otmu Yesuhâlen biwiyenaje kepeiwi yakât topnje ekmâ lok parenje ya yuwu sâm ekuop. “Anitâje tosahe yiwerenje pilâhihiap.”

21 Yawu sâmu Mosehât girem den kâsikum yingiminiwi otmu Parisaio yâkne nângânetâ bâlemu biwiyenje ekmâ yuwu sâm ekyongop. 22 “Yenje nâ neknetâ lok bâlene otmune biwiyenaje yawu nanjai. Yakât nângâmune ki ârândân oap. 23 Wuân âi tuhumune eknetâ dopnan otbuap? Yuwu mon sâm ekuwom. “Nâje tosahe pilâhihian.” Yawu sâwom me? Me “Gâ getek yahatmâ geretge lâuakmâ ari,” sâwom. 24 Yakât nine topne yuwu sâmune nângânet. Nâ Anitâje hângânohomu gewangât tosayenje pilâyngim mansan. Anitâje âi sâm nihiop yukât topnje ekmâ nângânetgât oan.” Yawu sâm ekyongop.

Yawu sâm ekyongom topnje ekmâ keteraknetgât lok parenje ya yuwu sâm ekuop. “Gâ yahatmâ geretge lâuakmâ emetgan ari.” Yawu sâop.

25 Yawu sâmu in yawu yahatmâ Anitâ mepaem geretne lâuakmâ emetnehen ariop. 26 Arimu lohimbi hâlânjâ kinbiye Yesuje Anitâhât wâtjan kinmâ nep miop ya eknetâ âlâ kândâkdâ otmu Anitâ mepaem yuwu sâwi. “Âun yukârâmâ wahap ki orotje tetemu eksain.” Yawu sâwi.

Yesuje hon bawaje âlâ miop ya kutje Lewi.

(Mataio 9:9-13 Mareko 2:13-17)

27 Otmu Yesuje emelambâ gem ariop. Ari takesi meme lok âlâ, kutje Lewi sâm, yâkne tewetsenje emetjan tatmu ehop. Tatmu ekmâ yuwu sâm ekuop. “Ga. Nâhâlen torokatdâ orowâk mandehât nanjan.” 28 Yawu sâm ekumu

Lewiŋe tewetsenŋe meminiop ya pilâm yahatmâ Yesuhâlen torokatmu orowâk ariowot. ²⁹ Yawu otmâ Lewiŋe Yesuhât heronŋe nâŋgâwaŋgim dâimu emetŋan yâhâowot. Emetŋan yâhâmutâ takesi meme lok otmu lok nombotŋe meyekmu gaŋetâ sot pato uyiŋgimu newi. ³⁰ Nem tatŋetâ Parisaio lok otmu Mosehât girem den kâsikum yiŋgiminiwiŋe belâŋgen kinmâ yekmâ nâŋgâŋetâ bâlemu hoŋ bawalipŋe yuwu sâŋm âiyongowi. “Wongât Yesuŋe takesi meme lok otmu lok bâleŋe yu orop menduhuakmâ lau konok niai?”

³¹ Yawu sâŋm âiyongoŋetâ Yesuŋe den ya nâŋgâm Parisaio yuwu sâŋm ekyongop. “Den âlâen hâum sâmunen nâŋgâŋet. Lok mesekyeŋe bianŋe dokta yeŋgâlen ki arimai. ³² Yâhâ lok kundatyene orop me hâhiwin teteyiŋgimap yaŋe konok dokta yeŋgâlen arimai. Yakât topŋe yuwu sâmunen nâŋgâŋetâ keterahâk. Yeŋgâlen gâtŋe nombotŋaŋe yuwu sâmai. “Nen lok âlepŋe, nen orotmemenenŋe âilonŋo dondâ otmâ mansain.” Yawu sâŋm pâlâmŋe manmai. Lok yawuya yeŋgât sâŋm ki gewan. Yeŋe lok bâleŋe sâŋm kewilâyekŋetâ belâŋgen manmai yawuyaŋe orotmemeyene bâleŋe pilâm Anitâhâlen biwiyeŋaŋe kepeim denŋe lâum bulâŋe mem tetenŋetgât gewan.” Yawu sâop.

*Yesuhât hoŋ bawalipŋe sot barak ki manminiwi.
(Mataio 9:14-17 Mareko 2:18-22)*

³³ Yesuŋe den yawu sâŋm ekyongomu lok nombotŋaŋe yuwu sâŋm ekuwi. “Yoane bukulipŋe otmu Parisaio lok nombotŋaŋe Anitâhât âi menehât nâŋgâm yâkâlen biwiyeŋaŋe hikum sot barak

manmâ Anitâ mepaem manmai. Yamâ gâhât hon bawalipganêmâ sot kutakamai.”

³⁴ Sânetâ sâop. “Yakât den âlâen hâum sâmune nângânet. Lok patonje imbi miakbe sâm bukulipne meyekmu orowâk tatmâ sot um nem heronje ot-nomai. Heronje otnomaiân sot barak ki tatnomai. Yâhâ hâmbâi mâne kasalipyenjanje taka bukuyenje kunjetâ mumbuap yanâmâ engat hako nângâm sot barak mannomai. ³⁵ Yakât yuwu sâmune nângânet. Yiwerenjeâmâ nâ orowâk mansain yakât otmâ sot barak ki mansai. Hâmbâi mâne nâ nohonjetâ mum-bom sâp yan engat hako nângânomai.” Yawu sâop.

³⁶ Otmu orotmeme embânân otminiwi ya otmu ikne orotmeme ânje kâsikum yingiop yanje ki lâuahop. Yakât otmâ yâhâp yâhâp menduhum lâunomaihât dop ki olop. Yakât topne nângânetâ keterahâkgât den âlâen hâum yuwu sâm ekyongop. “Nen sot me salup me âlâlâ une sâm hâpu golâenâk mânunmâ titâkum umain. Gârâmâ hâpu tekañan mânunmâ kâlâwân katmain yamâ hâpu tekañe ya sem huhumu sot ya golâ kinmap.” Yawu sâop. ³⁷ Otmu den âlâen hâum yuwu sâop. “Imbi âlâne lepa dorokum tâk masipguwuap. Masipgum katmu tatmâ hângiñe otbuap. Yâhâ yakât kakñan tâk ânje orop menduhum lowaim iri osowuap. Iri osom senje âlâlâ mânunbuap yan dâimu tiririk sâmu tok sâwuap. ³⁸ Yakât otmuâmâ nenje tâk âinjanak menduhum lowaimain. Yawu otmain yanâmâ senje âlâlâ umatne mânunnomân yamâ dâimu ñirik ñirik sâm ki tok sâwuap. Yâhâ hângiñe otmu ânje menduhunom yamâ dâimu titâk sâwuap. Yamâ ki orotne. ³⁹ Otmu yuwu sâmune

nângâñet. Imbilipnenñaje senñe âlâlâ mem iri âinjan mânunmâ hikâm arimai ya lândem iri hângiñe bâleñan ki mânunmâ hikâm arimai. Iri âinjahâlâk nâñgâmai. Yawu.” Yawu sâop.

6

Yesu hoñ bawalipñe orop tatmâ nâñgâ nâñgâ sâp ya kuwi.

(Mataio 12:1-8 Mareko 2:23-28)

¹ Tatmâ nâñgâ nâñgâ sâp âlâen Yesu otmu hoñ bawalipñe âi kalam biwiñambâ gem ariwi. Gem ari mâtâp tânâmñan po irik irik yinñiop. Yawu otmuâmâ buku nombotñe yengât kalamân sot talop ya mem newi. ² Mem neñetâ Parisaioñe yekmâ Yesu yuwu sâm âikuwi. “Mosenje girem den kulemguop ya lâum âun yu tatmâ nanñain. Yakât girawu otmuâmâ hoñ bawalipñe bukulipyene yengât kalamâmbâ sot mem niai? Ya otñetâ yekmunñe bâleap. Yakât otmâ gâñe kuyinñirâ âlâku ki otnomaihât nanñain.” Yawu sâwi.

³⁻⁴ Yawu sâñetâ purik pilâyinñim sâop. “Emelâk embânân Dawitiñe olop yakât den pat sâlikum ki nâñgâm henñenñumai. Yakât topñe nâñgâñetâ keterahâkgât yuwu sâmune nâñgâñet. Dawitiñe olop sâp yan hotom uwi ya yengât lok kunñe âlâ manop, kutñe Awiata sâm. Sâp yan Anitâhât hotom um manbiñe banja tuhûm Anitâhât pat sâm katminiwi ya yâkñe konok neminiwi. Lok inñeâmâ bia. Hilâm âlâen Dawiti otmu ikñe tembe lâulipñe sotgât bâleñetâ yan ikñak Anitâhât miti emetñan yâhâop. Yâhâmâmâ Awiatane sot kâmbukñe sâm kalop ya ihilâk mem

niop. Mem nem nombotņe talop ya mem tembe lâulipņe ge kâsikum yingimu newi. ⁵ Yâhâ An-itâņe hâņgânnohomu ge mansan nâmâ tatmâ nâņgâ nâņgâ yakât amboņe. Otmu yakât bonņeâmâ nâņe konok mem teteman.” Yawu sâm ekyongop.

Tatmâ nâņgâ nâņgâ sâp âlâen Yesuņe lok âlâ henņeņguop.

(Mataio 12:9-14 Mareko 3:1-6)

⁶ Tatmâ nâņgâ nâņgâ sâp âlâen Yesuņe miti emetņan yâhâm den kâsikum yingiop. Yâhâ lok âlâ bātņe bonâņgen mum pâlâmņe olop yan tatmu ehop. ⁷ Yawu gârâmâ “Tatmâ nâņgâ nâņgâ sâpņan Yesuņe lok pareņe ya mem henņeņguwuap me bia?” sâm Parisaio lok otmu Mosehât girem den kâsikum yingiminiwi ya nombotņaņe Yesu mem den âiân katne sâm bamu bam watbiņe gotyetņan ba kinbi. ⁸ Gotyetņan ba kinņetâ Yesuņe biwiyenahât topņe nâņgâm lok pareņe ya yuwu sâm ekuop. “Yahatmâ kin.”

⁹ Sâmu yahatmâ kinmu benņe Parisaio ya yuwu sâm ekyongop. “Sâņetâ nâņgâwe. Moseņe den kulemguop ya topņe girawu tap? Tatmâ nâņgâ nâņgâ sâpņan lok henņemyongonom me hilipyongonom? Yakât sâņetâ nâņgâwe.” ¹⁰ Yawu sâm âiyongomu biwiyenē umatņe otmu olotoņâk kinbi. Olotoņâk kinņetâ yekmu bâleop. Yekmu bâlemu kunyene kârikņe otmâ hiliwahonomai yakât nâņgâm tepņe nâņgâyingiop. Tepņe nâņgâyingim lok pareņe ya yuwu sâm ekuop. “Bâtge kuwihak.” Yawu sâmu bātņe pilâmu kuwihakop. ¹¹ Panmu kuwihakmu Parisaio lok otmu Mosehât girem den kâsikum yingiminiwiņe

ya ekmâ biwiyenje kâlâp otmu gem ariwi. Gem ari Yesu girawu otbângine sâam den alahu gulahu otbi.

Yesuŋe aposololipŋe meye hop.
(Mataio 10:1-4 Mareko 3:13-19)

¹² Emet ŋiŋ sâamu Anitâ orop den otbe sâam Yesuŋe pumŋan yâhâop. Yâhâmu Anitâ orop den otmutâ emet haŋ sâop. ¹³ Emet haŋ sâamu yan lok orowâk manbi ya sâlipyongom yâk yeŋgâlen gâtŋe lok kâiân yâhâp meyekmâ âi sâam yingioŋ. Yawu otmâ kutyeŋe pato Aposolo sâam yingioŋ. Lok yamâ kutyeŋe yuwu. ¹⁴ Simon yâkât kutŋe âlâ Petoro sâam imiŋe Anderea, imi ata Yakowo yet Yoane, lok âlâmâ Pilip, Batolomaio, ¹⁵ Mataio, Toma, Ali-paio nanŋe Yakowo. Âlâmâ Simon yâhâmâ komot âlâen gâtŋe ya yeŋgât topyeŋe yuwu. Kasalipyeŋe Roma lok ya yeŋgât hâkâŋ otmâ watyekne sâam otminiwi yan gâtŋe. Âlâmâ Yakowo nanŋe Yurasi. ¹⁶ Otmu bâiŋeâmâ Yurasi yamâ Karioto kapiân gâtŋe. Yâkŋeâmâ Yesuhât betŋehen kioŋop ya.

Yesuŋe lohimbi mem heŋgemyongop.
(Mataio 4:23-25)

¹⁷⁻¹⁸ Meyekmâ pumŋehembâ gâlikŋan gemu lok nombotŋe denŋe nâŋgâm watbiŋe peneyiŋgiwi. Peneyiŋgiŋetâmâ lohimbi kiŋgitŋe orowâkŋe denŋe nâŋgâne sâam yâkâlen ariwi. Lohimbi yâkâlen ariwi yamâ yuwu. Nombotŋe Yerusalem kapi pato otmu kapi tipi tapi Yuraia hânân tatmâ arap ya ambolipŋe. Yâhâ nombotŋe âlâmâ Tiro Siron kapi yâhâp saru giŋŋan tap ya ambolipŋe. Lohimbi yaŋe yâkâlen arinjetâ den kâsikum yingioŋ. Yâhâ lohimbi nombotŋe

weke bâleŋaŋe mângâeyehop ya ekyongomu gaiakmâ arinetâ âlepŋe otbi. Otmu kundat otbi ya heŋgemyongop. ¹⁹ Yâhâ wâtŋe pato tatbangiop yakât otmâ lohimbi in wâiwiŋe âlepŋe otbi. Yakât otmâ lohimbi sambene wâim âlepŋe otnehât mem hawam mewam tuhuwi.

Yesuŋe lohimbi den ekyongop.

(Mataio 5:1-12)

²⁰ Yawu otŋetâ Yesuŋe yuwu sâm ekyongop. “Den bonŋe sâmune nâŋgâŋet. Yen senŋe âlâlâhât umburuk otmâ manmai yamâ Anitâhâlen biwiyenŋe kepeinetâ tihityeŋe otmâ yâhâwuap. Yakât otmâ tepyeŋe herone otmu mannomai.

²¹ Yâhâ po manmai yen gurâ Anitâŋe sot kâle yiŋgimu neŋetâ ârândân otyiŋgiwuap. Yakât otmâ tepyeŋe herone otmu mannomai. Yâhâ we bâle nâŋgâm manmai yenâmâ hâmbâi Anitâŋe mem biwi sânduhân katyekbuap. Yakât otmâ tepyeŋe herone otmu mannomai. ²²⁻²³ Otmu lok bulâŋe nâhâlen biwiyenŋe kepeim manŋetâ lohimbi nombotŋaŋe hakyenŋan sâm mem bâleyeknomai yanâmâ yuwu nâŋgânomai. “Âo, bonŋanâk. Anŋoân emelâk tâmbâlipnenŋaŋe Anitâhât poropete yawuâk otyiŋgiŋetâ bâleop. Otmu âun yu gurâ yawuâk otningimai. Yawu gârâmâ yakât hâmeŋe hâmbâi himbimân manman kârikŋe mem herone kakŋan mannom.” Yawu nâŋgâm tepyeŋe herone otmu mannomai.

²⁴ Yawu sâm ekyongom lohimbi manman sânduhân manŋetâ tepyeŋe umatŋe otmap ya yeŋgât yuwu sâm ekyongop. “Lohimbi senŋe âlâlâ tatyŋgiapŋe hop sambe kakŋan manmai.

Yae, hâmbâi manman bâleñan ari olo gilâp otnomai. ²⁵ Yâhâ lohimbi sot pato kakñan kinmai yañe hâmbâi sotgât umburuk otmâ olo gilâp otnomai. Yâhâ lohimbi herone kakñan manmai yamâ hâmbâi gilâp amokñan isem mannomai. ²⁶ Otmu den âlâ torokatmâ sâmunne nângâñet. Emelâk embânân poropete perâkñane Anitâhât den kelangatmâ papatolipyene kâityongominiwi. Kâityongonjetâ ki nângâmâk papatolipyenane herone otyingwi. Herone otyingwiâke yamâ den perâkne sâwi yakât matne Anitâne yingimu mewi. Yawu gârâmâ lohimbiñe yengât nângâm herone otyinginomai yan biwi golâ mannomai. Yâhâ herone otyinginomai yan lohimbiñe herone otningiai yakât otmâ Anitâne gurâ yawuâk nenekmu ârândân oap yawu ki nângânomai.”

Kasalipnenge buku otyinginom.

(Mataio 5:38-48)

²⁷ Yâhâ den âlâ torokatmâ yuwu sâm ekyongop. “Sâmunne nângâñet. Yene kasalipyene buku otyinginomai. Otmu lohimbiñe yengât hâkân otmai yâk gurâ yawuâk buku otyinginomai. ²⁸ Otmu lok âlâ me âlâne Anitâne mem bâleyehâkgât lohimbi sait kakyenjan pilânomai yamâ Anitâne lukuleyehâkgât ulitgunomai. Otmu lok âlâ me âlâne mem âlâlâ tuhuyeknomai yamâ yene ya yengât umam sâyinginomai. ²⁹ Lok âlâ me âlâne mângâeyeknomai yan yakât matne ki kâpekyinginomai. Lok âlâ me âlâne ambonjahât bâleñe hân meyingim yanak kiapgâlen yen meyekmâ arinomai. Meyekmâ arinjetâ mâtâwânâk yene hân âlâkuâk yinginetâ pesuk

sâwuap. ³⁰ Lok âlâ me âlâne yu me ya ninginet sâm ulityongonomai yamâ in yawu yinginomai. Me lok âlâ me âlâne senne âlâlâ ekmâ kandi meyinginomai yakât purik sâm ninginet ki sânomai. ³¹ Bukulipyenane tânyongonetgât nângâmai yene gurâ nângâmai dop yawuâk tânyongonomai.

³² Yâhâ lok nombotnane yen buku otyinginetâ yengu yâk konok buku otyinginomai yakât Anitâne nângâmu ki ârândâne otbuap. Yâhâ lok nombotnane ki buku otyinginetâ yengu yawuâk yâk ki buku otyinginomai yakât Anitâne yen ki lukuleyekbuap. ³³⁻³⁴ Yâhâ lok nombotnane yen orop buku konok manne sâm tânyongonetâ yengu yakât matne yâk konok tânyongomai. Yawu otmai yane lok bâlene bukulipyene orop tânahomai orot-meme ya ki wangiwap. Yakât otmâ Anitâne yen ki lukuleyekbuap.

³⁵ Yene kasalipyene buku otyinginomai. Otmu yu me yakât umburuk manmai ya bât belaiâk yingim yakât matne ninginetgât ki nângânomai. Yawu otyinginomai yanâmâ Anitâ yahat yahatnane meyekmâ nine nanne baratne sâm tihityene otmu mannomai. ³⁶ Anitâne yen lok bâlene umam sâyingimu yakât matne ki miai. Yakât otmâ lohimbî nombotnane mem âlâlâ tuhuyeknetâ yengu yakât matne ki kâpekyinginomai.

Lohimbî yengât den ki sâm hâreyinginom.

(Mataio 7:1-5)

³⁷ Otmu yene lohimbî yengât den ki sâm hâreyinginomai otmuâmâ Anitâne gurâ yawuâk yengât ki sâm hâreyingiwuap. Otmu yene lohimbî yekmâ ki sâm ge katyeknomai otmuâmâ Anitâne

gurâ yawuâk yen yekmâ ki sâam ge katyekbuap. Yâhâ yeŋe lohimbi yeŋgât tosayeŋe pilâyinŋinomai otmuâmâ Anitâŋe gurâ yawuâk yeŋgât tosayeŋe pilâyinŋiwuap. ³⁸ Yeŋe lohimbi tânyongom senŋe âlâlâ yinŋinomai otmuâmâ Anitâŋe ya wangim hop sambe yinŋiwuap. Iri mânunŋmâ tâtâkumunŋe pik pato otmap yakât dopŋeâk Anitâŋe yinŋiwuap. Yakât otmâ Anitâŋe yinŋimap yakât dopŋeâk yengu yinŋinomai.”

Yesuŋe den âlâen hâum sâam ekyongop.

³⁹ Yesuŋe den âlâen hâum yuwu sâam ekyongop. “Lok senyeŋe bok sâsâŋaŋak dâiakmâ arinomai yamâ mâtâp tâpikgum ari hemân kionŋomai. Kionmâ hiliwahonomai. ⁴⁰ Otmu naom âlâ me âlâŋe bawapilipyenŋe ki wangiyeknomai. Naom âlâ me âlâŋe yu me yakât topŋe nâŋgâm heŋgeŋgunomai yanâmâ bawapilipyenŋe nâŋgâmai yakât dopŋeâk nâŋgânomai.” Yawu sâop.

⁴¹ Den âlâen hâum yuwu sâam ekyongop. “Gâŋe bukuhahât senŋan wahap tipinŋe tap ya ekbuat. Otmu gike sengan gurâ wahap pato tap ya ki eŋakmâ nanŋanŋimâk bukuhahât yuwu mon sâuwat. ⁴² “Buku. Sengan wahap ya hâlulum pangihwe.” Gâ yawu sâuwat otmuâmâ lok perâkŋe. Gike sengan wahap pato tap ya hâlulum pilakmâ yanâmâ bukuhahât senŋan wahap tatbuap ya hâlulum pilâwanŋiwuat. Wongât? Yuwuhât. Gâŋe gike orotmemehe bâleŋe yakât nâŋgârâ tâŋât otmap. Yawu gârâmâ bukuhane otmu kinŋonŋ otmap ya ekdâ dondâ bâlemap. Yawu

otbuat yamâ ekmune ki ârândân otbuap.” Yawu sâop.”

Nak topņe topņe

(Mataio 7:17-20 Mataio 12:33-35)

⁴³⁻⁴⁴ Otmu Lohimbiņe yeņe topyeņe nanğanġiņetgât Yesuņe den âlâen hâum yuwu sâm ekyongop. Nak esenņe omoņ omoņ pilâmap yanâmâ bonņe bâleņe ki kinmap. Yâhâ nak esenņe gimbanġumap yanâmâ bulâņe âlepņe âlâ ki kinmap. Bia yakâ. Yâhâ kiatņe manam ki otmap. Otmu manamņe kiat ki otmap. Otmu ġiņ ġârârân yaņe ham ki otmap. Otmu hamņe ġiņ ġârârân ki otmap. Yamâ topyeņe ikņiâk ikņiâk.
⁴⁵ Lok âlâhât biwiņan nânġân nânġân âlepņe me bâleņe tatmap ya yawuâk launambâ ga takamap. Yakât otmâ lohimbi âlâ me âlâhât biwiyeņan nânġân nânġân âlepņeâk tatmapņe orotmemeyeņe âlepņe otmâ uwawapņe bia manmai. Yâhâ lohimbi âlâ me âlâhât biwiyeņan nânġân nânġân bâleņeâk tatmapņe orotmemeyeņe bâleņe otmâ bukulipyene mânġâeyekmai. Yawu.”

Lok nânġân nânġânņe orop otmu lok kopa

(Mataio 7:24-27)

⁴⁶ Yesuņe lohimbi kinbi ya yuwu sâm ekyongop. “Yeņe “Kutdânenņe Kutdânenņe,” sâm nohon-maiâke yamâ den ekyongoman yamâ ki lâumai.
⁴⁷ Yakât otmâ den âlâen hâum sâmune nânġânġet. Lok âlâ me âlâņe nâhâlen ġaņetâ den ekyongomune nânġâm heņgenġum lâumai yaņe dop yuwu manmai. ⁴⁸ Lok nânġân nânġânyeņe orop yaņeâmâ emet tuhune sâm hân kendâm saran kâkâlep yaņe kânânġâm emet tuhuņetâ tiņ tiņâk kinbuap. Yawu

gârâmâ mososon mem gâsuk gâsuk tuhumu emet ya ŋiwiŋ ŋiwiŋ sâ m ki putuk sâwuap. Yenâmâ dop yawuya.

⁴⁹ Âlâmâ purik pilâm sâwe. Lok âlâ me âlâŋe nâhât den nâŋgâŋetâ nahat otmu betbaŋgim manmai, lok ya yeŋgât topyeŋeâmâ yuwu. Lok kopa nombotŋaŋe emetyeŋe tuhune sâ m hân kendâm saran kakŋeâk kânâŋgânomai. Yawu tuhunetâ emet ya saranne kandi kinbuap. Yakât otmâ mososon mem gâsuk gâsuk tuhumu emet ya putuk sâ m ge imbuap. Yawu.” Yawu sâ m ekyongop.

7

Yesuŋe hoŋ bawa âlâ heŋgeŋguop.

(Mataio 8:5-13)

¹ Yesuŋe den yawu ekyongom yapâ pilâyekmâ Kapanaum kapiân ariop. ² Kapanaum kapiân ariop sâ p yan Roma tembe lâ u yeŋgât kunyeŋe âlâhât hoŋ bawaŋe mesek sâtŋan kinop. Yâhâ tembe lâ u yaŋe ikŋe nanŋahât nâŋgâwaŋgimap yakât dopŋeâk hoŋ bawaŋe yakât nâŋgâwaŋgiop. ³ Yakât otmâ “Yesu taka tap,” yawu sâŋetâ nâŋgâm tembe lâ u yaŋe Yesuŋe ga hoŋ bawaŋe heŋgeŋguâkgât Yura yeŋgât papatolipyene nombotŋe hâŋgânyongomu yâkâlen ariwi. ⁴⁻⁵ Ari yuwu sâ m ekuwi. “Roma tembe lâ u yeŋgât kunyeŋe âlâ nengâlen biwiŋaŋe kepeimu nen orop mansain. Lok yuŋe ikŋe tewetsenŋaŋe lok puluhuyekmu nengât miti emetŋe ya tuhuningiwi. Yakât otmâ denŋe nâŋgâm ari tânguwuatgât nanŋain.” Yawu sâwi.

⁶ Yawu sâ m ekuŋetâ nâŋgâyiŋgimu orowâk ariwi. Ariŋetâ emet ya tâlâhumuâk otmu bukulipŋe

hângânyongomu Yesuhâlen ba yuwu sâmb ekuwi. “O lok pato, bukunenje yuwu yap. ⁷ “Nâ lok âlepje bia. Yakât gâje nâhât emelan gawuatgât ki nanjan. mâtâwânâk kinmâ denâk sârâ honj bawane yu âlepje otbuapgât nanjan. ⁸ Yâhâ nâ nineâmâ lok patonahât tem lâuwangim yâkât amutgen manman. Gârâmâ patonaje nâ gurâ buku nombotje yengât kunyeje sâmb nihimu manman. Yakât otmâ nâje tembe lâulipne âlâ me âlâ yuken me yaken arinet sâmbune âlepje nâhât tem lâunihim arimai. Me âi wuân me wuân tuhujet sâmb âi yingiman ya gurâ âilonjo tulumai. Gâmâ lok pato. Yakât otmâ denâk sârâ âlepje otbuapgât nanjan.” Yawu sâmb den kalop ya bukulipnaje Yesu ekuwi.

⁹ Den yawu ekujetâ Yesuje nângâmu ewe membe olop. Nângâmu ewe membe otmu Isirae lohimbi betjan sâwi ya yuwu sâmb ekyongop. “Wâtne pato tatnihiap yakât nângâm Roma lok yuje biwi yâhâp ki oap. Yakât yuwu nanjan. Isirae yengâlen gâtje âlâ me âlâje lok yuje oap yuwu âlâ ki otrjetâ yekman. Lok yuje nâhâlen biwinaje kepeim den katnihiap yu ekmune âilonjo oap.” Yawu sâmb ekyongop. ¹⁰ Yawu sâmb ekyongomu tembe lâu bukulipnaje purik sâmb yapâ pilâyekmâ âwurem ari emelan yâhâm honj bawa âlepje olop ya ekbi.

Yesuje lok âlâ mumunambâ mem yahalop.

¹¹ Yesuje honj bawalipje meyekmâ kapi âlâ, kutje Nain sâmb yan arinetâ lohimbi dondâhâlâkne betyenjan sânetâ ariwi. ¹² Kapi ya hâumâk otrjetâ imbi kambut âlâhât nanje sihanâk muop ya

hangune sâm bukulipņaje gerelân katmâ lâum gewi. Yawu otmâ lohimbi tem pato betyenjan sâņetâ gewi. ¹³ Otmu Kutdâņe kambut ya ekmâ tepņe nâņgâm “Ki ise,” sâm ekuop. ¹⁴ Yawu sâm ekum geret lâum gewi yan memu inâk kinbi. Inâk kinņetâ lok sihan ya ekmâ yuwu sâm ekuop. “Ya-hatmâ kin.” ¹⁵ Yawu sâm ekumu mumuņambâ yahatmâ dendât otmu ekņetâ sâtņe bâleņe olop. Otmu imbi kambut ya nanņeit yetgât Yesuņe “lo-hotņan manset” sâm ekyotgop.

¹⁶ Otmu lohimbi yan kinbiņe ya ekņetâ sâtņe otmu Anitâ mepaem yuwu sâwi. “Anitâņe ikņe poropete âlâ hâņgângumu taka hohetnennjan mansap.” Yâhâ nombotņaje yuwu sâwi. “Lok yuņe tihitnenņe otmâ manman âlepņan katnenekmu mannomgât Anitâņe hâņgângumu taka mansap.” Yawu sâwi.

¹⁷ Yesuņe lok sihan ya mumuņambâ mem ya-halop yakât den pat ya lohimbiņe sâm haok tuhuņetâ kapi tipi tapi Yuraia hânân tatmâ arap ya ambolipņe kerekņe nâņgâwi.

Yesuņe Yoanehât sâop.

(Mataio 11:2-19)

¹⁸ Yoane pâi emetņan katņetâ talop yâkâlen ari hoņ bawalipņaje Yesuņe lohimbi heņgemyongop yakât den pat ekuwi. ¹⁹ Ekuņetâ nâņgâm hoņ bawayâhâtņe yâhâp den yuwu sâm ekyotgom Kutdâhâlen hâņgânyotgomu ariowot. “Ari yuwu sâm âikuromawot. “Anitâņe ikņe hoņ bawa hâņgângumu ge tihitnenņe otbuap sâmain ya gâ me? Me âlâhât mambotmâ mannom?”

20 Yawu sâ m ekyotgom hângânyotgomu Yesuhâ len ari yuwu sâ m ekuowot. “Yoaneŋe lohimbi toen mem katyekmapŋe yuwu sâ m hângânnotgomu takait. “Anitâŋe ikŋe hoŋ bawa hângângumu ge tihitnenŋe otbuap sâ main ya gâ me? Me âlâhât mambotmâ mannom?” yawu yap.” Yawu sâ owot.

21 Otmu sâ p yan Yesuŋe lohimbi kundat otbi ya dondâhâlâ k hêngemyongop. Otmu weke bâleŋaŋe lohimbi mângâeyekbi ya watyekmu gaiakmâ ariwi. Otmu lohimbi senyeŋe bok sâ sâŋe ya senyeŋan walipyongomu senyeŋe suk sâ mu ekbi.

22 Yawuhât Yesuŋe Yoanehât hoŋ bawayâhâtŋe ya yuwu sâ m ekyotgom. “Yerâmâ ari kulem topŋe topŋe memune eksai yukât Yoane ekuromawot. Nâŋe senyeŋe bok sâ sâŋe ya walipyongomune senyeŋe suk sâ mu eksai. Otmu lok pareŋe manmai ya hêngemyongomune târârâhâ k bam gai. Otmu hâ k bâle manmai ya gurâ hêngemyongomune âlepŋe otmâ mansai. Otmu ândâpyeŋe bok sâ sâŋe ya gurâ hêngemyongomune ândâpyeŋe pâron sâ mu den naŋgai. Otmu nombotŋe bâlewi ya mumuŋambâ mem yahatyekmune mansai. Otmu kewilâyekŋetâ mansai ya nine den pat âlepŋe ekyongomune nâŋgâ m biwiyenŋe heronŋe otmâ mansai.” Yawu sâ m Yoane ekuromawot. 23 Yakât âlâ sâ we. Yawu otyiŋim mansan yakât otmâ lok âlâ me âlâŋe nâhât biwi nâŋgâ m yâhâ p ki otmai ya yeŋgât nâŋgâ mune tepne heronŋe oap.” Yawu sâ m ekyotgom hângânyotgomu âwureowot.

24 Hângânyotgomu âwurem arimutâ Yesuŋe Yoanehât topŋe lohimbi yan kinbi ya yuwu sâ m ekyongop. “Yoane lok ki manmaiâŋen ari manop

ya lohimbine ekne sâm yâkâlen ariwi. Otmu yakât den âlâen hâum sâwe. Siru pato pilâm âliwahap mem gâsuk gâsuk tuhumu ekmâ âlemai. ²⁵ Yawu olop ya ekne sâm ariwi me bia? Me lok âlâne hâk katipne sekne âlepne mânunjakmâ manop ya ekne sâm ariwi me? Lok hâk katipne sekne âlepne mânunjakmaiñeâmâ lok kutdâ yengât emelanâk tatmai. ²⁶ Yâhâ lok ki manmaiângen ki manmai. Yakât otmâ wuân bân ekne sâm yaken ariwi? Yakât yuwu sâmune nângâñet. Yoaneñe Anitâhât den pat sâm tetem gaop ya nângâne sâm ariwi. Yâhâ emelâk Anitâhât poropetelipñane yâkât den tâmbâlipyene ekyongom manbi ya yengât kunyene pato oap. ²⁷ Yâkât nângâm emelâk Anitâne den sâop ya yuwu tap. “Gâne nine topne sâm tetem ekyongorâ nângâñetgât nine hoñ bawane hângângumune kulet sâhihim mâtâp menjihiwuap.” Den yawu tap. Kulet sâop yamâ Yoane. ²⁸ Otmu yakât den yuwu sâmune nângâñet. Anitâne Yoane nep wañmu miop yakât nângâmu yahatmap. Yakât otmâ lok âlâ me âlâne Yoane wanginomaihât dop ki tap. Yoaneñe kulet sânihim âi mem gaop yamâ nine topne ki nângâm heñgenjum mansap. Yakât otmâmâ lok âlâ me âlâne nâhât den pat âlepne yu nângâm Anitâhâlen biwi nângân nângânyene katnomai yañeâmâ Yoane wanginomai.

²⁹ Yawu sâm ekyongomu lohimbis sesengâlâk, lohimbis inñe, takesi meme lok, yawuyane nângâñetâ bulâne olop. Yâhâmâ emelâk Yoaneñe Anitâhât den ekyongomu nângâñetâ bulâne otmu toen mem katyehop. ³⁰ Yamâ Parisaio lok otmu Mosehât girem den lohimbis kâsikum yingiminiwi yâkñeâmâ

Anitâhât mâtâp Yoaneje ekyongop yakât hâkân otmâ denje nângânetâ tâñât olop. Yakât otmâ toen ki katyehop.

³¹ Otmu Yesuje den âlâ yuwu sâm ekyongop. Yen biwi yâhâp otmâ mansai yakât nângânetâ keterakyiñgiâkgât den girawu yaen hâum sâmune nângânetâ keterakbuap. Yuwu mon? ³²⁻³⁴ Nimnaom titipâje sombem patoen hârum konok otmâ tatnomai. Tatmâmâ komot âlâ tatnomaije komot âlâ yuwu mon ekyongonomai. “Nenje yahatmâ kep tuhum âlâlâ oain. Gârâmâ yen orowâk tuhune sâmunje ki tânngoai. Yakât otmâ nângâmunje bâleap.” Yawu otnomai yakât topje teteâkgât yuwu sâmune nângânet. Yakât dopjeâk Yoaneje herone olâkgât nângâwi. Yamâ nângâwi yawu Yoaneje ki olop. Yakât otmâ yâkât hâkân otmâ sâm ge katbi. Otmu âlâku torokatmâ hâum sâwe. Sâp âlâen nimnaom titipâ komot âlâ tatnomaije komot âlâ yuwu sâm ekyongonomai. “Âo, nen we bâle nângâm ombe hakoâk isewin. Yawu otbin yan yeje ki nenekbi. Yakât otmâ nângâmunje bâleap.” Yawu sânomai. Yakât dopjeâk yeje otmâ mansai. Gârâmâ yeje oai yan ki torokatmâ mansan. Yakât otmâ yen nâhât hâkân oai. Yakât yuwu sâmune nângânet. Emelâk Yoaneje to kârikje me âlâlâ ya nembâpgât dop yamâ yâkje ki neminiop. Yakât yeje yuwu sâwi. “O, lok yuâmâ yawu otmap.” Yawu sâwi. Yâhâ nâmâ Anitâje hângânnohomu ge sot kâle neman. Yakât otmâ yeje nâhât yuwu mon nângâmai. “O, lok yuâmâ sot pato kutakamap. Otmu takesi meme lok otmu lok komborâ yâk orop buku

oraŋgim gamai.” Nâhât yawu sâmai. ³⁵ Yawu gârâmâ yakât sâwe. Anitâŋe den sâop ya tiŋâk lâum manmai ya yengât orotmemeyenje ekmâ nâŋgâŋetâ bonŋe otbuap. Yawu.” Yawu sâop.

Imbi âlâŋe Yesuhât kâiŋe piriop.

³⁶ Parisaio lok âlâ, kutŋe Simon sâm, yâkŋe Yesu memu emetŋan yâhâ bukulipŋe orowâk menduhuakmâ sot newi. ³⁷ Yâhâ Yesu orowâk sot newi yakât den pat imbi kondarâ âlâŋe nâŋgâmâmâ to kukŋe suk sukŋe âlâ mem emet tatbiân yan yâhâop. ³⁸ Mem yâhâ Yesu betŋehen kinmâ isemu gilâpŋe târâŋ sâm kâiŋan giop. Kâiŋan gemu somotŋe kâlep pato yaŋe mem gowasiŋmâ keren mewañgiop. Yawu otmâ to kukŋe ya moselemu kâiŋan gemu pirim mepaeop. ³⁹ Yawu otmu Simonŋe ekmâ biwiŋaŋe yuwu nâŋgâop. “Imbi kondarâ yuŋe ki orotŋe oap. Yawuhât Yesu Anitâhât poropete mansap mâne imbi yukât topŋe nâŋgâm heŋgeŋgum kuwaŋgimu ki otbâp.

⁴⁰ Yawu nâŋgâmu Yesuŋe biwiŋahât topŋe nâŋgâm yuwu sâm ekuop. “Simon, den sâmune nâŋgâ.” Sâmu sâop. “Lok pato, sârâ nâŋgâwe.”

⁴¹ Sâmu sâop. “Den âlâen hâum sâmune nâŋgâ. Lok âlâŋe bukuyâhâtŋe tewetsenŋe yitgiop, âlâmâ 50 kina, âlâmâ 5 kina. ⁴² Tewetsenŋe yitgimu mem ari yaŋe senŋe âlâlâ puluhuahowot. Otmu yakât kakŋan “matŋe nihiromawot” sâm ekyotgop. Yawu gârâmâ tewetsenŋe ki tatyitgiop. Yakât otmâ yâkâlen ari yuwu sâm ekuowot. “Tewetsenŋe ki tatnitgiap. Yakât otmâ girawu otmâ tosa matŋe kâpekmutŋe pesuk sâwuap?” Yawu sâm ekumutâ yuwu sâop. “Bât belaiâk yitgiwan.

Pesuk yap, âlepņe ariyet.” Yawu sâop. Yakât otmâ yuwu âihohomune nâņgâ. Bukuyetņaje tosayetņe pilâyitgimu pesuk sâop. Yakât otmâ bukuyâhâtņe lok girawu yaņe heroņe pato nâņgâwaņgiop, 50 kina waņop yaņe me 5 kina waņop yaņe?

⁴³ Sâmu sâop. 50 kina waņop yaņe heroņe pato nâņgâwaņgiop.”

Sâmu sâop. “Âlepņe yat.” ⁴⁴ Yawu sâm imbi ya ekmâmâ Simon yuwu sâm ekuop. Nâņe emetgan gamune to ki gâim katdâ piriaksan. Yamâ imbi yuņeâmâ isemu gilâpņaje kâinan gemu pirim somotņaje gowasiņmâ kereņ menihiap. ⁴⁵ Gâņe ki parahuneksat. Yamâ imbi yuņeâmâ mepaenekmâ tap. ⁴⁶ Gâņe nak toņe ki katnihiat. Yamâ imbi yuņeâmâ to kukņe suk sukņe, hâmeņe yahat yahatņe ya moselemu kâinan gemu pirineksap. ⁴⁷ Imbi yuņeâmâ nâņgânihiap. Yakât topņe nâņgâm heņgeņguwuatgât yuwu sâmune nâņgâ. Lok âlâņe bukujahât tosa umatņe pilâwaņgimu yakât heroņe pato nâņgâwaņgiwuap. Yâhâ lok âlâņeâmâ bukujahât tosa hewewen pilâwaņgimu yakât heroņe kakņeâk nâņgâwaņgiwuap. Yakât yuwu sâmune nâņgâ. Anitâņe imbi yukât tosa umatņe emelâk pilâwaņgiap. Yakât otmâ mepaenekmâ tap.

⁴⁸ Yawu sâm imbi ya yuwu sâm ekuop. “Tosahe pilâhiahian.”

⁴⁹ Yawu sâmu, Parisaio orowâk tatmâ sot newiņe den ya nâņgâm biwiyeņaje yuwu nâņgâwi. “Lok yukât topņe girawu? Girawu otmâ “Tosahe pilâhiahian” yawu yap.” Biwiyeņaje yawu nâņgâwi.

⁵⁰ Yesuņe imbi ya yuwu sâm ekuop. “Nâhâlen biwihanje kepeiat. Yakât otmâ Anitâņe manman

kârikñahât pat kuhihap. Yakât nângâm lohotñan ari.” Yawu sâop.

8

Imbi nombotñe Yesu orowâk ariwi ya yengât topyeñe

¹ Sâp yakât kakñan Yesuñe hon bawalipñe meyekmu kapi ya pilâm kapi tipi tapi tatmâ arap ya ârandân yâhâm gewi. Otmu lohimbiñe Anitâhâlen biwiyenane kepeinetâ tihityeñe otyingiwuap yakât den pat âlepñe Yesuñe ekyongop. ² Otmu imbi nombotñe orowâk ariwi ya yengât topyeñe yuwu. Imbi nombotñe emelâk kundat otbi ya hengemyongop. Yâhâ nombotñe âlâmâ weke bâlenane mângâeyekbi ya watyekmu gaiakmâ ariwi. Yâhâ yâk yengâlen gâtñe âlâ, kutñe Maria, Matala kapiân gâtñe, ya weke bâlene nombolân yâhâpñe mângâenjetâ watbangiop. ³ Yâhâ âlâmâ, kutñe Yoana sâm. Yâhâmâ Herotgât hon bawa âlâ, kutñe Kusa sâm, yâkât imbiñe. Yâhâ âlâmâ, kutñe Susana sâm. Otmu imbi nombotñe iri sikumyene orop yâkñe Yesu otmu hon bawalipñe tânyongowi. Imbi topyeñe sâm aran yu orowâk ariwi.

Hote alikñan hâum sâop.

(Mataio 13:1-9 Mareko 4:1-9)

⁴ Lohimbi dondâne kapiyene pilâm Yesuhâlen ari menduhuakñetâ den âlâen hâum yuwu sâm ekyongop. ⁵⁻⁸ “Lok âlâne hote alikñe mem hâilonbe sâm newângen ariop. Ari hote alikñe ya nombot nombot mem hâilonmu giop. Nombotñeâmâ mem hâilonmu mâtâwân ge talop. Yâhâ nombotñeâmâ

mem hâilonḡmu hân toḡe biaen ge talop. Yâhâ nombotḡeâmâ hele bâleḡe iowân giop. Yâhâ nombotḡeâmâ tep tep kum hân âilonḡo lonḡo tuhuwi yan ge talop. Yawu gârâmâ hote alikḡe mem hâilonḡmu âlâen âlâen giop yakât topḡeâmâ yuwu. Nombotḡe mâtâwân ge talop yamâ lohimbiḡe bam gam tâlim laḡ tuhuḡetâ nâiḡe kârâm newi. Yâhâ nombotḡeâmâ hân toḡe biaen giop yamâ gihitḡe kakḡeâk pilâop. Yakât otmâ in yawu mum hâlâlâḡ sâop. Yâhâ nombotḡeâmâ hewukḡan me hele pato biwiḡan giop yamâ âilonḡo tetem pururuk sâop. Pururuk sâmu hewukḡaḡe langumu derepgum gimbanḡumu orok sâop. Yâhâ nombotḡe hân âlepḡan giop yaḡeâmâ tetem pururuk sâm âilonḡo yahalop. Nâḡe den yan yu biwiyeḡan katmâ nâḡgâm heḡgeḡgunomai.” Yawu sâm ekyongop.

Topḡe yuwuhât Yesuḡe den âlâ me âlâen hâum sâop.

(Mataio 13:10-17 Mareko 4:10-12)

⁹ Yawu sâm ekyongomu hoḡ bawalipḡaḡe den ya topḡahât nâḡgâne sâm âikuwi. Âikuḡetâ sâop.
¹⁰ “Anitâḡe tihitnenḡe otmâ gamap yakât topḡe yeḡe tipḡe naḡgai. Yâhâ lok nombotḡe nâhâlen ki torokatmâ mansaiḡeâmâ biwiyeḡe pâlâmḡe otmâ mansai. Biwiyeḡe pâlâmḡe otmâ manḡetâ yakât den âlâen âlâen hâum ekyongoman. Yakât otmâ yâkḡe nâhât nâḡgâm hâkâḡ otmâ nekmâ kâkâsuk otmai. Yawu otmâ biwiyeḡe alitmai. Yakât otmâ nâhât den pat yu nâḡgâḡetâ tâḡât oapḡât hiliwahonomai. Yamâ nâḡgâm heḡgeḡguai mâne biwiyeḡe Anitâhâlen katmâ denḡe lâuḡetâ tosayeḡe emelâk pilâyiḡgimbâp.”

*Hote mem hâilonmu giop yakât topne
(Mataio 13:18-23 Mareko 4:13-20)*

¹¹ Hote alikñan hâum ekyongoan yakât topne sâmunne nângânet. Anitâhât den yamâ hote alikñahât dop oap. ¹² Yâhâ lok hote alikne mem hâilonmu giop yamâ nenne Anitâhât den lohimbi ekyongomunne nângâmai yakât dop. Hote alikne nombotne mem hâilonmu mâtâwân giop yakât topne yuwu. Yamâ lohimbi nombotñane Anitâhât den nângânetâ bulâne otmu yâkâlen biwiyeñane kepeimaihât Satanne den ya kum mem gulip tuhumap. ¹³ Yâhâ hote mem hâilonmu nombotne hân toñe biaeñ giop yakât topne yuwu. Lok yawuya nâhât den pat âlepne ekyongomune nângâm herone otmâ manmai. Nângânetâ den ya kakneâk gem biwiyeñan gihitne kârikne ki memap. Yawu gârâmâ umatne âlâ kakyenñan yâhâmap yan lohotne otmâ pilâmai. ¹⁴ Yâhâ hote mem hâilonmu nombotne hele biwiñan giop yakât topne yuwu. Lohimbi nombotne den ekyongomune nângânetâ bonne otmap. Nângânetâ bonne otmu sâp kâlep ki otmuâk hângât iri sikum, me tewetsenñe, me âlâlâ ekmâ biwi nângân nângânyenñane yan hikum nângâm manmai. Yawu manmai yakât otmâ biwi yâhâp otmâ manñetâ manman âlepne ki teteyiñgimap. ¹⁵ Yâhâ hote mem hâilonmu nombotne hân toñe orowân giop yakât topne yuwu. Lok yawuyaneâmâ den pat âlepne nângâm henñengumai. Nângâm henñengum tiñâk lâum manmâ yâhânetâ manman âilongo longo teteyiñgimap. Yâk yenñât topyene yawu. Nâñe hoteân hâum yan yamâ topnenñeâmâ yawu.” Yawu sâm ekyongop.

Lok topnenne lambeân hâum sâop.

(Mareko 4:21-25)

¹⁶ Yesune den âlâen hâum yuwu sâm ekyongop. “Nenne emet kâlehen tatmâ lambe saum tungunan ki katmain. Gârâmâ helenân gâitmunne kinmâ sem laninne pilâmu ekmâ gem yâhâmain. ¹⁷ Yakât topne yuwu. Lok âlâ me âlâne otrjetâ bâlemu kurihimai yamâ hâmbâi mâne tetekjan otmu eknom. ¹⁸ Yakât otmâ den ekyongoan yu biwiyenan katmâ nângâm henngunomai. Lok âlâ me âlâne nâhât den nângâm biwiyenan katmâ mannomaine ya nângânetâ keterakbuap. Yâhâ lok âlâ me âlâne nâhât den nângânetâ nahat otmu bet pilânomaine biwiyene pâlâmne manmâ ki nângânetâ keterakmâ hennguwuap.” Yawu sâm ekyongop.

Yesuhât hepne torehenlipne

(Mataio 12:46-50 Mareko 3:31-35)

¹⁹ Yawu sâm ekyongom tatmu lohimbi kinjitne orowâkne denne nângâne sâm mem hawam mewam tuhum kinbi. Yawu kinjetâ ikne hepne torehenlipnane taka gotjan bane sâm otrjetâ lohimbine mâtâp manguyinginetâ betyenehen kinbi. ²⁰ Betyenehen kinjetâ lok âlâ Yesu gotjan talopne yuwu sâm ekuop. “Torehenlipgane taka betnenehen kinmâ gâhât yai.”

²¹ Yawu sâmu Yesune yuwu sâm ekyongop. “An-itâhât tem lâum mansai yaneâmâ nâhât hepne torehenlipne bulâne oai.”

Yesune sâmu to siru nâj nâj sâop.

(Mataio 8:23-27 Mareko 4:35-41)

²² Hilâm âlâen Galilaia dengân pato ya hâtikgum nombotgen arine sâm wanjaen yâhâwi. Wanjaen

yâhâm hâtikgum nombotgen ariwi. ²³ Arim tatñetâ Yesu amangât katmu aman pâlâmñe iop. Aman im tatmu dengân ya tânâmgunetâ yanâk siru puñ puñ sâm pilâop. Siru puñ puñ sâm pilâmu tonje waŋga kâlehen gemu guhulakbe sâm olop. ²⁴ Guhulakbe sâm olop yan ekñetâ sâtñe otmu hoñ bawalipñaje mândem yuwu sâwi. “Wâe, lok pato, waŋga yu dengân kâlehen guhulakbe sâm oap. Harannon-gomap.”

Yawu sâm ekuñetâ yahatmâ siru kuwaŋgiop. Kuwaŋgimu to yañe nâñ nâñ sâop. Nâñ nâñ sâmu yuwu sâm ekyongop. ²⁵ “Wongât biwi yâhâp oai? “Nâñe tihityeñe otbomgât dop ki tap,” yawu mon naŋgai?” Yawu sâm ekyongop. Yawu sâm ekyongomu yuwu sâm alahuwi. “Bâe, lok yukât topñe girawu? Siru kuwaŋgimu yañak to yañe nâñ nâñ yap.” Yawu sâwi.

Yesuñe weke bâleñe watyekmu gaiakmâ bau yengâlen ariwi.

(Mataio 8:28-34 Mareko 5:1-20)

²⁶ To nâñ nâñ sâmu dengân ya hâtikgum ba nombot endaken kapi âlâ, kutñe Gerasene sâm, yan ariwi. ²⁷⁻²⁹ Yan ari waŋgaembâ lâum kionmâ arinjetâ kapi amboñe, lok âlâ weke bâleñaje mângâeminiop, ya takamu ekbi. Yâhâ yâkât topñe yuwu. Lok yamâ sumân bam gam otmu weke bâleñaje mângâemu hâk katipñe tuhum pilâm hâk barahâk manmâ gaop. Otmu ikñe kapi ambolipñaje ari tâk kârikñe, kutñe sein sâm, yañe kâiñe bâtñe mem menduhum sâhâminiwiâke yamâ tâmbiriñ sâmu hâreakminiop. Yawu otma weke bâleñaje mângâemu lok ki manmaiângen ari ihilâk

mahilâk manminiop. Lok yakât topņe yawu. Lok yaņe ewan kinmâ Yesu ekmâ yâkât gotņan ge kinop. Gotņan ge kinmu Yesuņe weke bâleņe ya watbe sâmu yuwu sâmu ekuop. “Lok yukâlembâ gaiakmâ ari.”

Yawu sâmu hu halak tuhum yuwu sâmu ulitguop. “Yesu, topge naņgan. Gâ Anitâhât nanņe. Yamâ wongât nâhâlen takat? Nâ hâhiwin ki nihi. Inâk âwurem arihât naņgan.” Yawu sâmu ulitguop.

³⁰ Ulitgumu sâop. “Ahonakdâ nâņgâwe.”

Sâmu sâop. “Nâņe weke bâleņe nombotņe orowâk tatmâ lok yu mem mâņgâem mansain. Yakât otmâ nengât kutnennę “Komot Pato,” yawu.

³¹ Aiop, gâņe nâņgâningirâ sumânâk mannom. Hem topņan ki hâņgânnongorâ arinom.” Yawu sâwi.

³² Yâhâ talapņan bau sesengâlâkņe tomot tuhum kinņetâ yekbi. Yekmâ yuwu sâmu Yesu ekuwi. “Gâņe watnenekbuat otmuâmâ, âlepņe watnenekdâ gaiakmâ bau enda yeņgâlen arinom.” Yawu sâwi. Yawu sâņetâ watyekmu gaiakmâ bau ya yeņgâlen ge mânunjakbi. ³³ Bau yeņgâlen ge mânunjakmâ mâņgâeyekņetâ sururuk sâmu ba hem patoembâ tâwoņ sâmu denņgânân kionņetâ haranyongop.

³⁴ Denņgânân kionņetâ haranyongomu galemiongom manbiņe ekmâ sururuk sâmu kapi ambolipņe ya ekyongowi. ³⁵ Ekyongonņetâ yakât topņe nâņgâne sâmu Yesuhâlen takawi. Otmu emelâk weke bâleņe lok mâņgâeņetâ ihilâk mahilâk manminiop yamâ nâņgân nâņgânņe keterakbaņgimu hâk katipņe mânunjahop ya ekbi. Ekņetâ sâtņe otmu lohimbi Yesu orop kinbi ya

âiyongowi. ³⁶ Âiyongonjetâ Yesuŋe weke bâlene watyekmu gaiakmâ arinetâ nângân nângânŋe keterakbaŋgiop yakât den pat ekyongowi. ³⁷ Ekyongonjetâ nângânjetâ sâtŋe otmu Yesuŋe pilâyekmâ âlâengen ariâkgât ekuwi.

Yakât otmâ Yesuŋe hoŋ bawalipŋe meyekmu waŋgaen yâhâwi. ³⁸ Waŋgaen yâhânjetâ yan lok weke bâlene watbaŋgiop yaŋe yuwu sâop. “Nâ girawu otbom? Yen orop arinehât naŋgan.”

³⁹ Sâmu sâop. “Bia, gâ nen orop ki arinom. Yakât otmâ kapihehen ari gike hep torehenlipge yakât den pat ya ekyongowuat.” Yawu sâop.

Yawu sâmu kapiân yâhâ Yesuŋe heŋgeŋguop yakât den pat kapilipŋe ekyongop.

Yesuŋe Yairo baratŋe mumuŋambâ mem yahalop.

(Mataio 9:18-26 Mareko 5:21-43)

⁴⁰ Yawu otmâ Yesuŋe hoŋ bawalipŋe meyekmu kapi ya pilâm waŋga mem âwurem ariwi. Âwurem ari waŋgaembâ geŋetâ dengân ginŋan lohimbi dondâŋe Yesu ekne sâm taka kinbi.

⁴¹ Yawu otmâ kinjetâ miti emetŋahât galem-lipyeŋe yeŋgât lok kunŋe, kutŋe Yairo sâm, yâkŋe gotŋan ba mepaem yuwu sâm ekuop. ⁴² “Baratne, ombe bisine konohâk ya sihanâk katnenekbe sâm oap. Yawu gârâmâ gâŋe ari heŋgeŋguhât naŋgan.” Yawu sâop.

Yawu sâm ekumu Yesuŋe hoŋ bawalipŋe meyekmu ya pilâm Yairohât emelan ariwi. Mâtâwân arim tatŋetâ Yesu takaop yakât den pat ya lohimbi dondâŋe nângâm ekne sâm yâkâlen arinetâ orowâk ariwi.

⁴³ Yâhâ imbi âlâ orowâk ariwi yâkât topņeâmâ yuwu. Imbilipnennañe emetsenņe ekmai dop yawu ki olop. Yâhâ imbi yuâmâ emetsenņe ekmâ yâhâmu yambu kâiân yâhâp olop. Yambu kâiân yâhâp yu biwiņan dokta yengâlen arimu hep ya saņ sâekgât âi pato mewiâke yamâ yawuâk otmâ gaop. ⁴⁴ Yâhâ imbi yaņe Yesuhât betņan bam yâkât sâņgum potonņan in walipgumu yanâk hepņe saņ sâop. ⁴⁵ Yâhâ walipguop yanâk Yesuņe enğatņe kakņambâ olelem yekmâ “Âlâņe walipnohoap?” sâm âiyongop.

Yawu sâm âiyongomu yan kurihiakņetâ Petoroņe yuwu sâop. “Lohimbi dondâņe mem hawam mewam tuhunenekņetâ pâņ sâm kinsain. Yakât otmâ gâ girawu nâņgâm yat? Yan gâtņane mon walipgohoai.”

⁴⁶ Sâmu sâop. “Walipnohoap yan hâkne katmâ nanğan.” ⁴⁷ Yawu sâmu imbi yaņe kâi bânņe kârâņ kârâņ sâmu kinop. Yawu otmâ Yesuhât sâņgum potonņan walipgumu hepņe sâņ sâop yakât topņe kerek ekuop. ⁴⁸ Sâmu sâop. “Toune, biwihe nâhâlen katsat. Yakât otmâ Anitâņe nâņgâhihimu hepge saņ yap. Lohotņan ba ari.” Yawu sâm ekuop.

⁴⁹ Yawu sâm ekum kinmu yanâk Yairohât hoņ bawalipņe nombotņane emelambâ taka yuwu sâm ekuwi. “Baratge emelâk bâleap. Yakât otmâ lok pato yu imbiâk sârâ gamap.”

⁵⁰ Yawu sâņetâ Yesuņe nâņgâm Yairo yuwu sâm ekuop. “Yakât ki gorâhihiâk. Nâhâlen biwihane kepeim enğat yâhâp ki ot.” Yawu sâop.

⁵¹ Yawu sâm Yairohât emet gotñan ba kinmâ lohimbi nombotñe katyekmu yaehen kinbi. Yaehen kinñetâ Petoro, Yakowo, otmu imiñe Yoane, Yairo, imbiñeit meyekmu emet kâlehen yâhâwi. ⁵² Yâhâ lohimbi dondâñe kahân tatmâ isem we bâle pato nâñgâm tatbi. Yawu ot tatñetâ yuwu sâm ekyongop. “Baratyetñe ki bâleap, in aman pâlâmñe iap. Yakât otmâ ki isenjet.” ⁵³ Yawu sâm ekyongomu nâñgâñetâ nahat otmu giringañgiwi. Emelâk katnenekmâ arap nâñgâwi. ⁵⁴ Yâhâ Yesuñe imbi sihan ya bâtnan mem yuwu sâm ekuop. “Barat tipñe, yahatmâ kin.” ⁵⁵ Yawu sâmu yanâk yahatmâ bam gaop. Yawu otmu Yesuñe sâmu sot um wañetâ niop. ⁵⁶ Otmu âwâñe mâmâñe ya ekmutâ âlâ kândâkdâ olop. Yawu otmâ bukulipyetñe ki ekyongoromawot sâm kuyitgiop.

9

*Yesuñe hoñ bawalipñe meyekmâ âi sâm yingñiop.
(Mataio 10:5-15 Mareko 6:7-13)*

¹ Yesuñe hoñ bawalipñe kâiân yâhâp menduhuyekmâ âi sâm yingim yuwu sâm ekyongop. “Yen nâhât sâtgât otmâ ari weke bâleñe lohimbi mângâeyekñetâ mansai ya watyিংñetâ gaiakmâ arinomai. Otmu lohimbi kundat otmâ mansai ya heñgemyongonomai.” Yawu sâm ekyongop. ² Otmu lohimbiñe Anitâhâlen biwiyeñe kepeñetâ tihi-tyeñe otbuap yakât den pat ekyongom kapi âlâen âlâen ari kundat otbi ya heñgemyongonomaihât mâmâñe otyingñiop. ³ Mâmâñe otyingim yuwu sâm ekyongom hângânyongop. “Âi topñe katne sâm sot me senñe âlâlâ umatdâek ki miakmâ arinomai.

Natik ki miaknomai. Me itâkat ki goleaknomai. Me tewetsenŋe hâkyenŋan ki tatbuap. Me pet me hâk katipŋe ya hourâ hourâ ki miaknomai. Me howan ki tinanŋum arinomai. ⁴ Otmu kapi âlâen arinomai yanâmâ emelan dâim yâhâ katyekŋetâ yanâk tatnomai. Kapi ya ambolipŋaŋe orot-memeyenŋe bâleŋe betbanŋim biwiyenŋe Anitâhâlen katŋet sâam nâhât den pat âlepŋe ekyongonomai. ⁵ Yâhâ kapi âlâen ari den ekyongonŋetâ nânŋâŋetâ nahat otmu bet pilânomai yamâ hâmbâi Anitâŋe matŋe umatŋe yinŋiwuap. Yakât otmâ kâiyenŋan wahap me bokosok me yu ya horatbuap yamâ tâlim gik beretek meŋetâ gewuap. Ya gemu betyînŋim pilâyekmâ ba âlâengen arinomai. Ariŋetâ towat ya ekmâ kâi katsap yawu nânŋânomai.” Yawu sâam ekyongop.

⁶ Yawu sâam ekyongom hânŋânyongomu kapi âlâen âlâen ari yâkât den pat âlepŋe ekyongowi. Den pat âlepŋe ekyongom yan lohimbî mesek otbî ya mem henŋemyongowi.

*Herotŋe Yesuhât den pat nânŋâop.
(Mataio 14:1-2 Mareko 6:14-16)*

⁷ Otmu sâp yanâmâ Galilaia yenŋât lok kutdâ âlâ manop, kutŋe Herot Antipa sâam, yâkŋeâmâ Yesuŋe olop miop yakât den pat nânŋâop. Lohimbî nombotŋaŋe yuwu sâŋetâ nânŋâop. “Herotŋe tembe lâulipŋe ekyongomu Yoane kuŋetâ muop yamâ mumunambâ yahatmâ mansap,” yawu sâwi. ⁸ Yâhâ nombotŋaŋeâmâ yuwu sâŋetâ nânŋâop. “Poropete lok âlâ, kutŋe Elea sâam, emelâk himbimân yâhâop yaŋe mon purik sâam ge mansap,” yawu sâwi. Yâhâ nombotŋaŋeâmâ yuwu

sânetâ nângâop. “Anitâhât poropetelipne emelâk muwi yâk yengâlen gâtne âlâ yaņe mumuņambâ yahatmâ mansap,” yawu sâwi. ⁹ Yawu sânetâ Herotne nângâm engat yâhâp otmâ yuwu sâop. “Emelâk tembe lâulipne ekyongomune Yoane engatne hârewi. Yakât otmâ lok girawu yaņe yu ya otmâ mansap yakât den pat sânetâ naņgan?” Yawu sâm Yesu ekbehât nângâm manop.

Lok 5000 ya sot yinginetâ newi.

(Mataio 14:13-21 Mareko 6:30-44 Yoane 6:1-13)

¹⁰ Emelâk Yesuņe hoņ bawalipne hângânyongomu kapi âlâen âlâen ari yâkât den pat âlepne ekyongowi. Ekyongom pesuk pilâm yâkâlen âwurem ari otbi mewi yakât ekuwi. Ekuņetâ meyekmu yenjâk tatmâ nângâne sâm Besaita kapiân ariwi. ¹¹ Kapi yan ariwi yakât den pat lohimbî kiņgitne orowâkne nângâm betyenehen watyekmâ ariwi. Arinetâ yan Yesuņe tepne nângâyingim Anitâhâlen biwiyeņe kepeinetâ tihityeņe otbuap yakât den pat âlepne ekyongop. Otmu bukulipyene mesek topne topne otbi ya meyekmâ takanetâ mem heņgemyongop.

¹² Yawu otmâ Anitâhât den topņambâek kâsikum yingimu emetsâpne otmu yan hoņ bawalipne yuwu sâm ekuwi. “Yu tain yu hâlâņmâ kapi tipi tapi âlâ ki tap. Yakât po yingimu wâtyeņe houņ sâmapgât gâne hângânyongorâ arinet. Hângânyongorâ ari yeņahâk sot puluhum um nenomai.” Yawu sâwi.

¹³ Sânetâ sâop. “Âlepne yeņe sot kâsikum yinginet.”

Sâmu sâwi. “Nengâlen banğa kândâkdâ mome otmu inan yâhâp yawuâk tap. Lohimbi dondâ taka tai. Yawu gârâmâ nenne katgekmâ ari sot puluhuyingim lâum takanomgât nangat me?” Yawu sâwi. ¹⁴ Yâhâ lohimbi taka tatbi ya yengât dowâmâ 5000 yawuya. Yesuņe yuwu sâm ekyongop. “Yeņe lohimbi yu ekyongonjetâ kâsiwahom komot tipi tapi, komot 50 dop yawuya tatmâ arinet.” Yawu sâop. ¹⁵ Yâhâ lohimbi ekyongonjetâ den sâop yawuâk otbi. ¹⁶ Otmu Yesuņe sot ya mem himbimân pak sâm ekmâ Anitâ mepaeop. Anitâ mepaem banğa ya motokmâ tipi tapi tuhum hoņ bawalipņe yingimu lohimbi ya kerehâk yinginetâ newi. Yâhâ inan gurâ yawuâk yinginetâ neņetâ dopyeņan olop. ¹⁷ Neņetâ dopyeņan otmu sot nombotņe talop ya hoņ bawalipņe hâwurum mânunjetâ saka saka kâiân yâhâp pik sâop.

Petoroņe Yesuhât topņe sâm teteop.

(Mataio 16:13-19 Mareko 8:27-29)

¹⁸ Otmu hilâm âlâen Yesuņe hoņ bawalipņe katyekmu tatnetâ ikņiâk ba kinmâ Anitâ ulitguop. Ulitgum pesuk pilâmu hoņ bawalipņe yâkâlen arinetâ yuwu sâm âiyongop. “Lohimbiņe nâhât girawu nâņgâmai?”

¹⁹ Sâmu sâwi. “Nombotņe gâhât yuwu sâmai. “Yoaneņe lohimbi toen katyekminiop ya emelâk kuņetâ muop ya mumuņambâ yahatmâ mansap,” yawu sâmai. Yâhâ nombotņeâmâ, “Poropete âlâ, kutņe Elea sâm, emelâk himbimân yâhâop yaņe purik sâm ge mansap,” sâmai. Yâhâ nombotņeâmâ, “Anitâhât poropetelipņe emelâk muwi ya yengâlen gâtņe âlâņe mumuņambâ

yahatmâ mansap,” gâhât yawu sâmai.” Yawu sâwi.

²⁰ Sânetâ sâop. “Yawu gârâmâ yeŋeâmâ nâhât girawu nâŋgâmai?” Sâmu Petoroŋe yuwu sâop. “Anitâŋe hâŋgâŋgohomu ge mansat ya nâŋgâmunŋe bulâŋe oap.” Yawu sâop.

²¹ Yâhâ yakât topŋe sâm tetem lohimbi ekyongomaihât sâm kuyiŋgiop.

Yesu kuŋetâ mumbuap yakât sâop.

(Mataio 16:20-28 Mareko 8:30-9:1)

²² Den âlâ torokatmâ yuwu sâm ekyongop. “Nâ lok bulâŋe mansan. Yawu gârâmâ hotom umai yeŋgât kunlipyeŋe otmu Isirae nengât papatolipnenŋe otmu Mosehât girem den kâsikum ningimai ya kerekŋe biwi konohâk otmâ yan nâhât sâm bâlenihim mem âlâlâ tuhunekmâ nohoŋetâ mum-bom. Mum yan hân kâlehen hilâm kalimbu tatmâ benŋe yapâ mumuŋambâ yahatbom.” Yawu sâm ekyongop.

Manmannenŋe ki alitmâ manmâ yâhânom.

²³ Otmu Yesuŋe lohimbi kerehâk yuwu sâm ekyongop. “Lohimbi âlâ me âlâŋe biwiyenŋe nâhâlen katmaiŋe nâhâlen torokatne sâm yan yeŋahât ki nâŋgâŋetâ yahatbuap. Me senŋe âlâlâ tatyŋgiap ya biatningimap sâm yakât ki nâŋgâm ketet otmâ engat yâhâp otnomai. Nâhât den haonmâ ârândân nâŋgâm tem lâunihim mannomai. ²⁴ Yawu gârâmâ benŋe lok âlâ me âlâŋe manmanyenŋe alilaknomai yamâ hiliwahonomai. Yâhâ lok âlâ me âlâŋe nâhâlen biwiyenŋe kepeim manmâ nâhât den pat âlepŋe yu lohimbi ekyongonomai. Ekyongonomai

yakât otmâ yongonjetâ munomai yamâ Anitâņe mumuņambâ mem yahatyekbuap. ²⁵ Yâhâ lok âlâ me âlâņe iri sikum me manman topņe topņe yan biwi nâņgân nâņgânyeņe hikum manmâ munomai yaņe girawu otnomai. Yenjahâk mumuņambâ yahatnomaihât dop âlâ ki tap. Nâ lok bulâņe den kâsikum yingim mansan. Yenğâlen gâtņe âlâ me âlâņe nâhât den nâņgâņetâ nahat otmu betnihinomai yamâ matņe yuwu kâpekyingiwom. Hâmbâi sâp patoen Himbim Awoņnaņe yâhâpņe hâņgânnohomu aņelolipne meyekmune hânân genom. Sâp yan yenğâlen gâtņe âlâ me âlâņe nâhât den nâņgâņetâ nahat otmu betnihimai yamâ nâku yawuâk betyongomune matņe umatņe menomai. ²⁶ Hâmbâi sâp patoen Himbim Awoņnaņe yâhâpņe hâņgânnohomu aņelolipne meyekmune hânân genom. Gem yan manmanyenjahât matņe âlâku ikņiâk ikņiâk kâpekmâ yingiwom. ²⁷ Yuwu sâm ekyongomune nâņgâm biwiyenjan katmâ mannomai. Yen ki mum metenjetâek Anitâņe tihityeņe otbe sâm lok bulâņe nâ hâņgânnohomu âwurem ge tihityeņe otbisâm.” Yawu sâop.

Yesuņe Mose yet Elea orop den alahuwi.

(Mataio 17:1-13 Mareko 9:2-13)

²⁸ Den yawu ekyongop yakât kakņan hilâm nombolân yâhâp mon pesuk sâmu Yesuņe Anitâ ulitguwe sâm olop. Yakât otmâ Petoro, Yakowo, otmu imiņe Yoane, meyekmu hoņ bawalipņe nombotņe âlâmâ katyekņetâ tatņetâ yenjiâk pumņe âlâen yâhâwi. ²⁹ Yâhâ kinņetâ Yesuņe Anitâ ulitgum kun kundenneņe âlâ otmu sâņgumņaņe laņinņe pilâm kaok bolañ bolañ olop. ³⁰ Yawu otmu Mose Elea

emelâk Anitâñe meyelehop yañe in yawu tetem kinmutâ ³¹ himbimâmbâ lañinñe siliñ siliñ sâmbâ hâuyelekmu yâk orop den alahuwi. Yawu otmâ Yesuñe Yerusalem kapiân ari Anitâñe yâkât mâtâp sâmbâ kalop ya lâumu Yura papatolipyeñeñe kuñetâ mumbuap yakât ekyotgop.

³² Mose yet Elea tetemutâ den otbi yan hoñ bawalipñeñe aman pâlâmñe iwi. Yâhâ Mose yet Eleañe Yesu pilâm arire sâmbâ otmutâ kâlâwahom yahatmâ yekbi. Yekñetâ Petorohât hanñe tâlâhumu yuwu sâmbâ Yesu ekuop. “Lok pato, kulem teteap yuwuya âlâ ki ekmain. Yu ekmunñe âlâ kândâkdâ oap. Yawu gârâmâ gâñe sârâ selep kalimbu tuhunehât nanñan. Gâhât âlâ, Mosehât âlâ, Eleahât âlâ.” Yawu sâop. ³³ Otmu Mose yet Elia Yesu pilâm arire sâmbâ otmutâ Petoroñe kulem yakât topñe ki nâñgâmâk Yesu yawu sâmbâ ekuop.

³⁴ Yawu sâmbâ yanâk elem patoñe gepumñe ya mem kâtâpgumu kiñgityeñahât otbi. ³⁵ Kiñgityeñahât otñetâ elem yakât biwiñambâ Anitâñe den âlâ yuwu sâop. “Bulâñanâk yuâmâ nine nanne ombe bisine. Nâñe âi sâmbâ wañmâ hâñgâñgumune giop. Yakât otmâ den sâmbâ wuap ya yeñe mem biwiyeñan katmâ tem lâuwawñgim mannomai.” Yawu sâop.

³⁶ Den ya sâmbâ tiñ pilâmu Yesu ikñeâk kinmu ekbi. Yâhâ hoñ bawalipñeñe kulem ya ekbi yakât ki sâmbâ tetem bukulipyeñe ekyongowi.

Yesuhât hoñ bawalipñeñe weke bâleñe watne sâmbâ pâpñuwi.

(Mataio 17:14-21 Mareko 9:14-29)

³⁷ Emet han sâmu pumnehembâ genetâ lohimbi kingitje orowâkne ari mem teteyekbi. ³⁸ Mem teteyeknetâ hohetyenambâ lok âlâne halahum yuwu sâm Yesu ekuop. “Lok pato, gawot. Nine nanne ombe bisine yu gam ek. ³⁹ Yakât topne yuwu. Weke bâleñañe pârâk sânsânâk mângâemu senne gâwâñ gâwâñ sâm hânân ge imu nekamne kâtiñ sâm lañe barak barak otmu halahumap. Weke bâleñe yañe haonmâ ârândâñ yawu mângâemap. ⁴⁰ Yawuhât hoñ bawalipgañe watnet sâm dâim taka ekyongomune pâpgum pilai.” Yawu sâop.

⁴¹ Yawu sâmu Yesuñe olelem hoñ bawalipne yekmâ yuwu sâm ekyongop. “Yen orop sâp kâlep manmâ gain. Yamâ wongât nâhâitje ki tânngowuap yawu nanñai? Yawu nângâm biwiyenane nâhâlen tiñâk ki kepeiai yakât nângâmune ki ârândâñ oap. Yawu gârâmâ hâmbâi nâñe pilâyekmâ yâhâwom yan yeñe girawu mannomai?” Yawu sâm ekyongom âwâñe ekumu nanñe ya dâim Yesuhâlen baop.

⁴² Dâim bamu weke bâleñañe mângâemu senne gâwâñ gâwâñ sâm hânân ge kârâñ kârâñ sâm lañe barak barak otmâ iop. Yawu otmuâmâ Yesuñe weke bâleñe ya watmu gaiakmâ arimu âlepne otmâ âwâñahâlen ba kinop. ⁴³ Yâhâ Yesuñe kulem miop yan Anitâhât wâtne tetemu eknetâ ewe membe olop.

*Yesu kuñetâ mumbuap yakât âlâkuâk sâop.
(Mataio 17:22-23 Mareko 9:30-32)*

Yesu kulem miop ya eknetâ ewe membe olop sâp yan hoñ bawalipne yuwu sâm ekyongop.

44 “Den yuwu sâm ekyongomune nângâm biwiyenjan katmâ mannomai. Anitâņe nâ lok bulâņe hângânnohomu ge mansan. Nâhât kasalipnaņe sâp ki kâlep otmuâk meneknomai.” Yawu sâop.
 45 Yawu sâm ekyongowâke yamâ Anitâņe nângân nângânyeņe mem kopa tuhuyekmu nângâņetâ ki keterahop. Yakât otmâ âikune sâm otņetâ umatņe otmu pilâwi.

Huruņ huruņ manmâ yâhânôm.

(Mataio 18:1-5 Mareko 9:33-37)

46 Sâp âlâen Yesuhât hoņ bawalipnaņe osetyenjan gâtņe âlâ me âlâņe kunyeņe pato otbuap yakât sâm pawarak guwarak otbi. 47 Yawu otmâ sahaņņetâ Yesuņe biwiyenjahât topņe nângâm yan naom tipine âlâ lâum gotyenjan katmu kinmu 48 yuwu sâm ekyongop. “Lok âlâ me âlâņe tem lâunihim naom tipine yuwuya buku otbaņginomai. Lohimbi yaņe naom tipine otbaņgiain sâm yan nâ buku otnihinomai. Otmu nâ otnihiain sâm Anitâņe hângânnohomu ge mansan yâk buku otbaņginomai. Yeņgâlen gâtņe âlâ me âlâņe yeņjahât nângâņetâ gemu huruņ huruņ manmai ya yeņgât Anitâņe nângâyiņgimu yahatmap.” Yawu sâop.

Lohimbiņe nengât ki nângâņetâ gemap yaņe buku otningimai.

(Mareko 9:38-40)

49 Yawu sâm ekyongomu Yoaneņe yuwu sâm ekuop. “Lok pato, lok ondowân gâtņe âlâņe kutgan gohonmâ weke bâleņe watyekmu gaiakmâ ariwi ya nenņe ekmâ nângâm bâlewaņgim kuwaņgiwin.” Yawu sâop.

⁵⁰ Yawu sâmu yuwu sâm ekyongop. “Lohimbi nombotŋaŋe yeŋgât ki nâŋgâŋetâ gemap yaŋe yeŋgât buku manmai. Yakât otmâ lok yawuya ki kuyiŋginomai.” Yawu sâop.

Samaria kapi ambolipŋaŋe Yesu ekmâ ki buku otbaŋgiwi.

⁵¹ Yesuŋe himbimân âwurem yâhâwuap yakât sâp tâlâhuop. Yakât otmâ Samaria hân tânâmŋambâ Yerusalem kapiân ariwe sâm biwiŋaŋe nâŋgâop. ⁵² Yawu otmâ Samaria ya yeŋgât kapi âlâen ari inomaihât hoŋ bawalipŋe nombotŋaŋe kulet sâm ari emet âlâ mem heŋgeŋguŋet sâm hâŋgânyongomu ariwi. ⁵³ Ari kapi ambolipŋe ya ekyongonetâ Yesu Yerusalem kapiân ariwuap yawu nâŋgâmâmâ emetyeŋe alitbi. ⁵⁴ Emetyeŋe alitŋetâ hoŋ bawayâhâtŋe yâhâp, Yakowo yet Yoane, yakât nâŋgâmutâ bâlemu yetŋe eŋgatyetŋeâk otmâ Yesu yuwu sâm âikuowot. “Lok pato, nâŋgânitgirâ sâmutŋe himbimâmbâ kâlâp punduŋ sâm ge seyhâk.”

⁵⁵⁻⁵⁶ Yawu sâmutâ kuyitgimu kapi ya pilâm âlâengen ariwi.

Lok yuwuyane Yesuhât tem lâuwangim manno-mai.

(Mataio 8:19-22)

⁵⁷ Mâtâwân arim tatŋetâ lok âlâŋe mem teteyekmâ Yesu yuwu sâm ekuop. “Gâ yuken yaken otbuat yamâ nâ orowâk.”

⁵⁸ Sâmu sâop. “Nine topne hâum pâpkuatgât yuwu sâmune nâŋgârâ keterahâk. Songoâmâ nak duwiŋan imai. Yâhâ nâiâmâ nak kakŋan kerem tat-mai. Yâhâ nâmâ Anitâŋe hâŋgânnohomu ge mansan

yamâ emet âlâ ki tatnihiap. Yakât otmâ gê orowâk arinom otmuâmâ girawu otnom?" Yawu sâmu ekuop.

⁵⁹ Yesuŋe lok âlâ mem tetem yuwu sâmu ekuop. "Nâhâlen torokatdâ orowâk mandehât nanŋan."

Sâmu sâop. "Lok pato, awoŋ âun bâleap. Yakât otmâ nânŋânihirâ ari awoŋne kurihiwe. Kurihim âwurem gamune orowâk arirom."

⁶⁰ Sâmu sâop. "Lohimbi biwi pâlâmŋe manmâ Anitâhât den ki lâum manmaiŋe hangunet. Gâŋeâmâ katyekmâ taka Anitâhât den pat âlepŋe lohimbî ekyongowuat." Yawu sâop.

⁶¹ Yâhâ lok âlâŋe Yesu yuwu sâmu ekuop. "Lok pato, gê orowâk arirehât nanŋan. Yawu gârâmâ nânŋânihirâ hep torehenlipne yengâlen âwurem arimune iseangim katyekmâ âwurem gamune arirom."

⁶² Sâmu sâop. "Den yat yakât matŋe den âlâen hâum yuwu sâmune nânŋâ. Lok âlâ me âlâŋe nâhâlen torokatne sâmu hep torehenlipyeŋe katyekŋetâ kinŋetâ wanŋaen yâhânomai. Yawu otmâ tepyeŋe nânŋâyinŋim purik sâmu âwurem ari yekne sâmu otnomaiŋe nâhâlen torokatŋetâ âi sâmu yinŋiwomgât dop ki tap." Yawu sâop.

10

Anitâhât den ekyongonet sâmu Yesuŋe lok 72 hânŋânyongop.

¹ Sâp yakât kakŋan Yesu Kutdânennŋe lok 72 mem sâlipyongop. Yawu otmâ lok yâhâp yâhâwâk menduhuakmâ kulet sâwanŋim mâtâp mewanŋinomaihât âi sâmu yinŋim hânŋânyongop.

² Den âlâen hâum yuwu sâm ekyongom hângânyongop. “Kâlâmân sot pato tap. Yâhâ Anitâne nep lok katyekmu mem hâwurum kinsaiâkâ yamâ ki dopņan oap. Yakât otmâ Anitâne lok âlâkuâk katyehâkgât ulitgum mannomai.” Yawu sâm ekyongop.

³ Otmu hoņ bawalipņane topyeņe nanğanņetgât den âlâen hâum yuwu sâm ekyongop. “Lama yamâ pâlâmņe kinmai. Yâhâ sosoneâmâ sâtņe bâleņe tatmai. Yawu gârâmâ lama yaņe dâiakmâ arinomai yamâ sosone yingim neyekbuap. Dop yawuâk nâne hângânyongomune sâtņe metņe kâlehen arinomai.

⁴ Hângânyongomune arinomai yan bāt barahâk arinomai. Itâkat ki goleaknomai. Me kâi katipņe katnomai yakât houņe âlâ ki menomai. Me tewet-senņe hâkyeņan ki tatbuap. ⁵ Otmu kapi wosapâ arine sâm otnomai yan mâtâwân lok orop den kâlep ki huhunomai. Inâk tâņ tâņâk kapiân arinomai.

Otmu kapi ambolipņe âlâ me âlâne emelan dâim yâhâ katyekņetâ yan yuwu sânomai. “Anitâne ti-hityeņe otmu yâkât wâtņan kinmâ yâhâm herone kakņan mannomai.” ⁶⁻⁷ Yawu sâm ekyongoņetâ herone otyinginomai otmuâmâ yan tâtâmâ nâhât den pat âlepņe kâsikum yingingetâ nâņgâm yanâmâ bulâne yâk yenğâlen tetewuap.

Yâhâ kapi ambolipņane buku otyinginomai yakât nâņgâņetâ keterahâkgât den âlâen hâum yuwu sâmune nâņgâņet. Lok âlâ me âlâ nep sâm yingingetâ tuhumai yakât hâmeņe meņetâ ârândâņ otmap. Yakât otmâ kapi ambolipņane yen buku otyingim sot um yinginomai otmuâmâ kapi yan tatnomai.

Yâhâ nombotŋaŋe denyeŋe nâŋgâŋetâ nahat otmu betyĩŋinomai otmuâmâ yengu yawuâk betyĩŋinomai.

⁸Yâhâ kapi âlâen ari den ekyongonjetâ nâŋgâŋetâ bulâŋe otmu buku otyĩŋinomai otmuâmâ ⁹yan tاتمâ lohimbi kundat otnomai ya mem heŋgemyongonomai. Yawu otmâ Anitâhâlen biwiyenâŋe kepeĩŋetâ tihityeŋe otbuapgât den pat âlepŋe ekyongonomai.

¹⁰Yâhâ kapi âlâen ari den ekyongonjetâ nâŋgâŋetâ nahat otmu betyĩŋinomai otmuâmâ hâmbâi Anitâŋe matŋe umatŋeâk yĩŋgiwuap. Yakât otmâ kapiân ari lohimbi senyenâŋ kinmâ yuwu sâm ekyongonomai. ¹¹“Anitâŋe tihityeŋe otbe sâm oap. Yamâ yeŋe yâkât hâkâŋ otmâ betbaŋgiai. Yakât otmâ kâinenŋan wahap me bokosok me yu ya horatsap yamâ tâlim gik beretek memunŋe gemu betyĩŋim arinom.” Yawu sâm ekyongom pilâyekmâ arĩŋetâ towat ya ekmâ kâi katsap yawu nâŋgânomai.

¹²Kapi ambolipŋaŋe orotmemeyeŋe bâleŋe ya ki betbaŋgim Anitâhâlen biwiyenâŋe katsai ya yeŋgât yuwu sâmune nâŋgâŋet. Sâp patoen Sotom kapi ambolipŋaŋe orotmemeyeŋe bâleŋe otminiwi yakât matŋe menomai. Otmu yen gurâ yawuâk orotmeme bâleŋe torokatmâ otmâ mansai. Yakât otmâ yeŋeâmâ Sotom ambolipŋaŋe matŋe menomai ya wangim matŋe umatŋe pato hâlilĩŋe menomai.” Yawu sâm ekyongop.

Lohimbi biwi kârik otmâ manbi ya Yesuŋe sârekyongop.

(Mataio 11:20-24)

13 Lohimbiņe orotmemeyeņe bâleņe ki pilâm Anitâhâlen biwiyeņe kepeim manbi. Yakât otmâ Yesuņe sârekyongom yuwu sâm ekyongop. “Main, Korasin otmu Besaita kapi ambolipņe yeņgât sâwe. Yeņgâlen kulem topņe topņe mem gamune ekņetâ tâjât otmap. Yamâ emelâk embânân Tiro Siron kapi ambolipņe kulem yawu ya ekbi mâne orotmeme bâleņe otmâ gawi ya betbaņgim Anitâhâlen biwiyeņe kepeimbâi. 14 Yawu gârâmâ yeņe orotmeme bâleņe otmâ mansai ya ki pilâm Anitâhâlen biwiyeņe katsai. Yakât otmâ hâmbâi Tiro Siron kapi ambolipņe matņe umatņe menomai ya wangim yeņe umatņe amokņan menomai. 15 Otmu Kapanaum kapi ambolipņe yeņgât sâwe. Yen gurâ yeņahâlâk nâņgâņetâ yahatmu hâkyeņe mepaeakmâ yuwu sâmai. “Nenâmâ emelâk Anitâņe himbingât pat kuningimu mansain’ ” Yawu sâmaiâke yamâ yuwu sâmune nâņgâņet. Yeņe orotmemeyeņe bâleņe ya ki betbaņgim Anitâhâlen biwiyeņe katsai. Yakât otmâ yenâmâ hemgât pat mansai. Hâmbâi mâne Anitâņe yakât matņe umatņe pato hâlilinje yinģimu menomai.” Yawu sâop.

16 Ya yeņgât yawu sâm hoņ bawalipņe yuwu sâm ekyongop. “Den ekyongoan yu nine den bia. Yu Anitâņe sâm nihiop ya ekyongoan. Yakât otmâ lohimbiņe denyeņe nâņgânomai yan yeņgât den naņgain sâm nâhât den nâņgânomai. Yâhâ lohimbiņe denyeņe nâņgâņetâ nahat otbuap yan yeņgât den nâņgâmunņe nahat oap sâm nâhât den nâņgâņetâ nahat otbuap. Otmu lohimbiņe nâhât den nâņgâņetâ nahat otbuap yamâ Anitâņe

hângânnohomu gewan yâkât den nângânjetâ nahat otbuap.” Yawu sâmb ekyongop.

Lok 72 hângânyongomu ariwi yaŋe âwurem takawi.

¹⁷ Lok 72 âi sâmb yingim hângânyongomu ariwi yaŋe âwurem taka otbi mewi yakât herone nângâwanŋim Yesu yuwu sâmb ekuwi. “Kutdâ, kutgan gohonmâ weke bâlene watyekmunne gaiakmâ ariwi yakât nângâmunnje âlâ kândâkdâ oap.” Yawu sâwi.

¹⁸ Sânetâ sâop. “Yeŋe ari weke bâlene watyekbi yan hâkne katmâ nângâwan. Yawu otmâ belek sâmbu ekmain yakât dopneâk Satanŋe himbimâmbâ ge kumu ekban.

¹⁹ Yakât otmâ yuwu sâmbune nângânjet. Soron hambene me sâtne metne kakŋan tâliŋetâ yan hilipyongomap sâmb mâmâne otyingim yâhâwom. Otmu nâhât sâtgât otmâ weke bâlene me yu ya lohimbi mângâeyekmai ya sâyinginjetâ yengât tem lâuyinginomial. ²⁰ Yawu gârâmâ weke bâleneŋe yengât tem lâuyinginomial yakât nângâm Anitâ mepaenomial. Yâhâ Anitâne himbimân tatmâ kutyene nângâm manman kârikŋahât pat kuyingimu tap yakât otmâ Anitâhât nângâm herone pato otbaŋginomial.” Yawu sâmb ekyongop.

Yesuŋe tep hero nângâm Anitâ mepaeop.

(Mataio 11:25-27 Mataio 13:16-17)

²¹ Yawu sâmb ekyongop sâp yanâk Anitâhât Wâtgât mâmânahât Heakne biwiŋan gemu biwi hero pato nângâm Anitâ yuwu sâmb mepaeop. “Awon, hân himbim kândikyotgon ambone, gâhât tep âlep pato nângâhian. Otmu lok nombotŋane gâhât topge nângâne sâmb nângân nângân emetŋan

yâhâwi. Parisaio otmu Sarukaio lok yawuya. Yawu gârâmâ nâñe gâhât den lâum manmâ gan yakât dopñeâk yâkñe lâum manmâ gai mâne ârândân otbâp. Yakât topñe nâñgâmaiñât gâñe nâñgân nâñgânyene ki mem hewewenñ tuhuyiñgimat. Yawu gârâmâ lok nombotñe, kutylene bia, belângen manmai yañeâmâ topne nâñgâñetgât gâñe nâñgân nâñgânyene mem hewewenñ tuhuyiñgimat. Gâñe nâñgâmat, yawuâk tetemap. Yakât mepaeheksan.” Yawu sâm âwâñe ekuop.

²² Âwâñe yawu sâm ekum tiñ pilâm benñe lok 72 âwurem takawi ya yuwu sâm ekyongop. “Himbim amboñe tatmap yâhâmâ awoñne. Yâkñe mâmâñe otnihimu wuân me wuân otbomgât dop tap. Otmu nâñe awoñnahât topñe nâñgâwanñim henñenñuan. Yawu gârâmâ lohimbi nombotñane awoñnahât topñe nâñgâñet sâm ekyongowom yañe nâñgâwanñim henñenñunomai.” Yawu sâm ekyongop.

²³⁻²⁴ Yawu sâm ekyongom katyekmu arinjetâ hoñ bawalipñe kâiân yâhâp yuwu sâm ekyongop. “Emelâk embânân Anitâhât poropete lok otmu lohimbi nombotñe yâkât tem lâum manbi yañe kulem nâñe mem mansan yu ekne sâm yakât mambotmâ gam inâk muwi. Otmu yakât dopñeâk yâkñe himbingât den pat nâñe ekyongom mansan yu nâñgâne sâm mambotmâ gam inâk muwi. Yakât otmâ den yuwu sâmune nâñgâñet. Yeñeâmâ sâp yiwerene yu nâ orowâk manmâ gam kulem topñe topñe memune ekmâ nâhât den nâñgâm herone kakñan mansai.” Yawu sâm ekyongop.

Lok âlâŋe kasaŋe ekmâ buku otbaŋgiop.

25 Mosehât girem den kâsikum yingiminiopŋe Yesuhâlen ariop. Ari Yesuŋe den sâm hilipgumu pâi emetŋan katŋetâ talâkgât yuwu sâm âikuop. “Lok pato, sârâ nâŋgâwe. Nâŋe girawu otmune ârândânŋ otmu yanâmâ Anitâŋe manman kârikŋahât pat kunihiwuap?”

26 Sâmû sâop. “Moseŋe girem den kulemguop ya sârâ nâŋgâwe.”

27 Sâmû sâop. “Anitâŋe girem den âlâ Mose ekumu kulemguop ya yuwu tap.

“Isirae ambolipŋe yen ekyongomune nâŋgâŋet. Nengât Kutdânenŋe yamâ Anitâ ikŋe konok tatmap. Nenŋe yâkâlen biwi nâŋgân nâŋgânnenŋaŋe kepeim yâk konok mepaenom. Otmu yâkât lau konok nâŋgâm tem lâuwangim mannom. Otmu mâtâp sâm ningiop ya tâŋ tâŋâk watmâ yâhânom.” Yawu tap. Yâhâ den âlâmâ yuwu tap.

“Nenŋahât nanŋangimunŋe yahatmap yakât dopŋeâk buku nombotŋe yengât nâŋgâmunŋe yahatbuap.” Yawu tap.”

28 Sâmû sâop. “Âlepŋe yat. Yawu otmâ manmâ yâhâwuat otmuâmâ Anitâŋe manman kârikŋahât pat kuhihiwuap.” Yawu sâop.

29 Yawu sâmû lok yaŋe irelakmâ yuwu sâm ekuop. “Nâ bukune âlâ?”

30 Yawu sâmû Yesuŋe den âlâen hâum yuwu sâm ekuop. “Yura lok âlâ Yerusalem kapi pilâm Yeriko kapiângen ariop. Mâtâwân arim tatmu kasalipŋaŋe mem tetem kum panŋetâ ge iop. Ge imu senŋe âlâlâŋe ya kombo mewangim

pilâm ariwi. Pilâm ariñetâmâ mumbé sâmb olop.
³¹ Mumbé sâmb otmu Anitâhât hotom umai ya yengâlen gâtñe âlâñe mâtâp yawuâk ari ekmâ lañe butelim inâk wangim ariop. ³² Otmu opon kâmbukñahât hoñ bawa âlâ, Lewi senâmbâ gâtñe mâtâp yawuâk ari mem tetem gotñan bam ekmâ biwi pâlâmñe otmâ ariop. ³³ Yâhâ Yura lohimbñe Samaria lohimbñe ya yengât nâñgâñetâ gemu betyñgimai. Yawu otyñgimaiâkâ yamâ Samaria gâtñe lok âlâ mâtâp yawuâk ari Yura lok ya mem teteop.

³⁴ Ekmâ tepñe nâñgâm gotñan bam hepñe piriwangim, marasin mem lâwâlem sâhâwanñgiop. Otmu lok ya lâum ikñe donñi kakñan katmâ mem kapiân ari lombañe emet iminiwi yan katmu tatmu omoñ konok galemguop. ³⁵ Yâhâ emet hañ sâmb ariwe sâmb otmâ emet yakât ambone tewetsenñe wanmâ yuwu sâmb ekuop. “Tihitñe otmâ mandâ tewetsenñe gihian yu ekdâ ki ârândâñ otbuap otmuâmâ hâmbâi âwurem takawom yan eknohorâ âlâ gihiwom.” Yawu sâmb ariop.

³⁶ Otmu yakât âihohowe. Lok kalimbu ya yengâlen gâtñe girawu yañe buku otbanñgiop nanñat?”

³⁷ Sâmb sâop. “Samaria gâtñe lok yañe tepñe nâñgâwanñgim tihitñe olop ya.”

Sâmb sâop. “Bukulipge tânyongomat dop yawuâk kasalipge tânyongowuat. Yawu.” Yawu sâmb ekuop.

Mata yet Maria

³⁸ Yawu sâmb ekum Yesuñe hoñ bawalipñe meyekmu lohimbñe katyekmâ kapi âlâen ariwi.

Kapi ariwi yan imbi âlâ, kutnje Mata sâmb, gariņeit manowot. Yâkņe Yesu otmu hoņ bawalipņe dâiyekmu emetyetņan yâhâwi. ³⁹ Yâhâ tatņetâ gariņe, kutņe Maria sâmb, yâkņe Kutdâhât gotņan ba tatmu den kâsikum waņop. ⁴⁰ Yâhâ Mataņe ikņiâk sot uyiņgimu gariņe ki tânguop. Yakât nâņgâmb bâlewaņgim sâop. “Kutdâ, garineâmâ konam. Nâ niniâk sot uan. Yakât nâņgâmbune bâleap. Ekurâ tânnohoâkgât naņgan.”

⁴¹ Sâmbu sâop. “Mata, gâ wahap tâņât yakât nâņgârâ yahatsap. ⁴² Garihaņeâmâ nâhât den nâņgâwe sâmb otmu yakât nâņgâmbune âlepņe oap. Yakât otmâ den âlâ ki sâwe. Pesuk yap.” Yawu sâop.

11

*Anitâ orop den otnom yakât topņe yuwu tap.
(Mataio 6:9-15 Mataio 7:7-11)*

¹ Sâp âlâen Yesuņe Anitâ ulitgum talop. Ulitgum tiņ pilâmbu hoņ bawaņe âlâņe gotņan ba yuwu sâmb ekuop. “Kutdâ den âlâ ekgohowe. Yoanehât hoņ bawalipņe wuân me wuângât sâmb Anitâ ulitgunomai yakât topņe ekyongop yawuâk eknongorâ nâņgâne.”

² Yawu sâmbu yuwu sâmb ekyongop. “Anitâ yuwu sâmb ulitgunomai. “Himbim awoņnenņe, topge âlâ kândâkdâek tap. Yakât nâņgâmb mepaehekmâ mannom. Gike sâtgât otmâ aņelolipgaņe haoņmâ ârândâņ hoņ bahihimai yawuâk nenņe gurâ tem lâuhihim mannom. ³ Otmu gâņe hilâm ârândâņ tihitnenņe otmâ dopnenņanâk ningimat. ⁴ Otmu lohimbi nombotņe mem

bâlenenekmâ tai ya yengât nângâm umam sâyîngim tosayeņe pilâyîngimain yakât dopņeâk gâņe umam sâningim tosanenņe pilâningiwuat. Otmu Satanņe kendâningimu otmunņe bâlemap sâm ulitgohoingât mâtâp meningi.” Yeņe yawu sâm Anitâ ulitgum mannomai.” Yawu sâop.

⁵⁻⁶ Otmu den âlâen hâum yuwu sâm ekyongop. “Omoņ derep kâmbukņan yengâlen gâtņe âlâ me âlâņe bukuyenahât emet hawiņan ari kinmâ kotok kunmâ yuwu sâm ekunomai. “O bukune, sâmune nângâ. Lomba âlâ nâhât emelan taka tap. Nâ emetnan sot ki tap. Yakât otmâ sot kâsikum ni-hirâ mem ari um waņmune niâk.” ⁷ Yawu sâmu emetņanâk tatmâ yuwu sâwuap. “Girawu otmâ omoņ derep kâmbukņan mândeneneksat? Emet gahatņe emelâk maņguain. Gârâmâ yahatmâ ki mem gihiwom.” Yawu sâm ekuwuap. ⁸ Yâhâ bukunaņe emelanâk tatmâ sot ki waņbuap otmuâmâ den otmâ dewaemu yahatmâ sot ya ihilâk waņbuap. ⁹ Yakât yuwu sâmune nângâņet. “Yeņe wuân me wuângât nângâm Anitâhâlen biwiyenaņe kepeim ulitguņetâ âlepņe nângâyîngiwuap.

¹⁰ Otmu âlâen hâum sâwe. Yeņe buku âlâhât emelan yâhâne sâm, “Wâe tat me?” sâņetâ nângâyîngimu yanâmâ emet kâlehen yâhânomai. Yakât dopņeâk Anitâ ulitguņetâ nângâyîngiwuap. Anitâhâlen biwiyenaņe kepeim ulitgumai yamâ âlepņe nângâyîngiwuap. Otmu pâin guin otmai yamâ âlepņe ikņak mâmâņe otyîngimu biwiyene sânduk sâwuap.

¹¹⁻¹² Otmu den âlâen hâum sâmune nângâņet. Yengâlen gâtņe âlâ me âlâhât nanņaņe po waņgimu

âwâñe ulitgumu yan âwâñane ki neneñe ya wañbuapgât dop ki tap. ¹³ Otmu yen nombotñe Anitâhât topñe ki nâñgâm henñengumainñe nan baralipyene yawu otyiñgimai. Anitâ awoñnenñe himbimân tatmapñe nen ikñiâk ikñiâk topnenñe ekmâ nâñgâmap. Yakât otmâ lok âlâ me âlâñe Wâtgât mâmâñahât Heakñe mâmâñe otyiñgiâkgât Anitâ ulitgunomai yan yeñe nan baralipyene otyiñgimai ya wangim tâñ tâñâk yingiwuap. Yawu sâñ ekyongop.

Yesuñe Anitâhât wâtñan kinmâ weke bâleñe watyehop.

(Mataio 12:22-30 Mareko 3:20-27)

¹⁴ Weke bâleñane lok âlâ mângâemu lañe mañguakmu den biaek manmâ gaop. Otmu Yesuñe weke bâleñe ya watmu gaiakmâ arimu lañe hâreakmu den olop. Yawu otmu lohimbî yan kinbiñe ekñetâ sâtñe olop. ¹⁵ Yawu gârâmâ Parisaio lok nombotñane ekmâ Yesu nâñgâm bâlewangim yuwu sâwi. “Yâkât topñeâmâ yuwu. Yâhâmâ weke bâleñane mâmâñe otbañgiap. Yakât otmâ ya yengât patoyene, kutñe Besewulu sâñ, kutñe âlâmâ Satan yâkât wâtñan kinmâ watyekmap.” Yawu sâwi.

¹⁶ Yâhâ Yesuñe otmâ hilipgumu mem pâi emetñan katñetâ talâkgât nombotñaneâmâ topyene kurihiakmâ yuwu sâwi. “Anitâñe nâñgâhîhimap otmuâmâ sârâ kulem âlâ himbimâmbâ tetemu ekmâ topñe nâñgânom.”

¹⁷ Yawu sâñetâ Yesuñe biwiyenahât topñe ekmâ nâñgâm yuwu sâñ ekyongop. “Yeñe nâñgâm tâpikguai. Yakât otmâ den âlâen hâum yuwu

sâmune nângânet. Lok komot konohâk mansainje yahatmâ ahom hionakmâ tiok taok otnomai yamâ kutyeŋe biatbuap. Yâhâ kapi âlâ konohâk tatmainje yejahâk yahatmâ ahom hionaknomai yamâ kâwurumyeneâk kinbuap.

¹⁸ Yakât den âlâ torokatmâ sâwe. “Besewuluŋe mâmâŋe otnihimu weke bâleŋe watyekmune gaiakmâ arimai,” yawu sâmai. Yawu gârâmâ Satangât komotyengahâk ahom hionaknomai yamâ den ekyongoan yuwuâk tetemu Satangât kutŋe biatbâp. ¹⁹⁻²⁰ Nâmâ Anitâhât wâtŋan kinmâ weke bâleŋe watyekmâ yan amboyeŋe Satan ya mem ge katsan. Yakât otmâ âlâku yu torokatmâ sâwe. Yeŋe imbiâk nâhâtŋe Satangât wâtŋan kinmâ weke bâleŋe watyeksap yawu nângâmai. Yakât nâŋe yuwu sâm purik pilâmune nângânet. Yeŋe âlâhât wâtŋan kinmâ weke bâleŋe watyekesai? Yeŋe “Anitâhât wâtŋan kinsain” yawu sâmai. Girawu otmuâmâ nâhât yawuâk ki nângâmai? Yeŋe nâhât nângâm tâpikgumai, yawu nanŋan. Yawu gârâmâ Anitâŋe tihityeŋe otmâ wawaeyekmâ nâ hângânnohomu ge âi yu mem mansan.”

²¹ Otmu torokatmâ yuwu sâmunne nângânet. Nine topne teteâkgât den âlâen hâum yuwu sâmunne nângânet. Lok âlâŋe hâmbâŋe mem hanŋalakmâ tembe talam lâuakmâ yâhâm gem senŋe âlâlâŋe galemgumu âilonŋo tatbanŋimap.

²² Yawu gârâmâ kasaŋe lok sâtŋe kârikŋaŋe taka kum itit kiom bâleŋe tuhuwanŋiwuap otmuâmâ yâkât tembe talam, kapamgât senŋe âlâlâ, iri sikum, ya kerek mewanŋim ariwuap. Yakât dopŋeâk nâŋe weke bâleŋe amboyeŋe, Satan, mem ge katbom.

²³ Yakât otmâ yuwu sâmunê nângâjê. Lok buku ki otnihimainêâmâ kasa otnihimai. Yâhâ lok âlâ me âlânê ki tânnohomainêâmâ mâtâp manjunihimai dop yawu otmap. Yawu.”

Weke bâleŋaŋe weke bâleŋe nombotŋe dâiyekmu lok mângâeyekmai.

(Mataio 12:43-45)

²⁴ Yesuŋe den âlâ yuwu sâm ekyongop. “Nâŋe yeŋgât topyeŋe yu sâm pituŋgum heŋgeŋgumune nângâjê. Yeŋe yuwu nângâm tâpikgumai. “Nenŋahâk kuwihakmâ manman âiloŋgo manmâ yâhânom.” Yen yawu nângâm tâpikguai yakât otmâ den âlâen hâum yuwu sâwe. Weke bâleŋaŋe lok âlâ mângâemap ya gaiakmâ emet sondaŋângen ariwuap. Otmu lok ondopgâlen karakmâ mem bâlewe sâm yakât pâinmâ manbuap. Pâinmu biatmu yuwu nângâwuap. “O, emelâk lok âlâ mem mângâeminiwan. Gârâmâ lok yamâ ninahâk gaiakmâ tohowan. Yawu gârâmâ âlâkuâk âwurem ari lok yâkâlenâk karakbom.” ²⁵ Yawu sâm âwurem ari ekmâ yuwu sâwuap. “Bâe, lok yuâmâ heŋgemahom mansap. Nâhât wâtne tipine. Yakât otmâ weke bâleŋe nombotŋe wâtyeŋe pato tap ya ari meyekbom. Ari meyekmune taka orowâk lok yu mângâenom.” Yawu sâop.

²⁶ Yawu sâm ari weke bâleŋe bât nombotgen yâhâp ya meyekmu taka lok angoân hâhiwin kakŋan manop yamâ witgum mângâeŋetâ umatŋe dondâ tetewangimu manbuap. Yakât otmâ yuwu sâmunê nângâjê. Yeŋe yeŋahâk heŋgemahom man-nomaihât dop âlâ ki tap.” Yawu sâop.

27 Yesuŋe den yawu sâŋ ekyongomu nâŋgâŋetâ lohimbi hohetyeŋan imbi âlâ kinop yaŋe yuwu sâŋ ekuop. “Den eknongoat ya nâŋgâmune ewe membe oap. Yakât otmâ âi mem mansat ya mâmâhaŋe ekmâ gâhât tepŋe heroŋe nâŋgâhihim mepaehekmâ mansap yawu nanŋan.”

28 Sâmu sâop. “Âlepŋe yat yamâ Anitâhât den nâŋgâŋetâ bulâŋe otmu lâum manmai yaŋeâmâ heroŋe kakŋan mannomai.” Yawu sâop.

*Yesuŋe kulem âlâ tuhuâkgât Parisaioŋe ekuwi.
(Mataio 12:38-42 Mareko 8:12)*

29 Yesuŋe kulem âlâ tuhumu eknehât nâŋgâm lohimbi kiŋgitŋe orowâkŋe Yesuhâlen ari mem hawam mewam tuhuwi. Yawu otŋetâ yuwu sâŋ ekyongop. “Yeŋe yuwu otŋetâ ekmune bâlemap. Yeŋe biwi yâhâp otmâ kulem wit-gumâk memune eknehât nâŋgâmai. Yâhâ nâmâ kulem konohâk memune eknomai. Yuwu sâmunne nâŋgâŋet. ³⁰⁻³² Anŋoân poropete âlâ, kutŋe Yona sâŋ, yâkâlen kulem âlâ tetemu Niniwe kapi ambolipŋaŋe ekbi. Yakât dopŋeâk nâhâlen kulem âlâ tetemu eknomai. Yakât den âlâ sâwe. Anŋoânâmâ lok âlâ, kutŋe Solomon sâŋ, Dawiti nanŋe, ya nâŋgân nâŋgânŋe pato tatbaŋgiop. Otmu yâkât kut patŋe ya emelâk sâŋ haŋ tuhuŋetâ arimu imbi pato âlâ kapi kâlepŋehen manopŋe nâŋgâop. Nâŋgâm yanâmâ ekbe sâŋ tohop. Yakât sâmunne nâŋgâŋet. Solomongât nâŋgân nâŋgân pato tatbaŋgiop. Yawu gârâmâ nâmâ Solomongât kunŋe mansan. Otmu nâŋe kapi kâlepŋehen ki mansan. Hohetyeŋan manmâ den kâsikum yinŋim mansan. Yamâ yeŋeâmâ nâhât den nâŋgâŋetâ nahat otmap.

Yakât otmâ mem ge katnekne sâ m oai. Yakât otmâ hâmbâi sâ patoen imbi pato yaņeâmâ lok senyeņan yahatmâ kinmâ yeņe nâhât den kum mansai yeņgât topyeņe sâ m tetemu aņulaknomai. Yawu otņetâ Anitâņe yakât matņe âlâku ikņeâk ikņeâk yiņgiwuap.

*Sennenņe yamâ lambehât laņinņe yakât dop oap.
(Mataio 5:15 Mataio 6:22-23)*

³³ Yesuņe den âlâen hâum yuwu sâ m ekyongop. “Nenņe emet kâlehen tatmâ lambe saum tunņun ki katmain. Gârâmâ helenâ gâitmunņe kinmâ sem laņinņe pilâmu ekmâ gem yâhâmain. ³⁴ Senyeņe yamâ lambe laņinņe yakât dop oap. Senyeņe âlepņe tatmu yanâmâ ekmâ gem yâhâmai. Yâhâ senyeņe bok sâwuap yanâmâ mâtâp tâpikgum hewukņan kioņnomai. ³⁵ Yakât otmâ yuwu sâ mune nâņgâņet. Biwiyeņan Anitâhât laņinņe pilâmap ya bok sâmapgât biwi nâņgân nâņgânyeņe galemahom manman âlepņeâk manmâ yâhânomai. ³⁶ Yawu manmâ yâhânomai yanâmâ lambeņe sem laņinņe pilâmu emet biwiņe haņ sâmu ekmâ tatmai yakât dop otbuap.

*Parisaioņe otminiwi yawu ki otmâ mannom.
(Mataio 23:1-36 Mareko 12:38-40 Luka 20:45-47)*

³⁷ Den yawu sâ m tiņ pilâmu Parisaio âlâņe Yesu dâim emetņan yâhâop. Yan yâhâ Parisaio otmu Mosehât girem den kâsikum yiņgiminiwi yâk orop sot newi. ³⁸ Yawu gârâmâ aņgoân Yesuņe bâtņe ki piriahop. Sot ya inâk mem nemu ekņetâ sâtņe otmu pârâk pilâwi. ³⁹ Pârâk pilâņetâ Yesuņe yuwu sâ m ekyongop. “Parisaio

yenġât topyeġe teteâkgât den âlâen hâum yuwu sâmunen nânġâġet. Imbi âlâġe amanġ mem hâkġeâk pirimu biwiġan sot wahapġe yawuâk tatbuap. Yakât dopġeâk yeġe bukulipyenġe yekġetâ yahalâkgât hâkyenġeâk piriakmai. Yawu ġârâmâ manman bâleġe, me orotmemeyenġe kiġgonġ ya biwiyenġe nânġâmai. Yawu nânġâġetâ yanġe mem bâleġe tuhuyekmap. ⁴⁰ Yenġât topyeġe yawu tap yamâ ki enakmâ nanġanġimai. Anitâġe lohimbikândikyotġop yan hâkyetġe biwiyetġe yâhâp yâhâp ya katyitġiop. ⁴¹ Yakât otmâ anġoân yeġe biwinânġân nânġânyenġe ya sâmpitiaknomai. Yawu otnomai yanâmâ hâkgât wahap wuân me wuânġât nânġâġetâ tâġât otbuap. Yâhâ yawu ki otnomai yamâ yiwerenġe umatġe teteyiġim ġap yu wangim umatġe pato teteyiġiwuap.

⁴² Parisaio yenġeâmâ nânġâm tâpikġumai. Yenġeâmâ wahap tâġât, hote, ġitâk, wahap yawuya mem ketetmâ bâlâk ġerek osetyenġan konok ya mem Anitâhât pat kuwanġimai. Yâhâ Anitâhât den ekyongomu kulemġuwi yamâ loġġemai. Loġġem yan yuwu otmâ mansai. Lohimbi yenġât den sâmhâreyiġimai yan Anitâġe nânġâmu ârândânġ olâkgât ki nânġâmai. Yawu otmâ den tâġ tâġâk ki sâmhâreyiġimai. Otmu buku nombotġe yenġât weyeġe ki nânġâm tânyongomai. Yakât otmâ hâmbâi Anitâġe matġe umatġe yiġiwuap.

⁴³ Yeġe miti emetġan yâhâ lohimbisenyenġan ewanâk tatnehât nânġâmai. Otmu lohimbihawamyongom tatmaiġe nenekġetâ yahatmu mepaenenekġetġât nânġâmai. Yawu otmâ manġetâ ya ekmune bâleap. ⁴⁴ Parisaio yenġât

topyeņe teteâkgât den âlâen hâum yuwu sâwe. Emelâk lok muņetâ hanyongowi ya yeņgât sum kakņambâ ki nâņgâmâk bam gamai.” Yawu sâm ekyongop.

⁴⁵ Yawu sâm ekyongomu Mosehât girem den kâsikum yingiminiwi hohetyeņan gâtņe lok âlâņe yuwu sâm ekuop. “Bawapi, gâņe Parisaio lok den sâyiņgiat yaņe nen gurâ yawuâk meneneksap.”

⁴⁶ Sâmu sâop. “Nenņe yeņgât amutgen manmâ yu ya otnehât den undipņe topņe topņe sâm ningimai. Yamâ yeņeâmâ denyeņe ya ki lâum watmai. Den sâm ningiņetâ umatņe kakņan manmain. Yawu manmunņe biwinenņe mem huruņ pilâninginehât ki tânnongomai. Yakât otmâ Anitâņe matņe umatņe yingimu menomai.

⁴⁷ Yeņeâmâ yuwu sâmai. “Poropete lok mum gawi ya yeņgât sumân awu tawu kâmetmunņe banņan sâm sekņe âlepņe otmâ imap.” Yawu sâmai. Yamâ yeņgât tâmbâlipyenāņe poropete lok ya yongonjetâ muwi. ⁴⁸ Yakât yuwu sâmune nâņgâņet. Tâmbâlipyenāņe poropete yongonjetâ muwi ya yeņgât sumân yeņe awu tawu kâmetmâ galemgumai. Yawu otmâ yongowi yakât nâņgâņetâ ârândâņ oap yawu yeksan. ⁴⁹ Otmu pepa âlâ, kutņe “Anitâhât nâņgân nâņgânņe” sâm, yan den âlâ yuwu kulemguwi tap. “Hoņ bawalipne nombotņe âi sâm yingimune yeņgâlen taka Anitâhât topņe kâsikum yingim mannomai. Yamâ yeņe nâhât den pat bialâkgât nombotņe mem âlâlâ tuhuyeknomai. Yâhâ nombotņe âlâmâ yongonjetâ munomai.” Den yawu tap. ⁵⁰ Yakât yuwu sâwe. Emelâk Anitâņe ikņe poropete

hângânyongomu denŋe lâum manmâ gawi ya gurâ yawuâk tâmbâlipyenŋe nâŋgâm bâleyiŋgim yongom mem ge katyekbi. Yakât huhopŋe ya yeŋe menomai. Yakât topŋe nâŋgâŋetâ keterahâkgât yuwu sâwe. ⁵¹ Embâŋân topŋe katmâ tâmbâyeŋe lok âlâ, kutŋe Awe sâŋ, ya atañe kumu muop. Otmu poropete âlâ, kutŋe Sekaraia, yamâ opon kâmbukŋan yâhâ hotom um bam gam kinmu yanâk kuŋetâ muop. Yawu gârâmâ Awe kumu muop yapâek manmâ gam poropete kerek yongoneta muwi yakât huhopŋe ya yeŋe menomaiâk.

⁵² Mosehât girem den kâsikum ningimai yeŋeâmâ Anitâhât den kurihinetâ tap. Yeŋeâmâ Anitâhât hâkâŋ otmâ yâkât den nâŋgâm hâum pâpgumai. Yawu otmâ lohimbî nombotŋe yâkât den nâŋgâm tem lâuwanŋine sâŋ otmâ ya yeŋgât mâtâp maŋguyiŋgimai. Yawu otmâ yakât nâŋgâmune bâleap. Yakât otmâ umatŋe topŋe topŋe teteyiŋgiwuap.” Yawu sâŋ ekyongop.

⁵³ Yawu sâŋ ekyongom emelambâ gem ar-iop. Sâp yakât kakŋan Parisaio otmu Mosehât girem den kâsikum yiŋgiminiwiŋe Yesuhât nâŋgâm bâlewanŋim sâŋ ge katbi. ⁵⁴ Otmu den sâŋ hilipgumu nâŋgâm den âiân katne sâŋ yu yakât âi pâi tuhum gawi.

12

*Nimbilam yâhâp ki otnom.
(Mataio 10:26-27)*

¹ Otmu lohimbî kiŋgitŋe orowâkŋe Yesuhât den nâŋgâne sâŋ taka pâŋ sâwi. Taka pâŋ sâŋ Yesu hon bawalipŋe mem awawi guwawi tuhuyekbi. Yawu

otmâ kinjetâ Yesuņe hoņ bawalipņe yuwu sâm ekyongop. “Parisaio yâk yeņgât matuk keluņaje mem bâleyekmapgât galem oranġim mannomai. Parisaio yamâ nimbilamyeņe yâhâp otmâ topyeņe kurihiakmâ manmai. ² Yakât otmâ ya yeņgât den âlâ yuwu sâmune nâņgâņet. Tihângen wahap yu me ya otmâ gai. Ya ki tik tatbuap. Hâmbâi tetekņan tetemu eknom. Yâhâ yu me ya otmâ kurihiakmai. Ya gurâ tetekņan tetemu eknom. ³ Yakât otmâ yuwu sâmune nâņgâņet. Yenâmâ nâ orowâk manmain. Yawu gârâmâ den nombotņe nenņiâk tatmâ ekyongoman ya hâmbâi yeņe lohimbi ekyongonjetâ nâņgânomai.

Anitâņe wawaeneneksap.
(Mataio 10:28-31)

⁴ Yesuņe torokatmâ yuwu sâm ekyongop. “Lok senyeņan kinmâ den ekyongonjetâ nâņgâņetâ nahat otmu yen nombotņe yongonjetâ munomai. Yongonomai yamâ umut biwiyeņe ki hilipgunomai. Lok topnenņe yawu tap. Yakât otmâ ya yeņgât ki kiņgityeņahât otnomai. ⁵ Yâhâ Anitâhât topņeâmâ âlâ tap. Hâmbâi mâne yâkņe konok umut biwiyeņe hilipguwuapgât dop tap. Yakât otmâ yeņe yâkât den konok lâum mannomai.

⁶ Otmu yakât âlâ sâwe. Anitâhât den lâum manmain nen haonmâ ârândâņ yâkņe tihitnenņe otmap yakât topņe nâņgâņetâ keterahâkgât den âlâen hâum yuwu sâmune nâņgâņet. Gironġ gironġ ekmain yamâ nâi tâņgât. Yamâ ki galemgumain. Yawu gârâmâ gironġ gironġ âlâ mumbuap yakât topņe himbim amboņaje emet inânņan nâņgâmu tap. ⁷ Yawu gârâmâ nenâmâ gironġ gironġ yakât

dop bia. Nenâmâ Anitâ ikne kundenje towat manmain. Yawu otmâ Anitâje topnenne kerehâk nanġap. Somotnenne tipi tapi yakât topne gurâ nânġâmu tawâk. Yâkne tihitnenne otmap. Yakât nânġâm biwi yâhâp ki otmâ manmâ yâhânom.

*Topnenne ki kurihakmâ Yesu betbaŋinom.
(Mataio 10:19-20,32-33 Mataio 12:32)*

⁸ Lohimbi âlâ me âlâje “Yesuhâlen biwinaje kepeim tem lâuwanġim mansan,” yawu sâm lohimbi ekyongonomai yâhâmâ hâmbâi nâ lok bulâñaje himbim awonñahât aŋelolipje yengât senyeñan kinmâ topyeje sâm tetemune Anitâje manman kârikñan katyekbuap. ⁹ Yâhâ lohimbi âlâ me âlâje “Nâ Yesu ki nânġâwanġian,” yawu sânomai otmuâmâ nâku lok bulâñaje himbim awonñahât aŋelolipje yengât senyeñan kinmâ “Nâ ki nânġâyinġian,” yawu sâwom. Lohimbi yawu otmai yañe matñe umatñe menomai. Yawu.

¹⁰ Yakât otmâ den âlâ torokatmâ yuwu sâwe. Anitâje âi sâm nihim hânġânnohomu gewan. Yawu gârâmâ lok âlâ me âlâje nâhât nânġâñetâ tâñât otbuap. Me nâhât nânġâñetâ giâkgât lohimbi kendâyinġinomai. Orotmeme yawuya ki witgum mannomai otmuâmâ ya yengât tosa yamâ Anitâje pilâyinġiwuapġât dop tap. Otmu torokatmâ sâwe. Lok âlâ me âlâje Anitâhât Wâtġât mâmâñahât Heakne yu me ya otbuap ya ekmâmâ yuwu mon sâwuap. “Bâe, âi yukât amboñe yamâ Satan.” Yawu sâm yan âi ya ekmâ Satangâlen gâitbuap. Yawu otmâ yâhânomai ya yengât Anitâje pilâyinġiwuapġât dop âlâ ki tap. Lok yawuyane tosa pato menomai.

11 Otmu den âlâ sâmunne nângânet. Yeje galem tinjâk oranjim mannomai. Kasalipyenaje nâhât den pat âlepje nângânetâ nahat otmu yen meyekmâ miti emetjan me kiap yengâlen ari den âiân katyekmâ âi pâi tuhuyeknomai. Yawu otyinginetâ “Den mâtâpje girawu watmâ sâm ekyongomunje nângânetâ keterakyingiwuap,” yawu nângâm ki gorâyingiwuap. 12 Sâp yanâmâ Awonnenjaje ikje Wâtgât mâmânjahât Heak hângângumu ge den âlâlâ nângân nângânyenan katmu nâhât den pat âlepje sâm kusânmâ ekyongonomai.

Senje âlâlâ yakât nângâmunje yahatbuap.

13 Lohimbi kinbi ya yengât hohetyenambâ lok âlâje Yesu yuwu sâm ekuop. “Lok pato, sâmunne nângâ. Awonnetjahât bâte bâte ya atanaje iknjiâk mem alitmâ mansap. Yawu gârâmâ gâje ekurâ nombotje hionmâ nihiâkgât nanjan.”

14 Sâmu sâop. “Nâje yet galemyotgom manbehât lok kunnennaje ki sâm nihiop. Yakât otmâ imbiâk nâhâlen ga den ya eknohoat. 15 Yakât otmâ yuwu sâmunne nângânet. Senje âlâlâ me iri sikum ya Anitâje biwinenjahât ki sâm katningiop. Yamâ hâknennjahât sâm kalop. Yawuhât bukulipnenje iri sikumyene orop manmai ya yekmâ tep bâle ki nângâyinginom.”

16 Yawu sâm den âlâen hâum yuwu sâop. “Lok kutdâ âlâhât kalamân siwit kehetje pato teteop. 17 Yawu otmu biwinaje yuwu nângâop. “Siwit kehetje pato tap yu mem emet girawuân katmune tatbuap? 18 Yuwu otbom mon? Emet tipje siwit kehetje katman ya kândonmâ pato tuhum

yan siwit kehetje katmune tatbuap. ¹⁹ Katmune tatmu yanâmâ hop sambe kakņan manmâ heronje maronje nângâm manmâ yâhâwom.” ²⁰ Yawu sâmu Anitâņe yuwu sâm ekuop. “Gâ kopa. Omonđâņe mumbuat. Yakât otmâ iri sikumge wawaerâ tatgihimap ya lok âlâņe membuap.” Yawu sâop.

²¹ Yâhâ den ekyongoan yukât topņe yuwu tap. Lohimbiņe iri sikumyenahât tepyeņe umatņe otmâ mansai ya yeņgât Anitâņe nângâmu bâlemap. Yakât otmâ muņetâ pesuk sâmap.” Yawu sâop.

Anitâņe tihitnenņe otmap. Yakât otmâ ki gorâningiwuap.

(Mataio 6:25-34)

²²⁻²³ Yawu sâm lohimbi ekyongom benņe hoņ bawalipņe yuwu sâm ekyongop. Senņe âlâlâ me iri sikumyeņe yakât ki nângâņetâ yahatbuap. Manmanyenahât bulâņe yamâ umut biwiyeņe. Yâhâ yeņgât manman yamâ Anitâņe emelâk senņe âlâlâ lâtâkuyiņgimu manmai. Yakât otmâ yuwu ki nângânomai. “Nenņe sot wosapâ ba mem tetenom? Me iri sikum me âlâlâ ya girawu mem tetem manmâ yâhânom.” Yawu ki sâm biwi yâhâp otmâ gorâ kakņan mannomai. ²⁴ Yawu gârâmâ den âlâen hâum yuwu sâmune nângâņet. Kembâ ekmain. Yâhâmâ âi kalam ki tuhumm hâhiwin nângâmai. Yamâ himbim amboņe haonmâ ârândâņ sot yiņgimap. Yenâmâ nâihât dop ki mansai. Yenâmâ lok. Otmu yen gurâ yawuâk Anitâņe haonmâ ârândâņ tânyongom gamap. ²⁵⁻²⁶ Yawu gârâmâ yeņahât girawu mannom sâm yakât ki nângâm kiwiliņ otnomai. Yeņe wâtyeņan torokatmâ manmâ

yâhânomaihat dop âlâ ki tap. Yawu otnomai yan hâum pâpgunomai.

Yakât topne yuwu sâmune nângânet. ²⁷ Hahop ekmain. Hahop yamâ titi pan pan pilâmu ekmunne âilongo longo otmap. Yâhâ emelâk lok kutdâ âlâ, kutne Solomon sâm, yâkne hâk katipne kulem melem mânunakmâ manop. Yane hahop surine sekne âlepne tetemap yakât dopne ki miop. ²⁸ Yâhâ hahop surine ekmunne âilongo otmap. Yawu gârâmâ ikjahâk ki yahatmâ titi pan pan otmâ kuririn sâm kinmap. Anitâne nângâopgât yawu kinmap. Yiwereneâmâ tetem âilongo kinbuap. Yâhâ pek sâwuap yanâmâ hânân ge tâtuk sâwuap. Yenâmâ hahopgât dop ki mansai. Yenâmâ lok. Yakât otmâ biwiyenane yuwu ki nângânomai. “Anitâne pâlâmne otmâ ki tihitnenne otmap.” Yawu ki nângâm mannomai.

²⁹ Yakât yuwu sâmune nângânet. Bulânanâk Anitâne haonmâ ârândân tihitnenne otmâ yâhâwuap. Yakât biwi yâhâp ki otnomai. ³⁰ Yawu gârâmâ lok nombotne Anitâhât topne ki nângâmai ne sângum me iri sikum me senne âlâlâ yakât nângânetâ yahatmap. Yawu otjetâ ki ârândân otmap. Yakât otmâ otmaiân yeje ki torokatnomai. ³¹ Yejeâmâ lohimbi nombotnane Anitâhâlen biwiyenane kepeinet sâm yâkât den ekyongonetâ nângânomai. Yawu otmâ manjetâ himbim awonnenne topyene nângâmapne dopyenjan yingimu ki umburuk mannomai.

*Bukulipnenne tânyongonom.
(Mataio 6:19-21)*

³² Yakât otmâ yâkâlen biwiyenaje kepeim ki gorâyîngimu mannomai. Awoŋnenje Anitâje heronje nângâyîngim tihityenje otmâ yâhâmbisâp. Yawu otmâ hâmbâi mâne manman kârikŋan mem katyekmu manmâ yâhâmbisâi. ³³ Yakât otmâ senje âlâlâ tatyîngiap yamâ mem buku nombotje ki tatyîngiap ya kâsikum tânyongonomai. Yawu otŋetâmâ Anitâje yekmu ârândâŋ otbuap. Otmu himbimân mannomaihât pat kuyîngiop yakât bulâje yîngimu menomai. Otmu himbimân manman sânduhân mannomai yan talaŋe ki kumbuap, me selonje ki hârewuap, me ki bumbunguwuap, me kombo ki otnomai. ³⁴ Yawuhât Anitâhâlen biwi nângân nângânyenaje kepeim manŋetâ ârândâŋ otbuap.” Yawu sâm ekyongop.

Yesuje âwurem gewuap sâp ya ki nanŋain.

³⁵⁻³⁶ Yesuje den âlâ yuwu sâm ekyongop. “Yen biwi golâ otmâ mannomaihât den âlâen hâum sâmune nângâŋet. Hoŋ bawalipje yengât lok kutdâyenaje kapi kâlepŋehembâ âwurem taka emet hawiŋan kinmâ kotok kunmu nângâm in yawu gahatje mewanginomai. Yakât otmâ lambeyenje saum katŋetâ sem tatmu mambotbaŋginomai. ³⁷ Yawu otmâ mambotbaŋgim tatnomai yanâmâ âwurem taka mem teteyekmâ heronje nângâyîngiwuap. Heronje nângâyîngim itâje kâpekma katmu tatmu sot um yîngiwuap. ³⁸ Yâhâ omoŋ derepŋan kapi ambolipje kerekŋe aman pâlâmŋe inomai yanâmâ âwurem takawuap. Taka hoŋ bawalipje sen golâ otmâ mambotbaŋgim tatŋetâ mem

teteyekbuap otmuâmâ buku otyingiwuap. Buku otyingimu yâkņe heroņe nâņgâwaņginomai. ³⁹ Yen biwi golâ otmâ mannomaihât den âlâen hâum sâmunne nâņgâņet. Kapi âlâ me âlâhât kasalipyenāņe sâp girawuân taka yongom itit kiom tuhuyinginomai yakât ki ekyongomai. Inâk pârâk sân sânâk takamaihât kapi ambolipņāņe sen galem manmâ emet kapiyene galemgunomai. ⁴⁰ Yakât dopņeâk Anitāņe hâņgânnohomu âwurem gewom yakât sâp yeņe ki naņgai. Yakât otmâ biwi golâ manmâ mambotnihim yâhânomai. Yawu otnomai otmuâmâ âwurem gemune nekmâ heroņe nâņgânomai.” Yawu sâm ekyongop.

*Hoņ bawa âlepņe bâleņe yâk yetgât topyetye
(Mataio 24:45-51)*

⁴¹ Yesuņe yawu sâm ekyongomu Petoroņe yuwu sâm âikuop. “Kutdâ den âlâen hâum eknongoat yu nengâlâk yat me lok kerek nengât yat?”

⁴² Yawu sâm âikumu Yesuņe purik pilâwaņgim den âlâen hâum yuwu sâm ekuop. “Lok kutdâ âlâņe kapiņe pilâm kapi kâlepņehen ari kandi manmâ âwurem takawuap. Yaken ariwe sâm yan hoņ bawaņe âlâ galem sâm katmâ yuwu sâm ekuwuap. “Arimuneâmâ gâņe nep lok nombotņe galem-yongowuat.” Yawu sâm ekum pilâyekmâ arimu galem yaņe âi ya biwiņāņe mem galem-yongomu âiloņgo mannomai. ⁴³ Yawu otmâ galem-yongowuap otmuâmâ patoņāņe âwurem taka heroņe otbaņgiwuap. ⁴⁴ Yawu otbaņgim galem pato katmu ikņe senņe âlâlâņe yakât galem otbuap. ⁴⁵ Yâhâ purik pilâm sâmunne nâņgâņet. Hoņ bawa yaņe biwiņāņe yuwu nâņgâm âi ya hilipguwuap. “O, lok

kutdâne arap yuâmâ in yawu ki takawuap. Yamâ sâp kâlep manbuap yakâ. Yakât otmâ wongât nâņe âi yu membom?” Yawu sâm biwiņane pâlâmņe otmu ki galemyongom heņgeņguwuap. Yawu manmâ to kârikņe nem biwi hâlim otmu umatņe topņe topņe teteyiņgiwuap. Yawu otmâ lok bâleņe yeņgâlen torokatmâ ki orotņe otmâ manbuap. ⁴⁶ Yawu otmâ biwiņane pâlâmņe otmu manbuap yan patoņane pârâk sân sânâk taka kuk otmâ kum yaehen pilâmu ge hâhiwin nâņgâm yâhâmbisâp.

⁴⁷ Yakât topņe yuwu sâmunne nâņgâņet. Lohimbi nombotņane nâhât den nâņgâm heņgeņgunomai yanâmâ yakât nâņgâņetâ gemu betbaņginomai. Yawu otnomai yakât matņe Anitâņe matņe amokņan yiņgimu menomai. ⁴⁸ Yâhâ lohimbi nombotņe âlâņeâmâ nâhât den nâņgâm pâpgumai yaņe otņetâ bâlemap yâhâmâ Anitâņe matņe kakņeâk yiņgimu menomai. Yakât otmu yuwu sâmunne nâņgâ. Lok âlâ me âlâ âi sâm yiņgimune ya tuhum heņgeņgunomai ya yeņgât nâņgâmunne ârândâņ otbuap. Yâhâ lok âlâ me âlâ âi pato sâm yiņgimune ya biwiyeņane tiņâk lâum tuhunomai ya yeņgât gurâ yawuâk nâņgâmunne ârândâņ otbuap.” Yawu sâm ekuop.

*Yesuņe giop yakât lohimbi hionakmâ mansai.
(Mataio 10:34-36)*

⁴⁹ Yesuņe den âlâ yuwu sâm ekyongop. “Anitâņe lohimbi yeņgât biwiyeņahât topņe nâņgâm kâsipyongom matņe âlâku ikņiâk ikņiâk yiņgimu menomai yakât hâņgânnohomu gewan. Yâhâ matņe yiņgimu meņetâ pesuk sâmbâp. ⁵⁰ Otmu umatņe âlâ tetenihimu hâhiwin nâņgâwom ya

tetenihim pesuk sâekgât nanġan. ⁵¹ Otmu den âlâ yuwu sâmunne nânġânet. Nâhât yuwu ki sânomai. “Nâhât yamâ buku konok otnehât himbimâmbâ giop.” Yawu ki sânomai. Nâne hânân gewan yakât yen hionaknomai. Hionakmâ yuwu oraġginomai. ⁵² Lohimbi nanne baratne mome manmainne hionakmâ komot yâhâp otnomai. Komot âlâhât yâhâp, âlâhârâmâ kalimbu yawu otnomai. ⁵³ Âwâ nan me mâmâ barat kuk oraġim hionaknomai. Otmu iranne iranne ya gurâ yawuâk kuk oraġim hionaknomai.” Yawu sâm ekyongop.

Yesune kulem âlâlâ tuhuop yakât topne hâum pâpġuwi.

(Mataio 16:2-3 Mareko 8:11-13)

⁵⁴ Yesune hoġ bawalipne yawu sâm ekyongomâmâ benne lohimbi kinbi ya yuwu sâm ekyongop. “Op surumbup memuâmâ yuwu sâmai. “Gelâk gewe sâm oap”. Sânetâ yawu otmap.

⁵⁵ Otmu elem tok sâwe sâm otmuâmâ yuwu sâmai “Sikop kumbe sâm oap.” Sânetâ yawu otmap.

⁵⁶ Yen lok perâkne. Yene elem kulewonboġ yakât topne ekmâ nânġâm heġġeġguai. Yâhâ nâne kulem âlâlâ memune eksai yakât topneâmâ girawuhât ki ekmâ nânġâm heġġeġguai?

⁵⁷ Wongât eġatyeneâk otmâ orotmeme âlepne me bâlene ya ki ekmâ kiwilim mansai? Yen lok perâkne yakâ.”

Den sâm tetem kaok nanġaġginom.

(Mataio 5:25-26)

⁵⁸ Bukulipyene âlâ me âlâne kuk otyiġim den âiân katyekne sâm dâiyekmâ kiapgâlen arinomai. Yamâ mâtâwânâk ari sâm tetem

kaok nanğanjinomai. Yâhâ yawu ki otnomai yamâ kiapgâlen ari den sâm tetenjetâ yâkņe mem pâi emetņan katyekbuap. Pâi emetņan katyekmu tatmâ yeņe ombeyeņeâk yaihen ki genomai. ⁵⁹ Kiapņe pâi emetņan tatnomai sâm sâp katyiņgiwuap ya pesuk sâmu yanâmâ genomai.” Yawu sâm ekyongop.

13

Anitâhâlen biwinenņane kepeim mannom.

¹ Yawu sâm ekyongop sâp yanâk lok nombotņane Yesuhâlen ari den pat yuwu sâm ekuwi. “Galilaia ambolipņane noniņ bulimakao gâim Anitâhât hotom uwi sâp yan kiap âlâ, kutņe Pilato sâm, yâkņe tembe lâulipņe hâņgânyongomu Galilaia ambolipņe yongonjetâ hepyeņe gemu noniņ bulimakao hepņe orop oset guset olop.” ² Yawu sâm ekuņetâ yuwu sâm ekyongop. “Pilatoņe tembe lâulipņe hâņgânyongomu yawu yongowi yakât yuwu mon sâmai. “Muwi yeņgât tosa bâleņe yaņeâmâ Galilaia lok ondop yeņgât tosa ya wangim amokņan miap.” ³ Yawu ki tap. Yawu gârâmâ yeņe orotmemeyeņe bâleņe ki pilâm Anitâhât den lâunomai otmuâmâ yawuâk matņe yiņgimu menomai. Otmu yakât den âlâ torokatmâ sâmune nâņgâņet. ⁴ Yerusalem kapi ambolipņe kâi nombotgen kalimbu Siloam hem topņan kinņetâ kândun kum ge kurihiyehop ya yeņgât yuwu ki sânomai. “Tosayeņe bâleņe yaņeâmâ Yerusalem kapi ambolipņe nombotņe yeņgât tosayeņe wangiop. Yakât otmâ hân ya kândun kum ge kurihiyekmu muwi.” Yawu ki tap. ⁵ Yakât otmâ âlâku

sâmune nângâñet. Yeñe orotmemeyeñe bâleñe ki pilâm Anitâhâlen biwiyeñeñe kepeinomai otmuâmâ yengu yawuâk hiliwahonomai.”

⁶ Den ya sâm tiñ pilâm den âlâen hâum yuwu sâm ekyongop. “Lok âlâñe koset âlâ kalop. Koset ya pato otmâ bulâñe kinbuapgât sâpñe tetemu taka amboñeñe bulâñe hâuwe sâm ekmu bia olop.

⁷ Yakât otmâ kalam galemñe yuwu sâm ekuop. “Bulâñe hâuwe sâm ekmune biatmu yu yambu kalimbu oap. Yakât otmâ koset ya kârâm pilârâ ge iâk.” Yawu sâop.

⁸ Sâmu sâop. “Lok pato, pilârâmâ yambu yu inâk kinâk. Hâmbâi topñe lawitmâ pitimunñe yanâmâ bulâñe kinbuap. ⁹ Yâhâ ki kinbuap otmuâmâ kârâm pilâmune ge imbuap.” Yawu.”

Tatmâ nângâ nângâ sâpñan Yesuñe imbi âlâ henñeñguop.

¹⁰ Tatmâ nângâ nângâ sâp âlâen Yesuñe opon kâmbukñan yâhâm den kâsikum yingio. ¹¹ Den kâsikum yingio sâp yan imbi âlâ talop yamâ weke bâleñeñe mângâemu kun kândâtñe konok otmâ pareñe manmâ gamu yambuñe kâi nombotgen kalimbu pesuk sâop. ¹² Yesuñe imbi ya ekmâ kunñan mem yuwu sâm ekuop. “Imbi, yiwereneâk âlepñe otbuat.” ¹³ Yawu sâm kunñan mem kuwihakmâ tâñ tâñâk kinmâ Anitâ mepaeop.

¹⁴ Yâhâ Yesuñe tatmâ nângâ nângâ sâpñan imbi ya henñeñguop gârâmâ miti emetñahât galemñeñe galemñeñe nângâmu bâlemu lohimbi yuwu sâm ekyongop. “Nep tuhu tuhuhât sâpñe yamâ hilâm nombolân konok tap yan takañetâ henñemyongombâpgât dop. Yawu gârâmâ tatmâ

nângâ nângâ sâpñan imbi heñgenjuap yu ekmune dondâ bâleap. Ya ki orotñe.”

¹⁵ Yawu sâmu Yesune purik pilâwanjim yuwu sâop. “Bâe, yen lok perâkñe. Tatmâ nângâ nângâ sâpñe ârândâñ yeñe dongi bulimakaoyeñe pekeâmbâ holañyekmâ dâim ari to yinjinomaihât dop tap. Yawu gârâmâ dongi me bulimakao umutyene bia yakât nângâmune tâñât otmap. ¹⁶ Yâhâ imbi yuâmâ Awarahamgât senâmbâ gâtñe. Yawu gârâmâ Satangât weke bâleñeñe mângâemu pareñe otmâ manmâ gap. Nâñe tatmâ nângâ nângâ sâpñan heñgenjumune ki bâleap.” ¹⁷ Yawu sâm ekyongomu sâm ge katbiñe nângâm anulakbi. Yâhâ lohimbi inñeñe Yesune olop miop ya ekmâ herone otbanjiminiwi.

Bândup yakât topñe

(Mataio 13:31-33 Mareko 4:30-32)

¹⁸ Yesune yuwu sâm ekyongop. “Anitâhâlen biwiyenane kepeim manñetâ tihityene otmap yakât topñe teteâkgât wuân denân hâum sâmune nângânjetâ keterakbuap? ¹⁹ Yuân hâum sâmune nângânjet. “Nak âlâ kutñe bândup yamâ lok âlâne kehetñe âlâ mem ari kalamñan kalop. Katmu tatmu kâmñe ga takam yanak yâhâm kâlep pato otmu nâi wosapâ wosapâ taka awatñe kun kunñan kerem tatmai.” Yawu sâop.

Matuk keluñe yakât topñe

²⁰ Otmu torokatmâ yuwu sâm ekyongop. “Lok komotñe komotñe wosapâ wosapâ mansainje biwiyene nâhâlen katmâ tem lâunihinjetgât yeñe ari nâhât den pat âlepñe ekyongonomai. ²¹ Yakât topñe teteâkgât den âlâen hâum sâmune nângânjet.

Imbi âlâņe dâmbia golanġuwuap. Golanġumâmâ matuk mendâremu keluņe gemu dâmbia orop menduhumu ukenņe bâleņe otbuap. Dop yawu.” Yawu sâop.

*Himbimġât mâtâpņe yamâ ġâwik ġâwikņe
(Mataio 7:13-14,21-23)*

²² Yerusalem kapi pato yakât mâtâp arap ya hâlâņmâ kapi tipi tapi tap. Kapi yan ari Yesuņe Anitâhât den lohimbi kâsikum yingiop. ²³ Yawu otmu lok âlâņe yuwu sâm Yesu âikuop. “Lok pato, yuwu sâm âihohowe. Lok getek âlâ himbimân yâhânomai me girawu?”

²⁴ Sâmu sâop. “Himbimġât mâtâp yamâ ġâwik ġâwikņe. Yakât otmâ yapâ lohimbi sambeņe arine sâmâmâ hâmbiņ gumbiņ otmâ hâum pâpġunomai. Yakât otmâ yeņe mâtâp ya tâņ tâņâk watmâ arinomai. Yakât yuwu sâmune nâņġâņet. ²⁵ Nâ mâtâp amboņe. Yakât otmâ mâtâp maņġuyiņġimune lok dondâhâlâkņe arine sâm hâum pâpġum amutġen kinmâ yuwu sânomai. “Lok pato, nâņġâningirâ gane.”

Sâņetâ sâwom. “Nâ ki nâņġâyîņġian. Yen wonân?”

²⁶ Yawu sâm âiyongomune yuwu sâm eknohonomai. “ġâņe kapinennan taka tatmâ den kâsikum ningirâ orowâk tatmâ sot newin.”

²⁷ Sâņetâ sâwom. “Yen wonân? Nâ ki nâņġâyîņġian. Yeņe orotmeme bâleņe otmai. Yakât otmâ ariņet.” Yawu sâwom. ²⁸ Yâhâ hâmbâi mâne Anitâņe yen mem ketetyekbuap. Yawu otmâ Awaraham, Isaka, Yakop, otmu Anitâhât poropeteliņe tatmâ sot nem heroņe otbaņġinomai ya yekmâ yeņe tep bâle nâņġânomai.

Yawu otmâ hâhiwin nângâm hu halak tuhumbisâi.
²⁹ Yakât otmâ yuwu sâmune nângânet. Sâp yanâmâ lok topne topne, emetsenpe ga takamap yakembâ otmu purik sâmap yakembâ, otmu torehen torehen kingitpe orowâkpe taka menduhuakmâ nem herone otjetâ Anitâpe tihityepe otbuap.
³⁰ Yâhâ lohimbi nombotnape yejahâlâk nângânetâ yahatmap yape Anitâ orop ki tatnomai. Yâhâ nombotnape yejahât nângânetâ gemu huruŋ huruŋ manmai yamâ Anitâpe meyekmu iknan torokatnomai.

*Yesupe Herotgât sâop.
 (Mataio 23:37-39)*

³¹ Sâp yanâk Parisaio lok nombotnape ari yuwu sâm Yesu ekuwi. “Herotpe gohowe sâm oap. Yakât otmâ kapi yu pilâm âlâengen ari.”

³² Sânetâ sâop. “Sâp yuâmâ weke bâlepe watyekmâ mansan. Otmu kundat otmâ mansai ya heŋgemyongom mansan. Yâhâ hândâhân yuwuâk otbom. Yâhâ halihu nep sâm nihiop ya tuhum pesuk pilâwom.” Den ekyongoan yu Herot, lok perâkpe ya, ekunomai. ³³ Nâpe yuwu sâmune nângânet. Anitâhât poropetelipnape ikjahât den sâminiwi ya kerek Yerusalem kapi ambolipnape yongonetâ muwi. Yakât otmâ âun hândâhân âi tuhuwom. Gârâmâ halihuâmâ Yerusalem kapiân ari âi tuhum pesuk pilâwom.”

Yesupe Yerusalem kapi ambolippe yengât toppe nângâop.

³⁴ Yawu sâm ekyongom Yerusalem kapi ambolippe yengât teppe nângâm yuwu sâop. “Bâe, Yerusalem kapi ambolippe yengât topyeppe

yuwu tap. Yengâlen âi menjetgât Anitâne ikne honj bawalipne hângânyongomu takanjetâ yongom mem ge katyekmai. Yakât otmâ den âlâen hâum yuwu sâwe. Pâi mâmânaŋe kurâk sâm nanlipne dâiyekmâ kuratyongomu tatmai. Yakât dopneâk menduhuyekmune nâhât hikinane manjetgât sâman. Yamâ yeŋe nâhât hâkâŋ otmâ mansai. ³⁵ Yawuhât Anitâne betyongomu kasalipyenane taka yongom watyeknetâ kapi yu kâwurumnaŋak kinbuap. Yakât otmâ nâne pilâyekmâ ariwom. Benne sâp âlâen âwurem takamune nekmâ yuwu sâm eknohonomai. “Anitâ Kutdânenneŋe tihitnenne otbe sâm mat hângângohomu takat. Yakât otmâ biwinnenane herone pato nanŋain.” Yawu sâm eknohonomai.” Yesune yawu sâop.

14

Tatmâ nângâ nângâ sâpnaŋ lok âlâ bitâp tetewanŋiop ya Yesune walipgumu orok sâop.

¹ Tatmâ nângâ nângâ sâp âlâen Parisaio yengât kunyenane bukulpne nombotne Yesu orop dâiyekmu emetnaŋ yâhâ tatmâ sot newi. Nem tatbi yan Yesune otmâ hilipguwuap me bia yakât Parisaione ekmâ tatbi. ² Ekmâ tatnetâ lok âlâ bitâp pato tetewanŋiopne Yesu ekbe sâm yâhâop. ³ Yâhâmu Yesune ekmâmâ Mosehât girem den kâsikum yinŋiminiwi otmu Parisaio ya yuwu sâm âiyongop. “Tatmâ nângâ nângâ sâpnaŋ âi ki tuhunomgât Moseŋe girem den âlâ kulemguop. Yawu gârâmâ tatmâ nângâ nângâ sâpnaŋ lohimbî heŋgemyongowomgât dop tap me bia? Sânetâ nângâwe.”

⁴ Yawu sâmbâ aiyoungomu biwiyenje umatne otmu olotonjak tatbi. Olotonjak tatnetâ Yesunje lok ya bitapnan walipgumu orok sâmbâ emelambâ kionmâ ariop. ⁵ Arimuâmâ emelan tatbi ya Yesunje yuwu sâmbâ ekyongop. “Tatmâ nângâ nângâ sâpnan naom âlâ me bulimakao âlâ lâmbân kionmu ya pilânetâmâ lâmbânâk tatbuap me mem dâinetâ gawuap?” ⁶ Yawu sâmbâ aiyoungomu yawuâk olotonjak tatbi.

Hâknene ki mepaeaknom.

⁷ Yâhâ emet yakât biwinan Parisaio nombotnane yenhât nângânetâ yahatmu kou sennan yâhâ tatbi ya yekmâ den âlâen hâum yuwu sâmbâ ekyongop. ⁸ “Bukuyenje âlâne yen orowâk tatmâ sot um nenom sâmbâ dâiyekmu emetnan yâhâ kou sennanâk tatne yawu ki nângânomai. ⁹ Yâhâ lok papato nombotne yen orowâk dâiyekbuap yâkne kou sennanâk tatnomaihât nângâwuap. Yawu gârâmâ yenje kulet sâyingim kou sennan tatnomai yan lok papato takanetâmâ emet ambonane yen yuwu mon sâmbâ ekyongowuap. “Wa, bukulpne, yuâmâ yengât kawe bia, keteraknet.” Yawu sâmbâ aiyoungomu anulakmai-hât angoân yâhâmâmâ kou topnan tatnomai. ¹⁰ Yawu tatnetâ emet ambonane kundup mem kou sennan lingatbuap. Lingatmâ “gam yâhâ tatnet” sâmbâ aiyoungomu yanâmâ yâhâ tatnomai. Yawu otnetâ yanâmâ bukulpnyenane nângâyinginetâ âilongo otbuap. ¹¹ Yakât topne yuwu sâmbâ nângânet. Lok âlâ me âlâne yenhât nângânetâ gewuap ya yengât Anitanje nângâmu yahatbuap.”

12 Yawu sâmb ekyongom emet amboņe ya yuwu sâmb ekuop. “Kapi ambolipņe orop heroņe otmâ sot um nenom sâmb imi atalipge, me wârâ toulipge, me hep torehenlipge, me bukulipge, me lok iri sikumyeņe orop mansai ya ki dâiyeķmâ garâ sot nenomai. Yâhâ lok yawuya dâiyeķmâ garâ sot nenomai otmuâmâ hâmbâi yakât matņe sâmb dâiheķņetâ yâķ orop sot neņetâ pesuk sâwuap. 13 Yakât otmâ yuwu sâmbune nâņgâ. Gâņe heroņe otmâ sot um lok dâiyeķbuat otmuâmâ lok tâņġât, kopa, pareņe, senyeņe bok sâsâņe yawuya dâiyeķbuat. 14 Lok yawuya dâiyeķmâ băt belaiâķ sot um yingirâ nem heroņe otnomai. Yawu gârâmâ hâmbâi Anitâņe lohimbî mumuņambâ mem yahatnenekbuap yan iķņak yakât matņe gihiwuap. Yakât otmâ biwihanę heroņe nâņgâwuap.” Yawu sâop.

Himbimân heroņe otnomgât sâop.

(Mataio 22:1-10)

15 Yawu sâmb ekumu nem tatbi ya yeņgâlen gâtņe âlâņe den ya nâņgâmâmâ yuwu sâmb ekuop. “Anitâņe himbimân mannomgât pat kuningimu mansain. Yakât otmâ sâp patoen Anitâhât kapiân tatmâ sot nem heroņe otnom yakât nâņgâmbune tepne heroņe oap.”

16 Yawu sâmb ekumu den âlâen hâum yuwu sâmb ekuop. “Lok kutdâ âlâņe bukulipņe orowâķ heroņe otmâ sot um nenomai yakât sâp kalop. 17 Yâhâ sâpņe otmu yan soņgo bau me sot kâle topņe topņe um hâwurumu eņ âtâmun kinop. Ya ekmu ârândâņ otmu hoņ bawa âlâ hâņgângumu ari yâķât bukulipņe yuwu sâmb ekyongop. “Soņgo

bau sot kâle yamâ emelâk umunŋe siap. Yakât otmâ gaŋetâ heronŋe otmâ nenom,” yawu yap” sâm ekyongop. Ekyongomu hâkâŋ otbi.

¹⁸ Lok aŋgoân ekuop yaŋe yuwu sâop. “Nâmâ hân puluhuan ya ekbe sâm ariwom. Yakât otmâ lok kutdâ ya ekurâ ki nâŋgânihimu bâlewuap.” Yawu sâop.

¹⁹ Yâhâ âlâŋeâmâ yuwu sâop. “Bulimakao bâlâk ŋerek puluhumune kapi kâlepŋehen tap ya ari meyemâ takawom. Yakât otmâ lok kutdâ ya ekurâ ki nâŋgânihimu bâlewuap.” Yawu sâop.

²⁰ Yâhâ âlâŋeâmâ yuwu sâop. “Yiwereŋeâk imbi mian. Yakât otmâ ki gawom?” Yawu sâop. ²¹ Yawu sâŋetâ hoŋ bawa yaŋe âwurem ari lok kutdâŋe den sâwi ya ekumu nâŋgâmu bâleop. Nâŋgâmu bâlemu hoŋ bawaŋe ya yuwu sâm ekuop. “In yawu ari mâtâp kunŋan kinmâ lok umburuk, me lok pareŋe, me ândâpyeŋe bok sâsâŋe, me senyeŋe bok sâsâŋe, lok yawuya yuken yaken arine sâm oai ya ekyongorâ taka sot yu neŋet.” Yawu sâm ekum hâŋgângumu ari mem teteyemâ ekyongomu taka emetŋan yâhâ tatbi. Yâhâ tatŋetâ hoŋ bawaŋe yaŋe yâkâlen yâhâ yuwu sâm ekuop. ²² “Lok kutdâne, den yat ya oan. Otmu emelan yâhâ tai yamâ ki pik yai. Yakât otmâ girawu naŋgat?”

²³ Sâmu sâop. “Yakât otmâ âlâku ari lohimbi kewilâyekŋetâ mansai ya mem teteyemâ ekyongorâ takanomai. Takaŋetâ yanâmâ emetne pik sâwuap. ²⁴ Yâhâ bukulpne aŋgoân ekyongoat yamâ nâhâlen ki takanomai.” Yawu sâop.” Yesuŋe yawu sâm ekuop.

Manmannenje ki alitmâ manmâ yâhânom.
(Mataio 10:37-38)

²⁵ Lohimbi kiŋgitŋe orowâkŋe Yesu betŋan arinjetâ purik sâŋ yuwu sâŋ ekyongop. ²⁶ “Lok âlâ me âlâŋe nâhâlen torokatmâ orowâk mannom yawu nâŋgânomai otmuâmâ âwâ mâmâlipyenje, me imbi naomlipyenje, me imi atalipyenje, me wârâ toulipyenje betyiŋginomai. Otmu yenje manmanyenje ki alitnomai. ²⁷ Otmu lok âlâ me âlâŋe nâhât den lâum âi tuhuŋjetâ bukulipyenjaŋe nâŋgâm bâleyiŋgim hilipyongone sâŋ otnomai yanâmâ hâkyenje alitmâ betnihinomai. Lok yawuya nâhât pat ki otnomai. ²⁸ Yakât nâŋgâŋjetâ keterahâkgât den âlâen hâum yuwu sâŋmune nâŋgâŋjet. Lok âlâ me âlâŋe emet tuhune sâŋ angoân tewetsenŋe amon yaŋe senŋe âlâlâ puluhum emet ya tuhunomai yakât nâŋgânomai. ²⁹ Gârâmâ yawu ki otnomai otmuâmâ emet ya mem kânâŋgâŋjetâ tewetsenŋe biatmu pânjan pilânomai. Yawu otnomai yanâmâ lohimbiŋe emet ya torehenŋeâk kinmu ekmâ yakât den pat alahu gulahu otmâ senyenjan gem giriŋyiŋgim yuwu sâŋomai. ³⁰ “Lok yuŋeâmâ saran kânâŋgâŋjetâ giop yamâ tewetsenŋe biatmu pânjan pilâŋjetâ inâk tap.” Yawu sâŋomai.

³¹ Yâhâ den âlâen hâum yuwu sâŋmune nâŋgâŋjet. Lok kutdâ âlâ me âlâŋe kasalipyenje orop ahonomai yanâmâ in yawu yâk yenŋgâlen ki surutuk sâŋ arinomai. Yamâ angoân biwiyenjaŋe yuwu nâŋgânomai. “Nen yu getek âlâ, lok 10,000 yawu mansain. Yâhâ kasalipnenŋe endaken lok kiŋgitŋe orowâk, 20,000 yawu mansai. Yakât otmâ nenŋe yongonomgât dop ki otbuap.” ³² Yenjahât

yawu nângânomai otmuâmâ ki kundutmâ arinoma. Anjoân kasalipyene orop buku konok manne sâam hoŋ bawalipyene hângânyongoŋetâ ari mem lohotŋe tuhuyeknomai. ³³ Yakât otmâ yuwu sâamune nângâŋet. Yeŋgâlen gâtŋe âlâ me âlâŋe senŋe âlâlâyeŋe me iri sikumyeŋe kerehâk pilâm nâhâlen torokatnomai otmuâmâ nângâyinŋimune orowâk mannom.

Kâtembe yakât dop

(Mataio 5:13 Mareko 9:50)

³⁴ Yeŋgât topyeŋe teteâkgât den âlâen hâum sâamune nângâŋet. Kâtembe ihm solân hoŋmâ sot ya nemunŋe launenŋan memap. Yakât dopŋeâk yenâmâ lohimbi hohetyeŋan manmâ manman âilonŋo manŋetâ yekmâ Anitâ herone nângâwanŋim mepaenomai. ³⁵ Yâhâ kâtembe helenân ki hikum ikainom yanâmâ pâlâmŋe otbuap. Yawu otmu girawu tuhmunŋe âlâkuâk ukenŋe otbuap? Yamâ ki orotŋe. Pâlâmŋe sâam lâum pilâmain. Den yuâmâ biwiyenânâk katmâ manmâ yâhânomai.” Yawu sâop.

15

Lama âlâ gulip otbanŋimu ki pilâwuap yan hâum sâop.

(Mataio 18:12-14)

¹ Sâp âlâen takesi meme lokŋe yeŋahât nângâŋetâ yahatmu lohimbi kâityongom takesi mem yahatmâ kombo meyiŋiminiwi yâk otmu lok nombotŋe ândâp kârik otmâ Mosehât girem den ki lâum manminiwi ya dondâhâlâkŋe Yesuhât den nângâne sâam yâkâlen ariwi. ² Ariŋetâ yan Mosehât girem

den kâsikum yingiminiwi otmu Parisaio lok yâkņe nâņgâņetâ bâlemu Yesuhât yuwu sâwi. “Yesuņe takesi meme lok otmu lok nombotņe Mosehât girem den ki lâumai ya meyekmu orowâk sot niai. Yawu otmu dondâ bâleap.”

³ Yawu sâņetâ nâņgâm Yesuņe den âlâen hâum yuwu sâm ekyongop. ⁴ Lok âlâhât lama 100 yawu kinbanġiwuap. Gârâmâ ya yengât hohetyeņambâ konok âlâņe misiņgurakbuap. Yawu otmu amboņaņe nombotņe ya katyekmu kinņetâ konok misiņgurakbuap ya pâinmâ yâhâm gewuap. Yawu otmâ nombotņe katyekmu kinnomai ya yengât ki nâņgâm ketet otbuap. ⁵⁻⁶ Yâhâ misiņgurakbuap ya mem tetem yanâmâ tepņe welâmņan gemu lâum kapiân âwurem ariwuap. Kapiân âwurem ari bukulipņe yongonmâ yuwu sâm ekyongowuap. “Lama misiņgurahop ya mem tetean. Yakât otmâ sot um nem heroņe otne.” Yawu sâwuap. ⁷ Yakât dop kum yuwu sâmune nâņgâņet. Lok 99, yâkņe yuwu nâņgâmai. “Nen lok âlepņe, orotmemeneneņe âilonġo otmâ mansain.” Yawu nâņgâm biwi pâlâmņe mansai. Lok yawuya yengât Anitâņe heroņe pato ki nâņgâyingimap. Gârâmâ, lok konohâkņe orotmemeneņe bâleņe bet pilâm Anitâhâlen biwiņaņe kepeim tem lâuwanġiwuap yanâmâ Anitâņe heroņe pato nâņgâwanġiwuap. Yawu.”

Tewetsenņe kionbanġimu pâinbuap yan hâum sâop.

⁸ Yâhâ Anitâņe lohimbi meyekmâ tihityeņe otmap yakât topņe nâņgâņetâ keterahâkgât den âlâen hâum sâmune nâņgâņet. Imbi âlâ kina yâhâp yakât dop tatbanġiwuap. Yâhâ 20 toea

kionbanjimuâmâ ki pilâwuap. ⁹ Yakât pâinmâ arim mem tetem yanâmâ bukulpnje yongonmâ yuwu sâm ekyongowuap. “Wâe, tewetsenje kionnihiop ya mem tetean. Yakât otmâ heronje otne.” Yawu sâwuap. ¹⁰ Yakât yuwu sâmune nângânet. Lok konohâkne orotmemeje bâleje bet pilâm Anitâhâlen biwiñaje kepeim tem lâuwangiwiap yanâmâ himbimân Anitâhât anjelolipñaje lok yakât heronje nângâwanjinomai.”

Lok âlâ nanñaje iri sikum mem gulip tuhuopyan hâum sâop.

¹¹ Yesunje den âlâen hâum yuwu sâm ekyongop. “Lok âlâ nanyâhâtne yâhâp manbi. ¹² Manñetâ nanje betñan gâtñaje âwâje yuwu sâm ekuop. “Awoñ, senje âlâlâ nâhât sâsâje ya nihirâ miakbe.” Yawu sâmu senje âlâlâ yâkât sâsâje ya kâsikum wañmu miop. ¹³ Yawu otmu nanje ya nep tuhum getek manmâ, senje âlâlâ ya puluhum yakât hâmeje tewetsenje miakmâ mâtâp kâlewângen ariop. Ari heñ otmâ ihilâk mahilâk manmâ tewetsenje miakmâ ariop ya kerek pilâm metem umburuk manop. ¹⁴⁻¹⁶ Umburuk manop yan po pato teteop. Po pato tetemu naom yaje sotgât pâinmâ kapi ambonje âlâhâlen arimu bau galemguwuap sâm âi wañop. Bau galemgum kinop yan po dondâ wañgimu bau yakât sot wahapñe mem nembe sâm otmu kuwañgiwi. ¹⁷ Yawu otbaññetâ nângân nângânje tetemu yuwu nângâop. “Awoñnahât nep loklipñaje sot pato nem mansai. Nâ nanje tâñ tâñ yamâ yuân manmâ sotgât otmâ hiliwahowoman. ¹⁸ Yakât otmâ yahatmâ awoñnahâlen âwurem ari yuwu

sâm ekuwom. “Awoŋ, otmune bâleop yakât tosa Anitâhâlen otmu gâhâlen umatŋe oap. ¹⁹ Yakât otmâ aŋulaksan. Yawu gârâmâ nâŋgânihim nep lok sâm menekdâmâ hoŋ bahihim manbom.” Yawu sâm ekuwom.” Yawu nâŋgâop.

²⁰ Yawu nâŋgâm yahatmâ kapi ya pilâm akŋangen takamu âwâŋaŋe senŋe pilâm ehop. Ekmâ tepŋe nâŋgâm sururuk sâm ari nanŋe lâum hâmeŋe hârem niop.

²¹ Yawu otmu nanŋaŋe yuwu sâm ekuop. “Awoŋ, otmune bâleop yakât tosa gâhâlen otmu Anitâhâlen umatŋe oap. Yawu otmâ aŋun pato gihiwan. Otmu nâhurâ aŋulaksan.”

²²⁻²⁴ Yawu sâm ekumu âwâŋaŋe hoŋ bawalipŋe yuwu sâm ekyongop. “Nanne emelâk betnohom ariop ya âwurem takap. Yâhâ “emelâk muop mon,” yawu nâŋgâm manmâ gaman. Yamâ âwurem takamu ekmâ tepne hâlâlâk welâmŋan giap. Yakât otmâ in yawu ba hâk katipŋe âiŋe mem ga mânunŋaŋiŋet. Yawu otmâ handop âlâ mem barahanŋan katŋet. Otmu kâi katipŋe katbaŋiŋet. Nenŋe heronŋe otbaŋginomgât bulimakao nanŋe gâim unetâ siâk.” Yawu sâm ekyongomu bulimakao nanŋe gâim unetâ semu nem heronŋe otbaŋgiwi.

²⁵⁻²⁶ Heronŋe otbaŋiŋetâ yan nanŋe kunŋe yaŋe newângembâ taka kapi ginŋan kinmâ heronŋe maronŋe giriŋ get get otmâ kinbi ya nâŋgâm hoŋ bawa âlâ kunmu gamu yuwu sâm âikuop. “Wongât heronŋe otmâ tai?”

²⁷ Sâmu sâop. “Imihe ari gulip olop ya âwurem takap. Yakât otmâ âwâyetŋaŋe eknongomu buli-

makao nanŋe ya kum gâim umunŋe siap.” Yawu sâop.

²⁸ Yawu sâm ekumu nâŋgâm âwâŋahât nâŋgâm bâlewaŋgim kapi betŋehen kinop. Yâhâ hoŋ bawa yaŋe âwâŋe ekumu âwâŋaŋe ba kinmâ “Nan, ga,” sâm ekuop.

²⁹ Ekumu hâkâŋ otmâ yuwu sâop. “Nangat. Nâŋe tem lâuhihim âi mem manmâ gamune yambu dondâ pesuk yap. Yawu otgihiman yamâ gâŋe ki heronŋe otnihimat. Otmu noniŋ nanŋe âlâ ki nihirâ bukulipne orop um nem heronŋe otmain. ³⁰ Yawu gârâmâ nangaŋe senŋe âlâlâ hârok gâwârehihim ari imbi kondarâ orop manmâ tewet-senŋe pilâm meteop. Yâkŋe âun âwurem takamu hoŋ bawalipge ekyongorâ bulimakao nanŋe kum gâim unjetâ semu nem heronŋe otbaŋgiai. Yakât nâŋgâmune dondâ bâleap.”

³¹ Yawu sâmu âwâŋaŋe yuwu sâm ekuop. “Nanne, gâŋe nâ orop sâp kâlep manmâ gamat. Otmu senŋe âlâlâ tatnihiap ya gâhât pat sâm kuhihimune tap. ³² Yawu gârâmâ imihe “emelâk muop mon,” yawu nâŋgâm manmâ gan ya âwurem takap. Yakât otmâ heronŋe otbaŋgimunŋe ârândâŋ oap.” Yawu sâop.

16

Galemŋe senŋe âlâlâ mem ihilâk tuhuop yan hâum sâop.

¹ Yesuŋe hoŋ bawalipŋe den âlâen hâum yuwu sâm ekyongop. “Lok kutdâ iri sikumŋe tewet-senŋe otmu âlâlâ ya pato dondâ tatbaŋgiop. Yakât otmâ lok âlâ mem galemgunihiâkgât sâm âi waŋop.

Yawu gârâmâ lok yaņe lok kutdâņahât tewetsenņe mem gulip tuhuop. Yawu otmu lok kutdâ yakât hoņ bawalipņe nombotņeņe yakât den pat yuwu sâm ekuwi. “Lok âlâ galem sâm âi waņon yâkņe senņe âlâlâ mem ihilâk tuhuhihiap.”

² Yawu sâm ekuņetâ lok kutdâyeņe yaņe lok ya yuwu sâm ekuop. “Gâņe nâhât tewetsenņe mem gulip tuhunihiat” yawu sâņetâ naņgan. Yakât otmâ galem âlâku ki katgekbom. Yakât otmâ puluhu puluhu pepa ya mem garâ senņe âlâlâ tatnihiap yakât topņe mem tetewom.”

³ “Yawu sâm hâņgâņgumu ari biwiņeņe yuwu nâņgâop. “Lok kutdâne watnekbomap. Yakât otmâ giratbe? Wâtne pato ki tatnihiap. Yakât otmâ âi umatņe tuhuwomgât dop âlâ ki tap. Otmu senņe âlâlâ gewe yâhâwe yakât lok bât kandi bero manbom sâm yakât aņulaksan. ⁴ Yiwerenņe nâņgâmune teteap. Bukulipne yeņgât tosa pato lok kutdânahâlen tap ya mem gemune heronņe nâņgânihinomai. Yawu nâņgânihim lok kutdânaņe watnekbup yanâmâ menekņetâ orowâk man-nom.” Biwiņeņe yawu nâņgâop.

⁵ Yawu nâņgâm bukulipņe yeņgât tosa pato lok kutdâņahâlen talop yâk âlâku ikņiâk ikņiâk mem dâiyehop. Yâhâ aņgoân gaop ya yuwu sâm âikuop. “Gâhât tosa lok kutdânahâlen amon tap?”

⁶ Sâmu sâop. “Nak bulâņahât toņe ya âsâp 100.” Sâmu sâop. “Âlepņe toсахâhât pepa yu mem 50 ya kulemgü.”

⁷ Yawu sâm ekumu arimu lok âlâ gamu yuwu sâm âikuop. “Lok kutdânahâlen tosa amon tap?”

Sâmu sâop. “Siwit kehetņe ya itâ 1000.”

Sâmu sâop. “Tosahahât pepa yu mem 800 ya kulengu.”

⁸ Yawu ekyongop yakât den pat nângâm lok kutdâñaŋe galemŋe yakât nângân nângânŋe pato tatbaŋgiap nângâm heronŋe pato nângâwaŋgiop. Wongât? Yuwuhât. Anitâhât den ki lâumai nombotñaŋe iri sikumyeŋe galemgum manman sânduhân manmai yakât nângân nângânyenŋe pato tap. Yuwu otmâ Anitâhât den lâumai ya yenŋât nângân nângânyenŋe ya wangiap.

⁹ Yakât otmâ yuwu sâmune nângânet. Yenŋe Anitâhât tem lâuwaŋgim iri sikum, me tewet-senŋe, senŋe âlâlâ ya galemgum henŋenŋum lo-himbi yu me yakât umburuk oai ya kâsikum yinŋim tânyongonomai. Buku otyinŋim manmâ yâhânetâ hâmbâi sâp pesuk sâwuawân Anitâŋe manman kârikŋan katyekmâ yakât hâmenŋe yinŋimu menomai. Yawu.”

Âi tâŋât me âi pato yakât topŋe.

¹⁰ Yesuŋe den yuwu sâm ekyongop. “Lok âlâ me âlâŋe âi tâŋât biwiyenŋe tinâk lâum tuhum manmaineâmâ âi pato yawuâk biwiyenŋe lâum tuhum henŋenŋunomai. Yâhâ lok âlâ me âlâŋe âi tâŋât tuhum hilipgumaineâmâ yakât dopŋeâk âi pato tuhum hilipgunomai. ¹¹ Yakât otmâ yenŋe tewetsenŋe me hânŋât wahap topŋe topŋe yawuya ki galemgum henŋenŋunomai otmuâmâ hâmbâi Anitâŋe manman bulâŋe ki yinŋiwuap. ¹² Yâhâ bukulipyenŋe yenŋât senŋe âlâlâ hilipgunomai otmuâmâ Anitâŋe yenŋât pat kuyinŋiop ya hâmbâi ki yinŋimu menomai.

13 Yakât nângânetâ keterahâkgât den âlâen hâum yuwu sâmunen nângânet. “Lok konokne lok kutdâ yâhâp yetgât âi menduhum ki tuhuyitgiwuap. Âlâhât biwiņane kepeim herone kakņan tuhuwanņgiwuap. Yâhâ âlâhârâmâ hâkân kakņan nep ya ki tuhum henņenņuwuap. Yakât topne yuwu sâwe. Hângât manman me iri sikum yan biwiyeņe arimu manmaine girawu otmâ Anitâ tem lâuwannim mannomai? Yamâ ki orotne.” Yawu sâop.

Yesuņe Parisaio den ekyongop.

14 Yesuņe yawu sâm ekyongomu Parisaio nombotne iri sikumyeņe alilakmâ manbiņe nângânetâ gemu senņan gewi. 15 Senņan genetâ yuwu sâm ekyongop. “Lohimbiņe yeknetâ yahatmu koko salehâk mansai yawu sânetgât yeņe lohimbis enyeņan kinmâ Anitâhât den lâuain sâm otmai. Yamâ Anitâneâmâ yeņgât biwiyeņahât topne nanņap. Yu ya otmâ manmai ya lohimbis ekneta âlepne otmap yamâ Anitâne ekmu bâlemap.”

16 “Den âlâ sâmunen nângânet. Moseņe girem den âlâlâ kulemguoop otmu Anitâhât poropeteliņane den kulemguwi ya tadmâ gam Yoane teteop yan andemne oap. Otmu Yoane teteop sâp yapâek lohimbis Anitâhâlen biwiyeņane kepeinetâ tihiyeņe otbuap yakât den pat âlepne ekyongom gan. Yawu otmâ lohimbis kiņgitne orowâkne nângânetâ bulâne otmu yakât bulâne mene sâm oai. 17 Hân himbim gulip otbuapgât Anitâne sâm kalop. Yamâ Mosehât girem den ya kum gulip tuhunomgât dop âlâ ki tap.”

18 “Den âlâ sâmunne nângânet. Lok âlâ me âlâne imbiñahât hâkâñ otmâ pilâm imbi ondop membuap. Yamâ lok yañe tosa umatñe membuap. Yâhâ lok âlâ me âlâne imbi pilâ pilâne ya membuap ya yawuâk tosa umatñe membuap. Otmu imbi âlâne lok pilâ pilâne ya membuap ya yawuâk tosa umatñe membuap.” Yawu sâm ekyongop.

Lok iri sukumñe orop otmu lok umburuk ya yetgât den.

19 Yesuñe den âlâen hâum yuwu sâm ekyongop. “Lok kutdâ âlâ iri sikum tewetsenñe pato tatbañgiopñe yuwu otmâ manminiop. Hâk katipñe âilonço loñço hañgalakmâ hilâmñe hilâmñe sot topñe topñe nem hop sambe kakñan manminiop. 20 Yâhâ lok âlâ umburuk manop, yâkât kutñe Lasaro sâm. Yâhâmâ use kârikñe tete-wañgimu hâhiwin kakñan manminiop. 21 Yawu otmâ lok kutdâ yañe emetñan tatmâ sot nemu wahapñe gowelan kionço ya mem nembe sâm Lasaro emet gowetñan iminiop. Emet gowetñan im tatmu sosoñe taka useñe ya nimbilakuminiwi. 22 Sâp âlâen lok umburuk ya mumu Anitâhât añelolipñañe lâum yâhâ Awaraham gotñan katñetâ talop. Yâhâ sâp ki kâlep otmuâk lok kutdâ ya yawuâk mumu hanguwi. 23 Yâhâ mumu umutñañe hem topñan kâlâp sem talowân ge tatmâ hâhiwin pato nângâop. Yawu otmâ senñe pilâm Awaraham yet Lasaro yelehop.

24 Yelekmâ den kârikñan halahum yuwu sâm Awaraham ekuop. “Awoñ, yuwu sâmunne nângâ. Kâlâp kâlehen tatmâ hâhiwin bâleñe nañgan. Yakât

otmâ Lasaro ekurâ hâlipņaje to wâimâmâ nimbil-
amnan katmu sânduk sâek.”

²⁵ Yawu sâmu Awarahamņe yuwu sâop. “Nanne, yuwu sâmune nâņgâ. Emelâk herone otmâ hop sambe kakņan manon ya pesuk yap. Lasaro yâhâmâ hâhiwin kakņan manop ya gurâ yawuâk pesuk yap. Yakât otmâ tep hero kakņan tap. Gâmâ hâhiwin pato nâņgâm tat. ²⁶ Yâhâ hohetnennjan hem pato kinsap. Yakât otmâ yupâ gâtņe âlâ me âlâņe gâhâlen gene sâm hâum pâpğunomai. Otmu yeņgâlen gâtņe âlâ me âlâņe yuân gane sâm yawuâk hâum pâpğunomai.”

²⁷⁻²⁸ Sâmu sâop. “Awonņ, den âlâ sâmune nâņgâ. Kapinan imilipne mome mansai. Yâkņe yuân ge hâhiwin nâņgâmaiât Lasaro hâņgâņgurâ ari girem den ekyongomu nâņgân nâņgâņyeņe pâronņ sâekgât nanņan.”

²⁹ Sâmu sâop. “Yawu bia. Moseņe girem den âlâlâ kulemguop otmu Anitâhât poropetelipņaje den kulemguwi ya sâlikum nâņgâņomai. Nâņe ki hâņgâņgumune âwurem gewuap.”

³⁰ Sâmu sâop. “Awonņ, yuwu sâmune nâņgâ. Moseņe den kulemguop otmu Anitâhât poropetelipņaje den kulemguwi ya sâlikumai yamâ ki tem lâumai. Yakât otmâ muwi yâk yeņgâlen gâtņe âlâ me âlâņe mumuņambâ yahatmâ ari ekyongonomai otmuâmâ orotmemeyeņe bâleņe bet pilâm Anitâ tem lâuwanņginomai.”

³¹ Sâmu sâop. “Nanne, yuwu sâmune nâņgâ. Moseņe girem den âlâlâ kulemguop otmu Anitâhât poropetelipņaje den kulemguwi ya sâlikum nâņgâņetâ nahat otmu ki lâumai. Yakât otmâ muwi yâk yeņgâlen gâtņaje mumuņambâ yahatmâ ari

ekyongonomai otmuâmâ yakât dopņeâk yâkât den nângânjetâ nahat otmu ki lâunomai. Yakât otmâ ki hângângumune âwurem gewuap.” Yawu sâm ekuop.” Yesuņe den âlâen hâum yawu sâm ekyongop.

17

Tosa yakât topņe

(Mataio 18:6-7,21-22 Mareko 9:42)

¹ Yesuņe hoņ bawalipņe yuwu sâm ekyongop. “Lohimbi kerekņe lohotņe otmâ yuwu yawu otņetâ bâlemu tosa meņetgât Satanņe kendâyiņgimap. Otmu lohimbi âlâ me âlâņe bukulipyenāņe otņetâ bâleâkgât kendâyiņgimai yamâ Anitāņe matņe umatņe yiņgimu menomai. ² Yakât otmâ lohimbi âlâ me âlâņe bukulipyenē kendâyiņgiņetâ otņetâ bâlemap yâhâmâ māmâlipyenāņe ki mem ga katyekbâi yamâ mem ga katyekbi. ³ Yakât otmâ biwiyenē galemahom manmâ yâhânomai.

Bukuhe âlâņe bâleņe topņe topņe mângâehekmu ekurâ yetņiâk tatmâ den henņenņguromawot. Yawu otmutâ ârândân otmu buku konok mandomawot. ⁴ Yâhâ hilâm konok yakât biwiņan bukuhanē orot-meme kiņgoņ mângâehekmâ yahatmu nombolân yâhâpņe otbuap. Yawu gârâmâ mângâehekbuap ya sâm tetem tosaņe pilâwanņgiwuatgât ekgohowuap otmuâmâ âlepņe tosaņe pilâwanņgiwuat.” Yawu sâm ekyongop.

Yesuhâlen biwinenņāņe kepeinomgât sâop.

⁵ Yawu sâmu hoņ bawalipņāņe yuwu sâm ekuwi. “Kutdâ, den eknongomat ya kerek

nângâmunne yakât bulâne tetewuapgât nanğain. Yakât otmâ mem hewewen tuhunenekdâ gâhâlen biwinenņane tiņâk kepeim mannom.” Yawu sâwi.

⁶ Sânetâ yuwu sâm ekyongop. “Den âlâen hâum yuwu sâmune nângânet. Nak âlâ, kutņe bândup, yamâ lok âlâne kehetņe tipņe âlâ mem ari kalamņan kalop. Katmu tatmu kâmņe ga takamu yaņak yâhâm kâlep pato otmâ nak nombotņe wangim kinmap. Yakât dopņeâk nâhâlen biwiyenņe kepeim manmâ yâhâ lakop endo kinsap enda ekuņetâ denyenņe nângâm hindakmâ saruân kioņbuap.” Yawu sâop.

Nenņe Anitâhât nep mem yuwu otmâ mannom.

⁷ Den âlâen hâum yuwu sâm ekyongop. “Yeņgâlen gâtņe âlâ me âlâhât hoņ bawalipyenņe noniņ bulimakao galemğum nep tuhum emetsâpņan kapiân âwurem gaņetâ yuwu ki sâm ekyongonomai. “Emetyenņan yâhâ tatņetâ sot um yiņgiwe.” ⁸ Yawu bia. Yuwu mon sâm ekyongonomai. “Sot um nihiņetâ nemune ârândâņ otmu yeņe sot um nenomai.” Yawu sâm ekyongonomai. ⁹ Yakât yuwu sâmune nângânet. Lok kutdâlipyenņe hoņ bawalipyenņe nep sâm yiņgimai ya tuhunetâ ki mepaeyekmai. In nângâyiņgiņetâ ârândâņ otmap. ¹⁰ Yeņgât topyenņe yawu tap. Nep sâm yiņgimune ya tuhum pesuk pilânomai yan yuwu sânomai. “Nen hoņ bawa mansain. Nep sâm ningiop ya konok tuhumain.” Yawu sânomai. Yawu sâm ekyongop.

Lok hâk bâle teteyiņgiop ya Yesuņe heņğemyongop.

¹¹ Yesuņe Yerusalem kapiân ariwe sâm Galilaia hân tânâmņambâ arim yaņak Samaria hân hâlâņmâ

kapi bâñehen tap yan ariop. ¹² Yâhâ kapi ya ambolipñe lok nombolân imbât hâk bâle teteyingimu manminiwi. Otmu Samaria gâtñe lok âlâ hâk bâle tetewañgimu manminiopñe yâk yengâlen torokatmu lok bât nombot nombot hârok yawu otbi. Yâkñe Yesu ekmâ kâlepñehembâ kinmâ ¹³ den kârikñan yuwu sâm ekuwi. “Wâe lok pato, Yesu, gâñe nâñgâningihât nanñain.” Yawu sâwi.

¹⁴ Sâñetâ sâop. “Hotom umai yengâlen arinjetâ hâkyeñe eknomai.” Yawu sâm ekyongomu ariwi.

Yâhâ mâtâwân arim tatñetâ hâkyeñe âlepñe olop. ¹⁵⁻¹⁶ Hâkyeñe âlepñe otmu enakmâ Samaria gâtñe ya ikñiâk âwurem ari Yesuhât gotñan ba kinmâ herone otbañgim mepaeop.

¹⁷ Yawu otmu Yesuñe lohimbi yan kinbi ya yuwu sâm ekyongop. “Lok bât nombot nombot hârok heñgemyongoan. Yamâ lok nombolân imbât yamâ wonâmbâ? ¹⁸ Wongât Samaria gâtñe yuñak Anitâ mepaeuwe sâm âwurem takap?” Yawu sâm ekyongop.

¹⁹ Yâhâ lok ya yuwu sâm ekuop. “Nâhâlen biwihane kepeiat. Yakât otmâ Anitâñe nâñgâhijimu âlepñe oat. Yakât otmâ lohotñan bam ari.”

Yesu âwurem gewuap yakât sâop.

(Mataio 24:23-28,37-41)

²⁰ Sâp âlâen Parisaio lok nombotñane Yesu yuwu sâm âikuwi. “Sâp girawuân Anitâñe tihitnenñe otmu manman sânduhân mannom?” Sâñetâ sâop. “Anitâñe topñe katmâ tihityeñe otbuap sâp yan kulem topñe topñe ki tetemu ekmâ kiwilinomai. ²¹ Yakât otmâ yuwu ki sânomai. “Yuân topñe katmâ tihitnenñe otbuap. Me endaken topñe katmâ

tihitnenne otbuap.” Yawu ki sânomai. Yuwu sâmunen nânghânet. Anitâne emelâk tihityene otbe sâmhângânnohomu ge mansan.” Yawu sâop.

²² Yawu sâmekyongomu arinetâ hon bawalipne yuwu sâmekyongop. “Hâmbâi sâp âlâen nâ lok bulâne âwurem ge tihityene otmune biwiyene sânduk sâekgât biwiyenane ya mem mannomai. Gârâmâ sâp yan ki âwurem gemune neknomai. ²³ Yawu gârâmâ sâp yan lok nombotnane yuwu sâmekyongonomai. “Anitâne Yesu hângângumu âwurem ge tihitnenne otbuap sâop yamâ emelâk hângângumu ge endaken mansap, me wosaken me wosaken ge mansap.” Yawu sâmekyongonetâ yâk yengât den ya ki nânghânomai. Yawu otmâ ki pâinnekmâ âlâen âlâen arinomai. Nâ gewom yan yok pilâm ki gewom. ²⁴ Himbim belek sâmulaninane siliñ siliñ sâmnombotgembâ nombot otmâ han sâmap yakât dopneâk Anitâne nâ lok bulâne hângânnohomu âwurem gewom. Âwurem gemune lohimbi hânñan kulemñan mansai kerekne nâhât laninne ekmâ topne nânghânomai. ²⁵ Yâhâ angoânâmâ Yura nengât papatolipnenane nâhât hâkâñ otmâ hâhiwin nihinetâ sâtgum mum-bom. ²⁶ Yâhâ âwurem gewom yanâmâ pârâk sânsânâk gewom. Yâhâ âwurem gewom yakât sâpne tâlâhuwuap yanâmâ orotmeme girawuya otmâ mannomai yakât yuwu sâmunen nânghânet.

Emelâk embân lok âlâ, kutne Noa sâm, manmu towat teteop dop yawuâk ya tetewuap. ²⁷ Emelâk Noane manop yanâmâ lohimbi gulip malap manmâ yene âi yehâlâk nânghâm manbi. Yawu manñetâ Noaneâmâ wanğa kâlehen yâhâop.

Yawu otmâ nen âlepņe mansainâk sâm gulip malap manmâ ganjetâ yan Anitâņe nâņgâmu tonjelâk pato gemu to niņ niņ sâm lohimbi kerek haranyongomu mum metewi.

²⁸ Yâhâ yakât dopņeâk lok âlâ, kutņe Lot sâm, yâkņe manmu towat teteop dop yawuâk ya tetewuap. Emelâk Lotņe manop yanâmâ lohimbi gulip malap otmâ sonjo bau sot kâle nem yenjahâlâk nâņgâņetâ yahalop. Imbi anji gunji otbi. Emet opon tuhuwi. Nep topņe topņe tuhujetâ Lotņe Sotom kapi ya pilâm ariop.

²⁹ Yawu otmâ nen âlepņe mansainâk sâm gulip malap manņetâ Anitâņe nâņgâmu himbimâmbâ kâlâpņe punduņ sâm ge kapi ambolipņe kerek sem gulip tuhuyehop. ³⁰ Yakât dopņeâk lohimbi nombotņeņe âlepņe mansainâk sâm otņetâ yan Anitâņe yâhâpņe nâ hâņgânnohomu gewom.

³¹ Sâp yan yuwu otnomai. Lok âlâ me âlâ kapi hâlâņmâ mannomaiņe kasalipyene takanjetâ yekmâ emetyeņan ki âwurem ari itâ pareņe menomai. Otmu lohimbi newân kinnomaiņe kasalipyene takanjetâ yekmâ âwurem ari emetyeņan iri sikumyene miaknehât ki nâņgânomai. ³² Emelâk embâņân himbimâmbâ kâlâpņe punduņ sâm ge Sotom kapi ambolipņe sem gulip tuhuyehop sâp yan Lot imbiņe kambeņe kakņambâ olelem ekmâ kâtembe olop. Yakât den pat yeņe nâņgâm hâkyene miangim mannomai. ³³ Yakât otmâ yuwu sâmune nâņgâņet. Lok âlâ me âlâņe manmanyene alitnomai yamâ hiliwahonomai. Yâhâ lok âlâ me âlâņe nâhâlen biwiyeņe kepeim tem lâunihijetâ yan lohimbi

belângen mansaiŋe yekŋetâ bâlemu yongonjetâ munomai yamâ Anitâŋe mumuŋambâ mem yahatyekbuap. ³⁴ Sâp gewom yan lok oponân inomai yamâ Anitâŋe nombotŋe ya meyekmâ nombotŋe pilâyekbuap. ³⁵ Yâhâ lohimbi âi kalam tuhum gulip malap mannomai gurâ nombotŋe meyekmâ nombotŋe pilâyekbuap. ³⁶ Yâhâ hat mannomai gurâ nombotŋe meyekmâ nombotŋe pilâyekbuap.”

³⁷ Yawu sâm ekyongomu yuwu sâm âikuwi. “Kutdâ, kapi wonân mem kâsipnongowuat?”

Sâŋetâ sâop. “Yâhâ umatŋe âlâlâ tetewuap yakât emet inânŋan ekyongom gaman. Yukât bulâŋe hâmbâi tetewuawân ekmâ topŋe nâŋgâm heŋgeŋgunomai.” Yawu sâop.

18

Imbi kambutŋe kiap ulitguminiop yan hâum sâop.

¹ Yesuhât hoŋ bawalipŋaŋe hilâm ârândâŋ Anitâ orowâk den otmâ ki lohotŋe otnomaihât den âlâen hâum yuwu sâm ekyongop. ² “Kiap âlâ lohimbi yeŋgât den sâm hâreyiŋgim yan Anitâhât nâŋgâmu gemu ki ewe katyehop. ³ Yâhâ kapi amboŋe, imbi kambut âlâ, yakâlen ari sâm guhuŋmâ yuwu sâm ekuminiop. “Âlepŋe den sâm hârerâ imbi âlâŋe mâŋgâenehop yakât matŋe kâpekbaŋgiwom.”

⁴ Yawu sâm ekuminiop yamâ denŋe ki nâŋgâm gaop. Yawu otmâ gamu sâp kâlep otmu bi-wiŋaŋe yuwu nâŋgâop. “Anitâhât nâŋgâmunegemap. Otmu lohimbi ki ewe katyekman. ⁵ Yawu gârâmâ imbi kambut yuŋe haonŋmâ ârândâŋ kâi kâi

liṅnihim tatmâ mem kopa tuhunekmapgât ihilâk nângâwanḡiwom.” Yawu sâop.

⁶ “Yâhâ imbi yaṅe kiap ya ekumu tânguop yamâ yuwu. ⁷ Nen Anitâhât tem lâuwangim manmainṅe haonmâ ârândân ulitgum yâhânom otmuâmâ nângâningiwuap. Yâkṅe biwi pâlamṅe otmâ dennenṅe ki nângâwuapgât dop âlâ ki tap. ⁸ Ulitgumunṅe in yawu nângâningiwuap. Yawu nângânomai. Yawu gârâmâ Anitâṅe nâ lok bulâṅe hângânnohomu himbimâmbâ âwurem gewom sâp yan lohimbi kiṅgitṅe orowâkṅe nâhâlen biwiyenṅe tiṅâk kepeim mambotnihim mannomai me bia?” Yawu sâop.

Parisaio yet takesi meme lok

⁹ Lok nombotṅe yeṅahât nângâṅetâ yahatmu “nen lok âlepṅe, uwawapṅe bia mansain” sâm bukulipyenṅe yeṅgât nângâṅetâ gemap. Lok yawuya yeṅgât nângâm Yesuṅe den âlâen hâum yuwu sâop. ¹⁰ “Lok yâhâp opon kâmbukṅan yâhâm Anitâ ulitguowot. Âlâmâ Parisaio. Otmu âlâmâ takesi meme lok. ¹¹ Parisaio yaṅeâmâ ikṅahât nângâmu yahatmu senṅe ewan pilâm ekmâ yuwu sâop. “O Anitâ, yuwu sâmune nângâ. Lok nombotṅe kapam kumai, kombo otmai, otṅetâ bâlem gap. Nâ yawuya bia. Otmu takesi meme lok endo kinsap nâ endawuya bia. ¹² Hilâm nombolân yâhâp yakât biwiṅan hilâm yâhâp sot barak manmâ nângâhihim mepaehekman. Otmu tewetsenṅe senṅe âlâlâ tatnihiap yakât sâsâṅambâ konok hârem gâhât pat kuhihiman.” Yawu sâop.

¹³ Otmu takesi meme lok yaṅeâmâ gulunṅan kinmâ kâmgum den tâlâwâk yuwu sâop. “O Anitâ,

tepge nângânihi. Nâ lok bâleŋe mansanâke yamâ ki pilânekuat,” yawu sâop.

¹⁴ Yakât yuwu sâmune nângâŋet. Anitâŋe takesi meme lok yâkât nângâwaŋim tosaŋe pilâop. Yâhâ Parisaio yâhâmâ tosaŋe yawuâk tatbaŋgiop. Yâhâ lok âlâ me âlâŋe hâkyeŋe mepaeakmâ manmai yamâ Anitâŋe mem ge katyekbuap. Yâhâ lok âlâ me âlâŋe yeŋahât nângâŋetâ gemu huruŋ huruŋ manmai ya yeŋgât Anitâŋe nângâmu yahatbuap.” Yawu sâm ekyongop.

*Yesuŋe nan baralipyeŋe lukuleyehop.
(Mataio 19:13-15 Mareko 10:13-16)*

¹⁵ Sâp yanâmâ lohimbi nombotŋe nan baralipyeŋe meyekmâ Yesuhâlen ariwi. Ari Yesuŋe kunyeŋan mem Anitâ ulitgumu lukuleyehâkgât ekuwi. Yawu otŋetâ hoŋ bawalipŋe yekŋetâ ki ârândâŋ otmu kuyiŋgiwi. ¹⁶ Kuyiŋgiŋetâ Yesuŋe nimnaom ekyongomu gaŋetâ hoŋ bawalipŋe yuwu sâm ekyongop. “Kâmbukŋe, ki kuyiŋgiŋet. Anitâŋe nimnaom titipâ yu yeŋgât tihityeŋe otmap. Yakât otmâ dâiyekmâ nâhâlen gaŋet. Yeŋe kuyiŋgiŋetâ ekmune ki ârândâŋ oap. ¹⁷ Yakât yuwu sâmune nângâŋet. Nimnaom titipâŋe Anitâhât den nângâm in yawu lâuwaŋim manŋetâ tihityeŋe otmap. Yakât dopŋeâk yeŋe tem lâuwaŋinomai yanâmâ Anitâŋe tihityeŋe otbuap. Yawu otmâ sâp pato tetewuawân meyekbuap. Yâhâ yawu ki otnomai otmuâmâ Anitâŋe betyongomu belâŋen tatnomai.” Yawu sâm ekyongop.

Lok iri sikumyene pato tatyngiap yâk yengât topyene

(Mataio 19:16-30 Mareko 10:17-31)

¹⁸ Yawu sâm ekyongomu Yura yengât papa-tolipyene âlâne Yesu yuwu sâm âikuop. “Bawapi, manman koko salek amboŋe mansat. Yakât otmâ sârâ nângâwe. Nâne girawu otmune ârândân otmu Anitâne manman kârikŋahât pat kunihiwuap?”

¹⁹ Sâmû sâop. “Wongât nâhât “Manman koko salek amboŋe” yat? Anitâ konohâk manman koko salek amboŋe tatmap. ²⁰ Yakât otmâ gâne âinohoat yakât matŋe yuwu sâmune nângâ. Anitâne girem den Mose ekumu kulemguop ya sâlikum nângâmat me bia? Ya yuwu tap. Buku âlâhât imbi ki ekmâ otbuat. Lok nombotŋe ki yongorâ munomai. Kombo ki meyingiwuat. Hakyenjan ki sâuwat. Den perâk ki sâm kâityongowuat. Âwâ mâmâhe yetgât lauyetŋe lâum amutyetŋan manbuat.”

²¹ Sâmû sâop. “Bawapi. Girem den sâm arat yuâmâ ŋanambâek lâum manmâ gaman.” Yawu sâop.

²² Sâmû sâop. “Yuwu otbuat. Senŋe âlâlâ pato tat-gihiap ya kâsikum buku nombotŋe umburuk man-sai ya yingiwuat. Yawu otmâ nâhâlen torokatdâmâ Anitâne manman kârikŋahât pat kuhihiwuap.” Yawu sâop. ²³ Yawu sâmû iri sikum me senŋe âlâlâ dondâ tatbaŋgiop yakât nângâmu biwiŋe umatŋe otmu hâmeŋe bâleop.

²⁴ Hâmeŋe bâlemu ekmâ Yesuŋe yuwu sâm hoŋ bawalipŋe ekyongop. “Lok iri sikum pato tatyngiapŋeâmâ Anitâhâlen biwiyenane kepeim tem lâuwanŋine sâm otŋetâ hâi hâiŋe otmap.

25 Yakât topņe nâņgâņetâ keterahâkgât den âlâen hâum yuwu sâmunen nâņgâņet. Pusine selon watmu pin pinjan arimu yan watmâ ba membe sâm hâum pâpgumap. Yakât dopņeâk lohimbi iri sikumyene pato tatyņgiapņe Anitâņe tihityene olâkgât mâtâp ya watmâ arine sâm otņetâ hâi hâine otbuap.

26 Yawu sâmu nâņgâņetâ sâtņe otmu yuwu sâm âikuwi. “Lohimbi girawuyane otņetâ ârândâņ otmu Anitâņe manman kârikņahât pat kuyiņgiwuap?”

27 Sâņetâ sâop. “Anitâhât manman kapiân arine sâm lokgât nâņgân nâņgân watmâ arinomaihât dop âlâ ki tap. Yamâ Anitâhât topņe âlâ tap. Yakât otmâ yene yu me ya otne sâm yâkât nâņgân nâņgân watmâ otnomaihât dop tap. Yâkņe konok manman kârikņe ya yingimu mem manmâ yâhânomai.” Yawu sâop.

28 Yawu sâmu Petoroņe yuwu sâop. “Bâe, nenâmâ senņe âlâlâ kerek betbaņgim gâhâlen torokatmâ hâhiwin kakņan manmâ gain.” Yawu sâop.

29 Sâmu sâop. “Lohimbiņe nâhâlen biwiyene katņetgât lok âlâ me âlâņe nâhât den ekyongonomaiņe âwâ mâmâlipyene, me imi garilipyene, me imbi naomlipyene, me hep torehenlipyene, me senņe âlâlâ siminņe tatyņgiap ya kerek pilâm nâhât komolân torokatnomai. ³⁰ Yawu otmâ nâhât komolân torokatmâ mannomai yanâmâ emelâk hep torehenlipyene orop heroņe otminiwi ya wangim heroņe pato kakņan mannomai. Otmu hâmbâi Anitâņe meyekmâ manman kârikņan katyekmu mannomai.” Yawu sâm ekyongop.

*Yesuŋe mumbuap yakât kalimbuŋe sâop.
(Mataio 20:17-19 Mareko 10:32-34)*

³¹ Yesuŋe hoŋ bawalipŋe kâiân yâhâp meyekmâ yuwu sâm ekyongop. “Yuwu sâmune nâŋgâŋet. Yiwerenŋe Yerusalem kapiân yâhânom. Yan yâhâmunŋe emelâk emet inânŋan Anitâhât poropetelipŋaŋe lok bulâŋe nâhât den kulemgum gawi yakât bulâŋe tetewuap. ³² Yâhâ lok âlâŋe nâŋgâm bâlenihim hotom umai otmu Mosehât girem den kâsikum ningimai ya yengât bâtyeŋan katnekbuaŋ. Bâtyeŋan katnekmu den âiân katnekmâ mumbomgât den sâm hârenihinomai. Den sâm hârenihim Roma lok yengâlen katneŋetâ yâkŋe yuwu otnihinomai. Sennan gem tâpnohom, mem âlâlâ tuhunekŋetâ hâhiwin pato nâŋgâwom. ³³ Otmu benŋe howanân nohoŋetâ mumbom. Mumunŋe hannohoŋetâ hilâm kalimbu pesuk sâmu yakât kakŋan mumuŋambâ yahatbom.” Yawu sâm ekyongop.

³⁴ Yawu sâm ekyongomu Yerusalem yâhânomai yakât nâŋgâŋetâ biwiyenŋe umatŋe otmu nâŋgâm ketet otbi.

*Yesuŋe lok senŋe bok sâsâŋe heŋgeŋguop.
(Mataio 20:29-34 Mareko 10:46-52)*

³⁵ Mâtâwân arim tatŋetâ lohimbi kiŋgitŋe orowâkŋe betyeŋan watyekbi. Yawu otmâ arinŋetâ Yeriko kapi tâlâhumu mâtâp ginŋan lok âlâ, senŋe bok sâsâŋe talop. Tatmâ senŋe âlâhât umburuk otmâ yaŋak lohimbi mâtâwân bam gaŋetâ ulityongom tatminiop. ³⁶ Yawu otmâ lohimbi kiŋgitŋe orowâkŋe mâtâp yawuâk arinŋetâ

kâiyenje munje nângâmâmâ yakât âiyongomu sâwi.
 37 “Yesu Nasaret kapiân gâtje takap.” Yawu sâwi.

38 Yawu sânetâ nângâm den kârikjan halahum yuwu sâop. “Yesu Dawitihât sen, gâje nâhât wehe nângânihi.”

39 Yawu sâmu lohimbi gotjan kinbije kuwanjiwi. Kuwanjetâ witgum halahuop.

40-41 Witgum halahumu Yesuje nângâm mâtâwân kinmâ “Ekujetâ gaek,” sâmu lohimbi ekyongop. Ekyongomu senje bok sâsâje ya lok nombotjanje dâim yâkâlen banjetâ yuwu sâmu âikuop. “Girawu otgihiwehât nanjat?”

Sâmu sâop. “Lok pato, sârâ senne hâreakmu ekbehât nanjan.”

42 Sâmu sâop. “Gâje nâhâlen biwihe hikuat. Yakât otmâ den yat ya bulâje tetehihiâk.”

43 Yawu sâmu yan senje hâreakmu ekmâ Yesu betjan sâmu Anitâ mepaeop. Yawu otmu lohimbiye ya ekjetâ âlâ kândâkdâ otmu yâku yawuâk Anitâ mepaewi.

19

Lok tâlâwâk, kutje Sakaio sâmu, yâkât den pat

1-2 Yesuje Yeriko kapiân yâhâmu lok âlâ, iri sikumje pato tatbanjiop, kutje Sakaio sâmu, yâhâmâ takesi meme lok yengât kunyeje manminiop. 3 Yâhâmâ lok tâlâwâk yakât otmâ lohimbi hohetyenjan kinmâ tik sâmu Yesu ekbe sâmu otmu ki ihiop. 4 Yakât otmâ yahatmâ wangiyekmâ sururuk sâmu ari nak âlâ mâtâp ginjan kinop ya lâum pitik pitik yâhâ kakjan tatmâ biwijanje yuwu nângâop. “Yesu yupâ gam bamu ekbom.” 5 Yawu

nângâm tatmu Yesuŋe nak amutgen ga kinmâ senŋe pilâm ewun Sakaio ekmâ yuwu sâm ekuop. “Sakaio, âun gâhât emelan yâhâ tatmâ nângâwom. Yakât otmâ in yawu pilâm gerâ arine.”

⁶ Yawu sâm ekumu pilâm ge heronje otmâ dâimu emetŋan ariowot. ⁷ Emetŋan ari yâhâmutâ lok kerekŋe ekŋetâ bâlemu sâm guhuŋmâ yuwu sâwi. “Wongât otmâ Yesuŋe lok bâleŋahât emelan yahap? Ya ki orotŋe.” Yawu sâwi.

⁸ Yâhâ Sakaionje Yesu yuwu sâm ekuop. “Kutdâ, sâmune nângâ. Tewetsenŋe me senŋe âlâlâ tatnihiap ya mem hionŋmâ lohimbi umburuk mansai ya kâsikum yinŋiwom. Otmu lohimbi kâityongom yengât tewetsenŋe konok meyinŋiwan gârâmâ yakât matŋeâmâ nâŋe imbât yinŋiwom.” Yawu sâop.

⁹⁻¹⁰ Sâmu sâop. “Lohimbi bâleŋe hem nâpumân ge hiliwahomaihât nângâm Anitâŋe nâ lok bulâŋe hâŋgânnohomu gewan. Yawu gârâmâ lohimbiŋe nâhâlen biwiyenŋe kepeinŋetâ yanâmâ manman kârikŋahât pat kuyinŋiwuap. “Yâhâ gâ Awaraham sen. Gâŋe nâhâlen biwihanŋe kepeiat. Yakât otmâ Anitâŋe manman kârikŋahât pat kuhihap.

*Lok hilâm ihi, konam yakât den
(Mataio 25:14-30)*

¹¹ Yeriko kapi ya pilâm Yerusalem kapi gotŋan ariwi. Yesuhât den nângâm lohimbi orowâk ariwi yaŋe biwiyenŋe yuwu nângâwi. “Anitâŋe Yesu mâmâŋe otbaŋgimu kasalipnenŋe watyekmu ari-nomai. Yâkŋe yawu otmâ manman sânduhân katnenekbuap yakât sâpŋe tâlâhuap.”

12 Biwiyenaje yawu nângâwi yakât otmâ Yesuŋe den âlâen hâum yuwu sâm ekyongop. “Lok kutdâ âlâne lok âlâ mem kânângâmu yâkŋe lohimbi galem-yongowuapgât sâpŋe tâlâhuop. 13 Yawu otmâ lok yaŋe lok kutdâŋahâlen ariwe sâm âi loklipŋe bâlâk ŋerek yongonmu gaŋetâ tewetsenŋe kina bâlâk ŋerek ya ârândâŋâk yingim yuwu sâm ekyongop. “Pilâyekmâ kâlepŋehen ariwom. Yawu gârâmâ tewetsenŋe yingian yuŋe mem âi tuhuŋetâ tewetsenŋe tetewuap yakât dopŋe âwurem takamune tiripnohuŋetâ ekbom.” 14 Yawu sâm pilâyekmâ ariop. Yâhâ lohimbi nombotŋe lok yakât hâkâŋ otmâ galem-yenŋe ki olâkgât nângâm lok hoŋ hângânyonguŋetâ lok kutdâyehâlen ari yakât denŋe sâwi.

15 Denŋe sâŋetâ lok kutdâyehâlen ki nângâyingioŋ. Yawu otmâ lok yawuâk galem sâm kânângâop. Yawu gârâmâ lok kapi kâlepŋehen ariop yaŋe âwurem taka âi loklipŋe tewetsenŋe yingioŋ ya yongonmu gaŋetâ âlâku ikŋiâk ikŋiâk yuwu sâm âiyongop. “Tewetsenŋe yingiwon yaŋe mem âi tuhuŋet amon teteap?” Yawu sâm âiyongop.

16 Yâhâ âi lok aŋgoân gaopŋe yuwu sâop. “Lok pato. Gâŋe kina bâlâk ŋerek nihion yaŋe mem âi tuhumune âlâku kina bâlâk ŋerek teteop.”

17 Sâmu sâop. “Âlepŋe, tewetsenŋe tipŋe gihiwan yaŋe mem âi tuhurâ âilonŋo teteap. Yakât otmâ nâŋe galem katgek-mune kapi bâlâk ŋerek ya ambolipŋe galem-yongowuat.”

18 Yawu sâmu hoŋ bawa âlâŋe gam sâop. “Lok pato. Gâŋe kina bâlâk ŋerek nihion yaŋe mem âi tuhumune âlâku kina bâtnombot teteop.”

19 Sâmu sâop. “Âlepņe, nâņe galem sâm katgek-mune kapi bâtnombot ya galemyongowuat.”

20-21 Yawu sâm ekumu arimu hon bawa âlâņeâmâ ga sâop. “Lok kutdâ, pato, gâhât topge nâņgâm heņgenņuan. Gâ lok sâtņe. Lok âlâ me âlâņe gâhât nep kâmetņetâ âlemap yamâ gikahâk nemat. Yawu otmat yakât sâņetâ nâņgâman. Yakât otmâmâ gâhât kiņgitnahât otmâ tewetsenņe nihion ya biatgihimap sâm sâņgumnaņe kurihim katmune tatmap.” Yawu sâm kina bâlâk ñerek ya amboņahât bâtņan kalop.

22 Sâmu sâop. “Gâ lok konam. Gikak den yat yawuâk mem purik pilâhihiwe. Sâmune nâņgâ. Lok âlâ me âlâņe nâhât nep kâmetņetâ âlemap yamâ ninahâk neman yawu sâņetâ naņgat. 23 Yakât otmâ tewetsenņe gihiwan yu mem kât emetņan katdâ tatmu tewetsenņe âlâkuâk teteop mâne nâņgâmune ârândâņ otbâp.”

24 Yawu sâm ekum lohimbi yan kinbi yuwu sâm ekyongop. “Bukuņaņe kina bâlâk ñerek mem kinsapņe nâhât tem lâum âi tuhum gap. Yakât otmâ lok yukât bâtņambâ kina bâlâk ñerek ya mem bukuņe waņet.”

25 Sâmu sâwi. “Yawu gârâmâ emelâk kina bâlâk ñerek miap.”

26 Sâņetâ sâop. “Yuwu sâmune nâņgâņet. Anitâņe lok âlâ me âlâ âi sâm yiņgimu biwiyenāņe kepeim tuhumai yâhâmâ tâtâem mâmāņe otyiņgimu âiloņgoâk tuhumai. Yawu gârâmâ lok âlâ me âlâ âi sâm yiņgimu ki tuhumai yâhâmâ betyongomap. 27 Yâhâ nâņe galemyeņe ki manbehât yeņe lok kutdânenņahâlen ari denne sâwi. Yawu gârâmâ lok

ya ekyongonjetâ yuân ga sennennjanâk yongonjetâ munjet.” Yawu sâmb ekyongop.” Yesunje den yan hâum ekyongop.

Yesunje Yerusalem kapiân yâhâop.

(Mataio 21:1-11 Mareko 11:1-11 Yoane 12:12-19)

²⁸ Yesunje honj bawalipnje meyekmâ yapâ arinetâ lohimbi kinjitnje orowâknje betyenjan sâwi. ²⁹ Yawu otmâ ari Yerusalem kapi pato yakât gotñan kapi yâhâp, kutyetnje Betepahe otmu Betani sâmb, ya Oliwa pumñan tap yan yâhâwi. ³⁰ Yan yâhâ Yesunje honj bawayâhâtnje yâhâp yuwu sâmb hângânyotgop. “Kapi tipinje ewapâ tap yan donji nanje âlâ hikum katñetâ kinsap ya lok ki kakñan tatmai. Ya holañmâ mem geromawot. ³¹ Holañmutâ lok âlânje yuwu mon sâmb âiyotgowuap. “Yet wongât taka yu holañsawot?” Yawu sâmbuâmâ yuwu sâmb ekuromawot. “Yiwereñje âi teteap. Yakât otmâ patonetñanje yu mendehât hângânnotgomu takait.” Yawu sâmb ekuromawot.

Yesunje yawu sâmb hângânyotgomu yâhâ ekyotgop yawuâk mem teteowot. ³² Donji nanje emet âlâ hawañjan hikum katbi ya holañowot. Holañmutâ ambonñanje yelekmâ sâop. ³³ “Bâe. Yet âlânje sâmbu yu holañde sâmb oawot?”

³⁴⁻³⁵ Sâmbu sâowot. “Yiwereñje âi teteap. Yakât otmâ patonetñanje yu mendehât hângânnotgomu takait.” Yawu sâmb ekumutâ nângâyitgimu holañmâ mem giowot. Mem ge yetnje hâk katipnje kâlep kalowot ya holañmâ lotohom kakñan kalowot. Katmutâ kakñan yâhâ talop. ³⁶ Yâhâ tatmu Yerusalem kapiân yâhâwi. Yâhâñetâ lohimbi

kiŋgitŋe orowâk hâruhuakbiŋe Yesuhât nâŋgâŋetâ yahatmu yeŋe hâk katipŋe kâkâlep ya holaŋmâ mâtâp tete liŋgatmâ ariwi. Liŋgatmâ ariŋetâ dongi yaŋe ya kakŋan tâlim tâlim ariop.

³⁷ Yâhâ Yerusalem kapi pato ya tâlâhumu Oliwa pumŋe yakât talapŋan gewi. Geŋetâ kulem âlâlâ tuhumu ekmâ gawiŋe yakât nâŋgâm heronje otbaŋim Anitâ mepaem den kârikŋan halahum yuwu sâwi. ³⁸ “Gâmâ tâmbânenŋe Dawiti sen. Gike ombeheâk ki takat. Anitâŋe âi sâŋ gihioŋ ya lâum kinmâ nengâlen mat takat. Yakât otmâ heronje otgihim mepaeheksain.” Yawu sâwi.

³⁹ Yawu sâŋ mepaenjetâ Parisaionje yuwu sâŋ Yesu ekuwi. “Lok pato, mepaehekmâ mansai ya kuyiŋgirâ hutuk sâŋet.”

⁴⁰ Sâŋetâ sâop. “Nâŋe kuyiŋgimune hutuk sânomaiâmâ kât yuŋe âlepŋe heronje otnihim den sâŋ mepaeneknomai.”

Yesuŋe Yerusalem kapi ekmâ isiop.

⁴¹ Yerusalem kapi ginŋan ari tatmâ ekmâ tepŋe nâŋgâm isem yuwu sâop. ⁴² “O, kapi ambolipŋe. Biwi sânduhân manne sâŋ yakât mâtâpŋe yiwerenje teteap yamâ ekŋetâ ki keterakyiŋgiap. ⁴³⁻⁴⁴ Yiwerenje Anitâŋe wawaeyekmâ tihityeŋe otbe sâŋ hâŋgânnohomu takanâke yamâ nâhât nâŋgânihiŋetâ tâŋât oap. Yakât matŋe sâp âlâen kasalipyenjaŋe taka hawamyongom mâtâp maŋguyiŋginomai. Mâtâp maŋguyiŋgim paŋ kârikŋe tap enda limbâronŋum ge emetyeŋe huhum gahaem itit kiom tuhuyiŋgim yongonjetâ munomai. Yawu otyiŋgiŋetâ kapi yuŋe kâwurunŋaŋak kinbuap.” Yawu sâop.

*Yesu opon kâmbukņan yâhâ watyehop.
(Mataio 21:12-17 Mareko 11:15-19 Yoane 2:13-22)*

⁴⁵ Yawu sâmu Yerusalem kapi patoen yâhâwi. Yâhâņetâ Yesuņe dongi kakņambâ kionmu yanak yapâ opon kâmbukņan yâhâwi. Yâhâ opon kâmbukņe kâlehen lohimbiņe senņe âlâlâ angi guņgi otmâ kinbi ya yekmâ Yesuņe nâņgâm bâleyiņgim yuwu sâm ekyongop. ⁴⁶ “Yu oai yukât emet inânņan Anitâņe poropete âlâ ekumu kulemguop ya yuwu tap.

“Lohimbi hânņan kulemņan manmâ araiņe nâhât opon yukât kâlehen yâhâ mepaeneknomai.”

Den sâop yakât yuwu sâmune nâņgâņet. Yeņe yukât kâlehen tatmâ lohimbi kâityongom hâmeņe mem yahatmâ angi guņgi otmâ gai. Yawu otmâ gai yu ekmune anģim bero emetņe yawuya oap. Opon kâmbukņe yu kâlehen ki orotņe otņetâ ek-mune bâleap.” Yawu sâm watyekmu yahatmâ tiok taok otmâ arim kinbi.

⁴⁷ Otmu hilâm ârândâņ Yesuņe opon kâmbukņan yâhâ lohimbi den kâsikum yiņgiop. Yawu otmu hotom uminiwi ya yeņgât kunlipyene otmu Mosehât girem den kâsikum yiņgiminiwi otmu Yura yeņgât papatolipyenane Yesu kune sâm otbi. ⁴⁸ Yawu gârâmâ lohimbi kiņgitņe orowâkņe Yesuhât denņe nâņgâņetâ âlâ kândâkdâ otmu mem hawam mewam tuhum kinbi. Yakât otmâ kune sâm hâum pâpgum pilâwi.

20

Yesuņe âlâhât sâtgât âi miop ya ki sâm tetem

ekyongop.

(Mataio 21:23-27 Mareko 11:27-33)

¹ Sâp âlâen Yesuŋe opon kâmbukŋan yâhâ kinmâ ikŋe den pat âlepŋe lohimbi kâsikum yinŋiop. Sâp yan hotom uminiwi ya yengât kunlipyenŋe, otmu Mosehât girem den kâsikum yinŋiminiwi, otmu Yura yengât papatolipyenŋe yâkâlen ba yuwu sâm âikuwi. ² “Gâŋe oran âlâhât sâtŋât otmâ Anitâhât opon kâmbukŋan yâhâ lohimbi watyehon?” Yawu sâm âikuwi.

³ Sâŋetâ sâop. “Yeŋe âinohoai gârâmâ nâku âiyongowe. Âiyongomune den matŋe kâpeknihiŋetâmâ nâŋe âlâhât sâtŋât âi yu mem gaman yakât topŋe ekyongowom. ⁴ Yakât yuwu sâmune nâŋgâŋet. Yoaneŋe âlâhât sâtŋât otmâ lohimbi toen katyehop? Anitâhât me ondop yengât sâtŋât otmâ âi ya tuhuop? Ya sâŋetâ nâŋgâwe.” Yawu sâop.

⁵ Yawu sâmu matŋe kâpekbaŋgine sâm pâpŋum alahu gulahu otmâ yuwu sâwi. “Nenŋe yuwu mon sânom. “Yoaneŋe âi miop yamâ Anitâŋe âi sâm waŋmu tuhuop.” Yawu sânom yamâ matŋe yuwu mon sâwuap. “O, yenâmâ girawu otmâ Yoanehât den nâŋgâŋetâ ki bulâŋe olop?” Yawu sâmu nenŋe matŋe girawu sâm kâpekbaŋginom? Aŋulaknom yakâ. ⁶ Otmu âlâ yuwu mon sânom. “Yâhâmâ lok yengât sâtŋât otmâ âi ya miop.” Yawu sânom yamâ lohimbi dondâŋe “Yoaneŋe Anitâhât poropete manmâ yâkât sâtŋât âi mem manop,” yawu nâŋgâmai yakâ. Yakât otmâ nenŋe yawu sânom yanâmâ lohimbi kinsai yuŋe nâŋgâm non-gonomai yakâ.” Yawu nâŋgâwi. ⁷ Yawu nâŋgâm

yuwu sâm ekuwi. “Yoaneŋe âlâhât sâtgât âi meminiop ya nen ki nanġain.” ⁸ Sâŋetâ sâop. “Nâku yawuâk. Nâŋe âlâhât sâtgât âi yu mem gaman yakât ki ekyongowom.” Yawu sâop.

*Wain kalam amboŋahâlen hâum sâop.
(Mataio 21:33-46 Mareko 12:1-12)*

⁹ Yesuŋe den âlâen hâum yuwu sâm ekyongop. “Lok pato âlâŋe wain kâmetŋet sâm nep lok meyeŋop. Meyekmu ari dâmân sâhâm hawamġum wain kâmetbi. Otmu wain toŋe ya mem mendâreŋetâ gewuapġât waŋga hâwiwi. Âi ya tuhum tiŋ pilâŋetâ nep ya galemġunomai sâm katyekmâ ikŋe âlâengen ari sâp kâlep manop. ¹⁰ Ari sâp kâlep manmu wain kehetŋe ya puru pato kinmâ hululuŋ sâop. Yawu otmu amboŋaŋe ikŋahât hâruhunihiŋet sâm hoŋ bawa âlâ yakembâek hâŋġâŋumu takaop. Takamu wain galemŋe manbiŋe kum watŋetâ âwurem ariop. ¹¹ Âwurem arimu yawuâk kalam amboŋaŋe hoŋ bawa âlâ hâŋġâŋumu takaop. Hâŋġâŋumu takamu arimu yâk gurâ yawuâk kum mem âlâlâ tuhuŋetâ âwurem ariop. ¹² Âwurem arimu yawuâk kalam amboŋaŋe hoŋ bawaŋe kalimbunċe hâŋġâŋumu takamu yawuâk mâŋġâeŋetâ âwurem ariop. ¹³ Âwurem arimu kalam amboŋaŋe “Giratbe” sâm nâŋġâop. Nâŋġâmu tetemu biwiŋaŋe yuwu nâŋġâop. “Nine nanne ombe bisine hâŋġâŋumune arimu ekmâ yanâmâ ewe katnomai.” Biwiŋaŋe yawu nâŋġâm ikŋe nanŋe hâŋġâŋumu takaop. ¹⁴ Hâŋġâŋumu takamu ekmâ yuwu sâwi. “Bâe, yuâmâ patonenŋe ikŋe

nanjanje takap. Âwânje mumu yan kalam yuâmâ yâkne ambokuwuap. Yakât otmâ kumunje muâk. Kumunje mumu yanâmâ kalam yuâmâ nengât otbuap.” Yawu sâwi. ¹⁵ Yawu sâm kum kekae topnehen pilânetâ iop.

“Yawu otjetâ kalam ambonanje taka girawu otbuap? ¹⁶ Yâkne taka yongomu mujetâ lok on-dop meyekmâ kaweyenan katyekmu kinnomai.” Yawu sâop.

Yawu sâm ekyongomu nângânetâ porap otmu “Yawu ki otyingiwuap yakâ” sâwi.

¹⁷ Yawu sânetâ yuwu sâm âiyongop. “Anitâhât poropete âlâne den kulemgup yukât topne eknohonjetâ nângâwe.

“Nep lokne emet tuhum nak âlâ eknetâ bâlemu mem ketetbi. Mem ketetbi ya Anitâne lâum kânângâmu kuhupin kârikne otmâ kinsap.” Yawu kulemgup tap.

¹⁸ Yâhâ lok âlâ me âlâne kuhupin yu ekmâ betbanjinomai yamâ hâhiwin nângânomai. Yawu gârâmâ kuhupin yune putuk sâm kionmâ yongowuap yamâ dâk dâk hutuk yongomu munomai.” Yawu sâop.

Anitâhât pat sâm yu ya katmunje tatmap ya wanjnom.

(Mataio 22:15-22 Mareko 12:13-17)

¹⁹ Yesune den âlâen hâum sâop yune hotom uminiwi ya yengât kunlipyene otmu Mosehât girem den kâsikum yingiminiwi ya yengât topyene miop. Yakât nângânetâ biwiyenan tâlimu Yesu mem pâi emetjan katne sâm otbi. Yawu otbi yamâ lohimbi dondâ yan kinbi

Yesuhât nângânetâ yahalop. Yakât otmâ yâk yengât nângâm gorâyîngimu pilâm Yesuñe den sâm tâpikguwuap nângâm yakât ekmâ kinbi. ²⁰ Yâhâ Yesuñe sâm tâpikguwuap yanâmâ mem Roma lok yengât bâtyeñan katñetâ yâkñeâmâ mem pâi emetñan katñetâ talâkgât nângâm lok perâkñe nombotñe meyekmâ tewetsenñe yîngim engatyenñan gewi. Engatyenñan geñetâ yâkñe Yesuñe den sâm tâpikguâkgât yâkâlen ari topyeñe kurihiakmâ yuwu sâm âikuwi. ²¹ “Bawapi, gâhât topge nanñain. Gâñe den imbiâk ki sâmât. Den sâmât yamâ nângâmunnñe bonñeâk otmap. Otmu lohimbîñe gâhât girawu nângâhihiyai yakât nângâm ki gorâhihimap. Gâñe lok âlâhât nângârâ yahatmu âlâhât nângârâ gemu yawu ki otmat. Otmu manman girawu manmunñe Anitâñe nenekmu ârândânñ otbuap yakât den tâñ tâñâk eknongomat. ²² Yakât otmâ wuân me wuân otnom yakât sârâ nângâne. Roma lok âlâñe kunnennñe mansap, kutñe Sisa sâm, yâhâmâ haonñmâ ârândânñ takesi wañmain. Yawu gârâmâ yawuâk wañmâ yâhânôm me bia? Yakât sârâ nângâne.”

²³ Yawu sâm âikuñetâ biwiyenñahât topñe nângâm yuwu sâm ekyongop. ²⁴ “Kât nanñe âlâ mem nihîñetâ ekbe.” Yawu sâop.

Yawu sâmu wañetâ mem tiripyongom yuwu sâop. “Kât nanñe yu ekñet. Âlâhât towat kât nanñe yuân tap? Me âlâhât kutñe tap?” Sâmu sâwi. “Roma lok patonennñe, kutñe Sisa, yakâ.”

²⁵ Sâñetâ sâop. “Sisahât pat sâm sâsâñe sâm yu ya katñetâ tap otmuâmâ yâk wañnomai. Yâhâ Anitâhât pat sâm katñetâ tatmap yâk wañnomai.”

²⁶ Yawu sâ m ekyongomu nâ ngâ jetâ sâ tne otmu den biaek kinbi. Yawu otmâ Yesu ne lohimbi senyen an kinmâ sâ m tâ pikgumu mem Roma lok yengât bâ tyen an katne sâ m otbi yamâ pâ pgum pilâm ariwi.

*Anitâ ne mumunambâ mem yahatnnekbuap.
(Mataio 22:23-33 Mareko 12:18-27)*

²⁷ Sarukaio lok yuwu nâ ngâ mai. “Anitâ ne mumunambâ mem yahatnnekbuapgât dop â lâ ki tap. Yakât otmâ mumun ne pesuk sâ map.” Yawu nâ ngâ mai. Yâ k ne yakât top ne nâ ngâ nehât Yesuhâ len ari yuwu sâ m â ikuwi. ²⁸ “Bawapi, angoân Mose ne den kulenguop ya yuwu tap.

“Lok â lâ ne imbi â lâ mem naom ki mewan gimu lok ya mumbuap. Mumu iminane yâ kât kambut ya galemgum yâ kât welâmân nimnaom mem ga katyekbuap.”

Mose ne yawu kulenguop tap. Yakât top ne sâ m eknongohât yuwu sâ mun ne nâ ngâ. ²⁹ Imi ata nombolân yâ hâ p manbi. Manmâ angoân atayene kunane imbi memu iminane naom ki mewan gimu inâ k manmâ muop. ³⁰ Mumu iminane atajahât kambut ya mem manmâ yâ ku inâ k muop. ³¹ Otmu imiyetane kambutyetne ya mem manmâ yâ ku yawuâ k naom barahâ k muop. Otmu imi ata ya hâ rok ne kambutyene yawuâ k mem manmâ inâ k muwi. ³² Aiop, kambutyene yâ ku yawuâ k muop. ³³ Imi ata nombolân yâ hâ p ya kerek ne imbi ya mewi. Gârâmâ sâ p pato tetemu Anitâ ne mumunambâ mem yahatnnekbuap yanâmâ imbi yamâ â lâ ne membuap.” Yawu sâ wi.

³⁴ Sâñetâ sâop. “Hânân yuân imbi anji gunji otmâ miakmâ manmai. ³⁵ Yâhâ Anitâñe lohimbî mumuñambâ mem yahatyekmu manman kârikñan mannomai. Sâp yanâmâ himbimân Anitâhât anelolipñane ki miakmai ya yengât dop otmâ yeñe ikñiâk ikñiâk mannomai. ³⁶ Anitâñe nine nanne baratne sâm lohimbî meyekmu anelolipñe yengât dop otmâ manman kârikñan mannomai. ³⁷ Yâhâ Anitâñe mumuñambâ mem yahatyekbuap yakât topñe yuwu sâmune nânghâñet. Nak topñan kâlâp semu lañ lañ sâop yakât den pat Moseñe kulemguop. Den kulemguop yan Kutdâhât yuwu kulemguop. “Yâhâmâ Awaraham, otmu nanñe Isaka, otmu sesene Yakop yâk yengât kunyene tatmâ gamap.” Yawu kulemguop tap. ³⁸ Den kulemguop yakât topñeâmâ yuwu. Emelâk nengât tâmbâlîpnenñe manmâ gawi. Otmu yapâ torokatmâ manmâ ganetâ ganetâ benñe nen yu mansain yu. Otmu gâmâlâk nengât sen tetem mannomai. Nen kerek nengât kunnenñe yamâ Anitâ. Topñe yawu tap. Yamâ yeñe den ya nânghâñetâ keterakyinñimbâp.” Yawu sâop.

³⁹⁻⁴⁰ Yawu sâmu den âlâhât ekune sâm otñetâ umatñe otmu pilâm Mosehât den kâsikum yinñiminiwi nombotñane yuwu sâm ekuwi. “Bawapi, den purik pilâningim eknongoat yakât nânghâmunñe ârândân oap.” Yawu sâm ekuwi.

Anitâñe hânghângumu gewuap sâminiwi yakât Yesuñe âiyongop.

(Mataio 22:41-46 Mareko 12:35-37)

⁴¹ Yawu gârâmâ Yesuñe yuwu sâm âiyongop. “Anitâñe hânghângumu ge tihitnenñe otbuap yamâ

Yâk yenğât topyeņe yawu tap yakât otmâ yâkņe biwiyenjan kionmaihât biwiyene galemahom mannomai.” Yawu sâm ekyongop.

21

Imbi kambut âlâņe nanņe kuriņ kuriņ yâhâp kalop.

(Mareko 12:41-44)

¹ Yawu sâm ekyongomâmâ Yesuņe senņe pilâm lohimbi iri sikumyeņe pato tatyņgiopņe tewetsenņe mem kondoân katmâ arinjetâ yehop. ² Katmâ arinjetâmâ imbi kambut âlâ senņe âlâlâhât umburuk otmâ manopņe tewetsenņe nanņe kuriņ kuriņ yâhâp mem yâhâ kalop. ³⁻⁴ Katmu Yesuņe ekmâ hon bawalipņe yuwu sâm ekyongop. “Lok iri sikumyeņe pato tatyņgiapņe tewetsenņe nombotņeâk katsai. Yâhâ imbi kambut yuņeâmâ nanņe kuriņ kuriņ yâhâp kârikņe tatbangimap ya bâiņe katsap. Yakât otmâ Anitâņe imbi kambut yu ekmu âilonņo oap.” Yawu sâop.

Kasalipyenņe taka opon kâmbukņe huhum iton galaņ menomai.

(Mataio 24:1-2 Mareko 13:1-2)

⁵ Yawu sâmu lohimbi kinbi nombotņeņe opon kâmbukņe ekņetâ âilonņo otmu yuwu sâwi. “An-itâhât opon kâmbukņe yu senņe âlâlâ kârikņanajak tuhuwi yu ekmunņe âilonņo lonņo otmâ sem sereakmâ iap.”

⁶ Yawu sâņetâ Yesuņe yuwu sâm ekyongop. “Opon kâmbukņe yu ekņetâ âilonņo lonņo oap yuâmâ hâmbâi kasalipyenņe taka huhum iton

galan mem sennje âlâlâ kâlehen tap yu mem ihilâk mahilâk tuhunomai.” Yawu sâop.

Umatnje topnje topnje teteyiŋgiwuap yakât Yesunje sâop.

(Mataio 24:3-14 Mareko 13:3-13)

⁷ Sâmu sâwi. “Bawapi, gâne opon kâmbukŋahât den eknongoat yakât bonnje sâp girawuân tetewuap? Otmu tetewe sâm otbuap yan wuân kulem tetemu ekmâ nâŋgâmunje keterakningiwuap?” Yawu sâwi.

⁸ Sânetâ sâop. “Lok nombotŋane taka den perâkne yuwu sâm kâityongonomai. “Nâmâ Anitâne hâŋgânohomu ge mansan,” yawu sânomai. Me yuwu mon sânomai. “Sâp pesuk sâwomap. Yakât otmâ nâhâlen torokatmâ tem lâunihinetâ nep menom,” yawu sânomai. ⁹ Otmu sâp yan kapam gotyeŋan me kâlepnehen, me wosapâ wosapâ tetewuap yakât nâŋgâm ki gorâyiŋgiwuap. Yawu tetemu yanâmâ “Anitâne emelâk sâm kalop yakât bulâne teteap,” yawu nâŋgânomai. Otmu kapam topnje topnje tetemu yan yeje nâhâitne “Getek âwurem gewomap,” yawu ki nâŋgânomai. ¹⁰ Angoân lohimbî hânŋan kulemŋan mansai dondâhâlâkne kasa oraŋgim ahonomai. ¹¹ Otmu himbimâmbâ kulem topnje topnje tetemu yan umatnje âlâlâ yuwu teteyiŋgiwuap. Hânŋan kulemŋan mososoŋ awawi guwawi membuap. Po pato teteyiŋgiwuap. Mesek topnje topnje teteyiŋgimu lohimbî dondâhâlâkne munomai.

¹² Yawu gârâmâ umatnje âlâlâ sâm aran yu ki tetewuap yan mitihât kasane nâhât den pat âlepne nâŋgânetâ gemu hakyenjan sâm den

âiân katyeknomai. Den âiân katyekmâ mem âlâlâ tuhuyekmâ hâhiwin yinginomai. Otmu yeņe miti emetņan yâhâ nâhât den pat âlepņe ya ekyongonjetâ yâkņe nângânetâ ki bulâņe otbuap. Yawu otmâ meyekmâ lok kunlipyenaje den sâm hâreyinginetgât yâk yeņgât senyenjan katyeknetâ kinnomai. ¹³ Yâk yeņgât senyenjan kinmâ yeņe nâhât den pat âlepņe sâm tetem ekyongonomai. ¹⁴ Sâp yan “Den mâtâpņe girawu watmâ ekyongomunņe nângânetâ keterakyingiwuap” yakât ki nângâm gorâyingiwuap. ¹⁵ Sâp yanâmâ nâņe den âlâlâ nângân nângânyenjan katmune lauyeņe hewewen otmu den pat âlepņe sâm kusânmâ ekyongonomai. Sâm kusânmâ ekyongonjetâ kasalipyenaje denyeņe ya kuyingine sâm hâum pâpgunomai. Yakât ki nângâm kiwilin otnomai. ¹⁶⁻¹⁷ Sâp yan yeņe nâ orop biwinenņaje kepeakmâ konohâk otmu mannomai yakât nângâm âwâ mâmâlipyeņe, imi atalipyeņe, wârâ toulipyeņe, hep torehenlipyeņe, bukulipyeņe, otmu lohimbi kerekņe nângâyinginetâ gemu hakyenjan sâm den âiân katyeknomai. Den âiân katyekmâ nombotņe yongonjetâ munomai. ¹⁸⁻¹⁹ Yawu otyinginetâ yanâmâ hâkyeņe ki biuk sâwuap. Yeņe kârihem kinmâ ki betnohonomai yanâmâ Anitâņe meyekmâ manman kârikņan katyekmu mannomai.” Yawu sâop.

Yerusalem kapi itit kiom tuhujetâ kâwurumņajak kinbuap.

(Mataio 24:15-21 Mareko 13:14-19)

²⁰ Yesuņe torokatmâ yuwu sâm ekyongop. “Kasalipyeņe yeņgât hep bero kiņgitņe orowâkņe

taka Yerusalem kapi hawamgum kinjetâ kapi ambolipņaje yekmâ yuwu nâņgânomai. “Nongom itit kiom tuhunenekne sâm takai mon?” Yawu nâņgânomai. ²¹ Yerusalem kapi hawamgum kinjetâ yekmâ Yuraia hânân kapi tatmâ arap ya ambolipņaje pilâm itoņ galan otmâ hewukņehen ari misiņguraknomai. Otmu Yerusalem kapi ambolipņaje gurâ yawuâk sururuk sâm ari misiņguraknomai. Yâhâ nep tuhuakmâ mannomaiņe âwurem taka kapiân iri sikumyene miaknehât ki nâņgânomai. Yekmâ yapâek hewukņehen ari misiņguraknomai. ²² Sâp yan Yura lohimbiņe otņetâ bâlemap yakât matņe menomai yakât nâņgâm emelâk emet inânņan miti pepaen kulemgowi.

²³ Imbi tepdâ umat karat mannomai, otmu ņaņa hewâk hewâhâk mem hikakmâ manņetâ wâtyeņe ki tiņ tiņ sâwuap yaņe hewukņehen arine sâm otņetâ ki ihiwuap. Sâp yan umatņe pato nandoroņe kakyeņan yâhâwuap. ²⁴ Nombotņe yongoņetâ munomai. Yâhâ nombotņe âlâmâ hikum meyekmâ kapi âlâengen ariņetâ hoņ bayiņgim mannomai. Yawu otyiņgim Yerusalem kapi itit kiom tuhuņetâ kâwurumņanak kinbisâp yakât Anitâņe sâm kalop. Yâhâ Anitâņe nâņgâyiņgimu âlâkuâk âwurem taka kasalipyene watyekņetâ ariņetâ kapiyene ya mem miwirikunomai.” Yawu sâop.

Yesuņe âwurem gewe sâm otbuap yan kulem topoņe topoņe tetemu eknom.

(Mataio 24:29-31 Mareko 13:24-27)

25-26 “Umatje topje topje tetewuap yanâmâ hilâmgât emetsenje, omongât emetsenje, pitu âlâlâ himbimâmbâ pek sâm gejetâ kulem topje topje tetemu ekmâ kingityenahât otmâ “Wosapâ ari misinguraknom,” sâm tepyeje hârok hindânomai. ²⁷⁻²⁸ Kulem yawuya tetewuap yan nâje âwurem ge meyekmâ manman kârikjan katyekmune mannomaihât sâpje tâlâhuap sâm senyeje ewaken pilâm nâ neknomai. Sâp yanâmâ Anitâje yâhâpje hângânnohomu elem kulewonjon kakjambâ gemune kulem âlâlâ tetewuap yan wâtne pato tetemu ekjetâ ae seje seje otbuap.

Bândup baiako yakât dop.

(Mataio 24:32-35 Mareko 13:28-31)

²⁹⁻³⁰ Sâp yan âwurem gewom yakât nângâjetâ keterahâkgât den âlâen hâum sâwe. Nenâmâ bândup baiako ya huhuakmu ekmâ yanâmâ “Emet kinbe sâm oap,” sâmain. ³¹ Yakât dopjeâk hâmbâi den yan yukât bulâje tetemu ekmâ yuwu sânomai. “Âo, yu Yesuje emet inânjan den eknongop yakât bulâje tetemu eksain.” Yawu sânomai.

³² Otmu den yan yuâmâ lohimbi âun yu mansai ki mujetâek bulâje tetewuap. Yakât yuwu sâwe. Den yan yukât bulâje bulâjanâk tetewuap. ³³ Yâhâ hân himbim pitu âlâlâ emelâk Anitâje kalop ya bi-atmâ metewuap. Yawu gârâmâ nâhât den yamâ ki biatbuap. Yamâ tat tat kârikje tatmâ yâhâmbisâp.” Yawu sâm ekyongop.

Biwi golâek mannom.

³⁴⁻³⁵ Otmu Yesuje torokatmâ yuwu sâm ekyongop. “Gakom katjetâ seloje ga goka nem

gakom ya kum pesuk pilâmu dâk dâk hutuk kumap yakât dopņeâk nâņe pârâk sânsânâk tetem gemune yanâmâ lohimbi kerekņe otmai memai yakât matņe Anitâņe yingimu menomai. Yakât otmâ yeņe to kârikņe ki nem biwi hâlim otnomai. Me sot kâle, soņgo bau, me senņe âlâlâ topņe topņe miakmâ manman sânduuhân manne sâm yakâlâk biwiyeņe ki hikum mannomai. ³⁶ Yawu otmâ manmâ umatņe topņe topņe teteyingimu biwiyeņe orotok sâmu loholemai hât biwi golâek manmâ Anitâhâlen biwiyeņe kepeim ulitgum mannomai. Yawu manņetâ nâņe âwurem ge lohimbi biwiyeņahât topņe ekmâ nâņgâm den sâm hâreyingiwom yanâmâ yeņe ki aņulaknomai.” Yawu sâm ekyongop.

³⁷⁻³⁸ Yâhâ omoņânâk ârândâņ lohimbi kiņgitņe orowâkņe Yesuhât denņe nâņgâne sâm opon kâmbukņan yâhâ tatņetâ den kâsikum yingim gaop. Yawu otmâ emet riņ sâowân kapi ya pilâm Oliwa pumņan kapi âlâ tap yan yâhâ iminiop.

22

Yesu muâkğât den sâm hikuwi.

(Mataio 26:1-5,14-16 Mareko 14:1-2,10-11 Yoane 11:45-53)

¹ Otmu Natik Hombaņ ya tâlâhuop. Otmu hombaņ yakât kutņe âlâmâ “Tihit tihit Hombaņ” yawu sâmai. ² Hombaņ ya tâlâhumu yanâmâ hotom uminiwi ya yeņgât kunlipyene otmu Mosehât girem den kâsikum yingiminiwiņe menduhuakmâ Yesu kumunņe mumbuap sâm yakât den hikuwi.

Yawu gârâmâ Yesu mem kujetâ mumu lohimbiņe ekmâ kuk otmaiĥât yok pilâm lohotņan mem kujetâ mumbuap yakât den hikuwi.

Yurasinje Yesu betņehen kionġbuapġât sâop.

³⁻⁴ Otmu sâp yan Yesuhât hoņ bawalipņe kâiân yâhâp yâk yeņġâlen ġâtņe âlâ, kutņe Yurasi sâm, yâkât biwiņan Satanņe kionġop. Satanņe biwiņan kionġmu hotom uminiwi yeņġât kunlipyene otmu opon kâmbukņahât tembe lâu yeņġât kunlipyene yeņġâlen ariop. Ari Yesu menomai yakât ekyongop. ⁵ Ekyongomu nâņġâm herone otmâ hâmeņe waņnomai yakât ekuwi. ⁶ Otmu girawu tuhum yok pilâm meņetâ lohimbiņe ki eknomai yakât nâņġâm manop.

Yesu hoņ bawayâĥâtņe sot um mem dinņan tuhuowot.

(Mataio 26:17-25 Mareko 14:12-21 Yoane 13:21-30)

⁷ Natik Hombaņ ârândâņ lama nanņe ġâim katmâ Anitâĥât hotom uminiwi. ⁸ Sâp ya tetemu Yesuņe Petoro yet Yoane yuwu sâm ekyotgom hâņġânyotgop. “Yetņe kulet sâm Yerusalem kapiân yâhâ sot umutâ gamunņe orowâk nenom.”

⁹ Sâmu sâowot. “Emet wosan ari sot umutņe semu ġaņetâ orowâk nenom?”

¹⁰ Sâmutâ sâop. “Kapiân yâĥâmutâ hoņ bawa lok âlâ âsâpņe lâuakmâ arimu ekdomawot. Lok ya ekmâ betņan watmâ ari emet âlâen yâĥâmu ekmâ yan yâĥâromawot. ¹¹ Yâĥâmâmâ emet yakât amboņe yuwu sâm ekuromawot. “Nengât bawap-inenņe yuwu yap. “Nâņe hoņ bawalipne meyek-mune emet yukât biwiņe âlâen tatmâ sot um

nenom.” Yawu yap yakât otmâ emet biwiņe ya tiripnotgorâ ekde,” yawu sâm ekuromawot. ¹² Yawu sâm ekumutâ lok yaņe dâiyelekmâ emet biwiņe âlâ mem heņgenņunetâ tap ya tiripyot-gowuap. Tiripyotgomu yanâmâ senņe âlâlâ mem dinņan tuhuromawot.”

¹³ Yawu sâm hâņgânyotgomu yâhâowot. Yâhâ Yesuņe den ekyotgop watmâ senņe âlâlâ mem dinņan tuhuowot.

Yesuņe hoņ bawalipņe orop sot newi.

(Mataio 26:26-30 Mareko 14:22-26 1 Korinti 11:23-25)

¹⁴ Mem dinņan tuhumutâ emetsâpņe otmu yan Yesuņe hoņ bawalipņe nombotņe meyekmu yâhâ sot newi. ¹⁵ Nem tatņetâ Yesuņe yuwu sâm ekyongop. “Sâmune nâņgâņet. Anitâhât den ki lâum manmaine menekmâ Roma yeņgât bâtyeņan kat-nekņetâ yâkņe mem âlâlâ tuhunekņetâ sât gum mumbom. Yakât otmâ aņgoân yen orop tatmâ lau konok sot nem buku oraņgim mannomgât nâņgâm biwinane mem manmâ gan. ¹⁶ Yâhâ hâmbâi An-itâņe hâņgânnohomu âwurem gewom yanâmâ nâhât âine yakât bulâņe baine tetewuap. Sâp yanâmâ nenņe menduhuakmâ orowâk tatmâ sot nem yâhânom.”

¹⁷ Yawu sâm wain to mem Anitâ mepaem yingim yuwu sâm ekyongop. “Wain to yu mem gâim aņgim neņet. ¹⁸ Nâņe sâp yupâek wain to yu yen orowâk tatmâ ki nem yâhâwom. Yamâ benņe nenomain yuņak ki pesuk sâwuap. Hâmbâi An-itâņe hâņgânnohomu âwurem gewom yanâmâ yen orowâk tatmâ nem yâhâmbisâin.

19 Otmu banğa mem Anitâ mepaem motokmâ yingim yuwu sâ m ekyongop. “Yu mem anğim neğet. Yuâmâ nâhât sunumne yawu oap. Nâğe yengât matyeğe membom. Yakât otmâ sâp sâsâğan banğa nem yâhânomaı yan nâ nâğğânihim manno-mai. Yawu sâ m mem yingimu newi.

20 Sot nem tiğ pilâğnetâ Yesuğe wain to ya yâhâğne mem yingim yuwu sâ m eknongop. “Wain to yuâmâ nâhât hepne yawu oap. Gârâmâ nohoğetâ hepne gemu mumbom yan Anitâğe nâhât den sâ m kalop yakât bulâğe tâğ tâğğk tetewuap. Yawu otmâ Anitâğe lohimbi kerek yengât tosayeğe pilâyingiwuapğât mâtâp tetem henğenğuwuap. 21 Yawu gârâmâ yengâlembâ lok âlâğe betnehen kioğmâ kasalipne yengât bâtyeğan mem katnekbuap. 22 Nâ lok bulâğe nohoğetâ mumbom ya Anitâğe sâ m kalowâke yamâ lok yağe yawu otnihiwuap yakât matğe Anitâğe matğe umatğe wağmu membuap.” Yawu sâop.

23 Yawu sâ m ekyongomu topğe nâğğâne sâ m “âlâhât yap” sâ m âiahowi.

Yesu hoğ bawalipğeğe sâ m kuağğiwi.

24 Yesu hoğ bawalipğeğe yengâlen gâtğe âlâ me âlâğe sâp patoen kunyeğe pato otbuap yakât sâ m kuağğiwi. 25 Sâ m kuağğiğetâ Yesuğe den âlâen hâum yuwu sâ m ekyongop. “Lok papatolipyeğeğe nâğğâmai dopğan lohimbi galemyongomai. Galemyongoğetâ lohimbiğe yâk yengât amutyeğan manmâ “Kutdâlipnenne” sâ m heroğe nâğğâyingimai. 26 Papatolipyeğeğe otyingimai yawu yeğeâmâ ki otnomai. Yengâlen gâtğe âlâ me âlâ bukulipyeğeğe yengât nâğğâyingiğetâ

yahalâkgât yeŋe meŋetâ huruŋ huruŋ otmu yâk yeŋgât amutyenŋan mannomai. Otmu yeŋgâlen gâtŋe âlâ me âlâŋe bukulipyenŋe yeŋgât kunyenŋe pato tatne nâŋgâmaiŋe bukulipyenŋe yeŋgât hoŋ bayiŋginomai. ²⁷ Sâŋetâ nâŋgâwe. Lok girawuya yeŋgât lohimbine nâŋgâyiŋgiŋetâ yahatmap? In tatmâ sot nemai ya yeŋgât nâŋgâyiŋgiŋetâ yahatmap me sot, sot um hoŋ kakoloŋ otyiŋgimai ya yeŋgât nâŋgâŋetâ yahatmap? Bulâŋanâk in tatmâ sot nemai ya yeŋgât nâŋgâyiŋgiŋetâ yahatmap yakâ. Yawu gârâmâ nâŋeâmâ hoŋ bayiŋgiman.

²⁸ Nâ hâhiwin kakŋan manmâ gamune yeŋe ki pilânekmâ âlâengen arai. ²⁹ Yakât otmâ sâp patoen nâŋe tihityenŋe otmâ galemyongowomgât pat awoŋnaŋe kunihiop. Yakât dopŋeâk yeŋe Isirae lohimbini komot kâiân yâhâp ya galemyongonomaihât nâŋe nep sâm yiŋgian. ³⁰ Sâp patoen orowâk tatmâ nenom. Yanâmâ yeŋe Isirae lohimbini komot kâiân yâhâp ya yeŋgât den sâm hâreyiŋginomai ya sâm yiŋgian.” Yawu sâop.

Petoroŋe betbaŋgiwuap yakât Yesuŋe sâop.

(Mataio 26:31-35 Mareko 14:27-31 Yoane 13:36-38)

³¹ Yawu sâm ekyongom benŋe Simon Petoro yuwu sâm ekuop. “Simon, den âlâen hâum yuwu sâmune nâŋgâ. Matuk mendâremunŋe tone gemu helekŋe mem pilâmunŋe arimap yakât dopŋeâk Satanŋe topyenŋe mem tetewe sâm hâhiwin yiŋgiwuapgât Anitâ ekuop. ³² Ekumu Anitâŋe nâŋgâwaŋgim ya sâm kalop. Yawu gârâmâ biwiyenŋe houŋ sâmapgât Anitâ ulitguwan.

Ulitgumune yakât otmâ gâ gikiâk betnohowuat. Yawu otmâ sâp ki kâlep otmuâk nâhâlen biwihane tinjâk kepeim bukulipge mem hewewen tuhuyekbuat.” Yawu sâop.

³³ Yawu sâmu Petoroŋe yuwu sâm ekuop. “Kutdâ, gâ pâi emetŋan katgekŋetâ tatbuat yamâ nâ orowâk yan tatomgât naŋgan. Me gâ gohoŋetâ mumbuat yanâmâ nâ orowâk notgonomaihat naŋgan. Nâŋe gâ ki pilâhekmâ ariwom.”

³⁴ Sâmu sâop. “Petoro, yuwu sâmune nâŋgâ. Gâ betnohom ki nâŋgâwaŋgian sâm kurihiakbuat. Kurihiakdâ kalimbuŋe otmu gokorok isewuap.” Yawu sâop.

Kapam yâhâp mem ariwi.

³⁵ Yawu sâm ekum benŋe hoŋ bawalipŋe kerek yuwu sâm ekyongop. “Emelâk hâŋgânyongomune tewetsenŋe, itâkat, kâi katipŋe, senŋe âlâlâ barahâk ari den kâsikum yinŋiwi sâp yan umburuk otmâ manbi me bia?” Sâmu sâwi. “Bia.”

³⁶⁻³⁷ Sâŋetâ sâop. “Emelâk yawu otbiâke yamâ yiwerenŋe yuâmâ tewetsenŋe, itâkat senŋe âlâlâ ya miakmâ arinomai. Yâhâ emelâk emet inânŋan nâhât nâŋgâm den âlâ yuwu kulemguwi yakât bulâŋe nâhâlen tetewuap. “Yâkât nâŋgâŋetâ lok bâleŋe yawu oap.” Den yakât bulâŋe nâhâlen tetewuap yakât otmâ yengâlen gâtŋe âlâ me âlâ kapam ki tatyinŋiap yâkŋeâmâ yengât hâk katipŋe tuhum pilâm yaŋe mem kapam puluhunomai.

³⁸ Sâmu sâwi. “Kutdâ, yu ek, kapam yâhâp tap.”

Sâŋetâ sâop. “Pesuk yap, yakât denŋe âlâ ki sâwe.”

*Yesuŋe Oliwa pumŋan yâhâ Anitâ ulitguop.
(Mataio 26:36-46 Mareko 14:32-42)*

³⁹ Yâhâ Yesuŋe omoŋ ârândânâk Yerusalem kapi ya pilâm kapi âlâ Oliwa pumŋan tap yan yâhâ iminiop. Yakât otmâ hoŋ bawalipŋe meyekmu Yerusalem pilâm Oliwa pumŋan yâhâwi. ⁴⁰ Mâtâwân yâhâm tatŋetâ hoŋ bawalipŋe katyekbe sâmu yuwu sâmu ekyongop. “Biwiyeŋe houŋ sâmu lohotŋe otmâ pilânekmaihât Anitâ ulitguŋet.”

⁴¹ Yawu sâmu ekyongom pererŋ pilâm bam gâtŋaŋe ge tatmâ Anitâ ulitgum yuwu sâop. ⁴² “O awoŋ, umatŋe tetenihiwe sâmu oap yu nâŋgârâ ki teteâkgât nanŋan. Yawu gârâmâ nâhât ombe watmâ ki otbuat. Gike ombeheâk watmâ otbuat.” Yawu sâmu ekuop. ⁴³ Yawu sâmu ekumu biwiŋe houŋ sâmapgât aŋelo âlâŋe himbimâmbâ ge mâmâŋe otbaŋgiop. ⁴⁴ Yawu otmu hâkŋe biuk sâmu nâŋgâm Anitâhâlen biwiŋaŋe tiŋâk kepeim ulitguop. Ulitgumu ohowak birik birik kumu hep kâtŋe papato tirinŋ târâŋ sâmu gemu ekmain yakât dopŋe tirinŋ târâŋ sâmu hânân giop.

⁴⁵ Yawu otmâ ulitgum tiŋ pilâm yahatmâ hoŋ bawalipŋe yeŋgâlen ba yekmu biwiyeŋe umatŋe otmu yaŋak aman pâlâmŋe iwi. ⁴⁶ Aman pâlâmŋe inetâ mândeyekmâ yuwu sâmu ekyongop. “Yen wongât aman pâlâmŋe iai? Lohotŋe otmâ pilânekmaihât yahatmâ golâek tatmâ Anitâ ulitguŋet.” Yawu sâop.

*Yesu mewî.
(Mataio 26:47-56 Mareko 14:43-50 Yoane 18:3-12)*

⁴⁷ Yawu sâ m ekyongomu bukuyeŋe âlâ, kutŋe Yurasi, yâkŋe lok sesenġâlâk dâiyekmu takawi. Takanjetâ Yurasi kulet sâyŋim Yesuhâlen ba parahuop. ⁴⁸ Parahumu Yesuŋe yuwu sâ m ekuop. “Menekŋetġât dop kum parahunekdâ ekmune bâleap.” Yawu sâop.

⁴⁹ Yawu sâ m ekumu Yesu mem âlâlâ tuhumai sâ m hoŋ bawalipŋaŋe yuwu sâ m âikuwi. “O kutdâ, nânġâningirâ tewet mem lawityekne.” ⁵⁰ Yawu sânetâ yâk yenġâlen ġâtŋe âlâŋe yahatmâ tewetŋe mem hotom uminiwi ya yenġât kunyenahât hoŋ bawaŋe ya ândâpŋe bonângen ya topŋambâek kârâm hâreop. ⁵¹ Kârâm hâremu Yesuŋe “Pilânet,” sâ m kuyiŋgiop. Yawu sâ m kuyiŋgim hoŋ bawa yakât ândâpŋe ya mem katmu katarahop.

⁵² Yawu otmâ hotom uminiwi ya yenġât kunlipyenŋe, otmu opon kâmbukŋahât tembe lâu yenġât kunlipyenŋe otmu Yura yenġât papatolipyenŋe yekmâ Yesuŋe yuwu sâ m ekyongop. “Yen unam tewet otmu kapamġât sâtŋe metŋe âlâlâ lâum takai. Yeŋe nâhât lok bâleŋe sâ m menekne sâ m takai me? Me lok bâleŋe âlâ kune sâ m takai? Yu ekmune bâleap. ⁵³ Nâŋe hilâm ârândânġ Anitâhât opon kâmbukŋan yâhâ lohimbi den kâsikum yŋgim gaman. Yan bân menekbâi. Yamâ sâp yiwerenŋe yu Omoŋġât Amboŋaŋe biwiyenŋe mem hâlingumu meneknomaihât Anitâŋe sâ m kalop.” Yawu sâop.

Petoroŋe Yesu betbaŋgiop.

(Mataio 26:57-58,69-75 Mareko 14:53-54,66-72 Yoane 18:12-18,25-27)

⁵⁴ Yesuŋe yawu sâŋ ekyongomu hotom uminiwi ya yengât kunyeŋe pato yâkât emelan dâim ariwi. Dâi arinetâ Petoroŋe yok pilâm betyeŋan watyekmâ ariop. ⁵⁵ Yesu mem emelan yâhâŋetâ tembe lâu yaŋeâmâ emet hawiŋan ba kâlâp uŋetâ semu nâŋgâm ikaiakmâ tatbi. Yâhâ Petoro yâku yawuâk kâlâp nâŋgâm ikaiakmâ talop. ⁵⁶ Yawu tatŋetâ hoŋ bawa imbi âlâŋe Petoro ekmâ yuwu sâŋ tembe lâu tatbi ya ekyongop. “Lok yuâmâ yâk orop manŋetâ yekman.” Yawu sâop.

⁵⁷ Yawu sâmu Petoroŋe kurihiakmâ yuwu sâop. “Lok enda ki nâŋgâwaŋgian.” Yawu sâop.

⁵⁸ Yawu sâmu tatŋetâ benŋe lok âlâŋe ekmâ yuwu sâop. “Gâ yâk orop manmat.”

Sâmu sâop. “Nâ bia.”

⁵⁹ Yawu sâmu sâp ki kâlêp otmuâk benŋe lok âlâŋe ekmâ yuwu sâop. Yesuâmâ Galilaia amboŋe. Otmu gâ gurâ yawuâk Galilaia gâtŋe. Yakât otmâ gâmâ yâkât komolân gâtŋe geksan. Nâŋgâmunne yawu oap.” Yawu sâop.

⁶⁰ Sâmu sâop. “Lok sâŋ tai endamâ bulâŋanâk ki nâŋgâwaŋgian.” Yawu sâŋ oan mâne gokorok isiop. ⁶¹ Gokorok isian mâne Yesu Kutdâŋe purik sâŋ Petoro ehop. Ekmu yan Yesuŋe emet inânŋan den yuwu sâŋ ekuop ya nâŋgâmu teteop. “Gâŋe nâhât “ki nâŋgâwaŋgian” sârâ kalimbuŋe otmu yan gokorok isewuap.” ⁶² Den ya nâŋgâmu tetemu biwiŋe ŋasinâk pato otmu pilâyekmâ ikŋiâk ba kinmâ hik ŋâik ŋâihâk isiop.

*Yesu mem âlâlâ tuhuwi.
(Mataio 26:67-68 Mareko 14:65)*

⁶³ Otmu tembe lâu nombotņe Yesu galemgum kinbiņe senņe sâhâm kâtâpgum ândâpņe huhuwi.
⁶⁴ Ândâpņe huhum nombotņe yuwu sâwi. “Bâiņ, ândâpņe âlâņe huhuap?” ⁶⁵ Yawu sâm senņan gem hâim hilitbi.

Yesuņe ikņe topņe sâm tetem ekyongop.

(Mataio 26:59-66 Mareko 14:55-64 Yoane 18:19-24)

⁶⁶ Yawu otņetâmâ emet haņ sâmu yanâk Yura yeņgât papatolipyene, otmâ hotom uminiwi ya yeņgât kunlipyene, otmu Mosehât girem den kâsikum yingiminiwiņe menduhuakņetâ tembe lâulipyeneņe Yesu mem yâhâ katņetâ kinmu yuwu sâm âikuwi. ⁶⁷ “Anitâņe tihitnenņe otbe sâm hâņgâņgohomu ge mansat me bia?”

Sâņetâ sâop. “Nine topne sâm tetem ekyongomuneâmâ nâņgâņetâ ki bulâņe otbuap. ⁶⁸ Yâhâ den âlâ âiyongomuneâmâ yeņe matņe ki sânomai.
⁶⁹ Yawu gârâmâ nâ lok bulâņe pilâyekmâ himbimân yâhâwom. Himbimân yâhâ Anitâ yahat yahatņe, Wâtgât Ambone, yâk orowâk tatdom.”

⁷⁰ Yawu sâmu nâņgâm pârâk pilâm yuwu sâm ekuwi. “Kutne “Lok Bulâņe” sâm gikak ahonakmat. Yakât nâņgâmunņe “Anitâhât Nanņe” yawu oap. Yakât sârâ nâņgâne. “Nâ Anitâhât nanņe mansan,” yawu sâmat me.”

Sâņetâ sâop. “Den yu yai yakâ. Nâmâ Anitâņe hâņgâņnohomu gewan.”

⁷¹ Sâmu sâwi. “Bâiņ, den kâmbukņe hâliliņe sâmu nâņgâmunņe pesuk yap. Iknjahât nâņgâmu yahatsap.” Yawu sâwi.

23

Yesu dâim Pilatohâlen ariwi.

(Mataio 27:1-2,11-14 Mareko 15:1-5 Yoane 18:28-38)

¹ Yawu sâam yahatmâ Yesu dâim Pilatohâlen ariwi. ² Yâkâlen dâim ari katjetâ kinmu yuwu sâam haknan sâwi. “Roma lok yengât kunyeje pato yâk takesi ki wanjet” sâam lohimbi engatyejan gemap. Otmu ikjahât nângâmu yahatmu yuwu sâam ekyongomap. “Nâ Kiristo, lok kutdâ. Ninak galemyongom manmâ yâhâwom.” Yawu sâam haknan sâwi.

³ Yawu sâam Pilato ekujetâ yâkne purik sâam Yesu yuwu sâam âikuop. “Yura lohimbi yengât lok kutdâ sâmai ya gâ me?”

Sâamu sâop. “On, den bulâne yat.” Yawu sâop.

⁴ Yawu sâamu hotom uminiwi otmu lohimbiye denne nângâne sâam ga kinbi ya Pilatone yuwu sâam ekyongop. “Lok yukât tosa ki mem tetean.”

⁵ Yawu sâamu iliwetmâ yuwu sâwi. “Yawu gârâmâ Galilaia Yuraia hânân kapi tatmâ arap yan lok yune yâhâm gem kapi ambolipne den kâsikum yingim engatyejan gemu kuk kapam otmâ emet mem yâhâ katmai.” Yawu sâwi.

Yesu dâim Herotgâlen ariwi.

⁶ Yawu sâam Pilato ekujetâ yuwu sâam âiyongop. “Lok yuâmâ Galilaia gâtne me?”

⁷ Sâamu sâwi. “On, yan gâtne.”

Sânetâ sâop. “Ya Herotgât wahap, nâhât bia.” Yawu sâop.

Sâp yan Herotne Galilaia hân pilâm Yerusalem kapiân ari tatmâ nângâop. Yakât otmâ Pilatone ekyongomu Yesu dâim Herotgâlen ariwi. ⁸ Yâhâ

Yesuᅇ olop miop yakât den pat ya Herotᅇ emelâk nânᅇâop. Yakât otmâ Yesuᅇ kulem âlâlâ tuhumu ekbeâk nânᅇâm manmâ gaop. Yakât otmâ Yesu dâim yâkâlen arinᅇtâ ekmâ tep âlep nânᅇâop. ⁹ Otmu den hakᅇan sâwi yakât âikumu den biaek kinop. ¹⁰ Den biaek kinmu hotom uminiwi otmu Mosehât girem den kâsikumu yinᅇiminiwiᅇ yahatmâ kinmâ den topᅇ topᅇ hakᅇan sâwi. ¹¹ Yawu otᅇetâ Herotᅇ otmu tembe lâulipᅇ orowâk senᅇan gem hâim hilitbi. Yawu otᅇetâ Herotᅇ tembe lâulipᅇ ekyongomu hâk katipᅇ kâkâlep, kuriᅇ takop takop lok kutdâᅇe mânunjakminiwi yawuya mem katbaᅇgiwi. Yawu otbaᅇgim Pilatohâlen dâim âwurem ariwi. ¹² Dâim âwurem arinᅇtâ ekmâ “Herotᅇ nânᅇânihiap,” sâm Pilatᅇ Herotᅇgât nânᅇâmu yahatmu buku olowot. Yawu gârâmâ emelâk emet inânᅇan kasa oraᅇgim gaowot ya sâp yan pesuk sâop.

Yesu den sâm hârewaᅇgiwi.

(Mataio 27:15-26 Mareko 15:6-15 Yoane 18:39-19:16)

¹³ Yâhâ Pilatohâlen dâim âwureᅇetâ hotom uminiwi ya yengât kunlipyeᅇe otmu Yura papatolipyᅇe ya yengât den Pilatᅇ katmu ikᅇe den sâsâ emetᅇan ari menduhuakbi. Menduhuakᅇetâ yan lohimbi inᅇe dondâhâlâkᅇe yekmâ denyᅇe nânᅇâne sâm ba hawamᅇum kinbi. ¹⁴ Pilatᅇ yuwu sâm ekyongop. “Lok yuᅇe lohimbi yengât enᅇatyᅇan gemu kuk kapam otmai,” yawu sâm yeᅇe nâhâlen dâim takai. Nâhâlen dâim takaᅇetâ senyeᅇanâk âi pâi tuhumu sâm hârewaᅇgim ekmune tosaᅇe bia oap.

15 Yakât otmâ Herotņe sâh hârewaņgiâkgât yâkâlen hâņgânyongomune dâim arai. Otmu yâkņe gurâ âi pâi tuhumu biatmu benņe nâhâlen yâhâpņe mem takai. Bulâņanâk yuwu sâhune nâņgâņet. Lok yukâlen tosa âlâ ki mem tetean.” Yawu sâop.

16-17 Tihit tihit Hombaņ ârândâņâk Pilatoņe yuwu otminiop. Lok tosa otņetâ pâi emetņan katyekņetâ tatminiwi yapâ gâtņe âlâ me âlâhât lohimbņe nâņgâņetâ dopņan otmu lok âlâ holaņbuat sâhiniwi ya holaņyekmu geminiwi. Yakât otmâ yuwu sâh ekyongop. “Lok yu kumunņe mumbuap yamâ tosa âlâ yâkâlen ki mem tetean. Yakât otmâ nâņgânihiņetâ tembe lâulipne ekyongomune hâhiwin waņetâ holaņmune gewuap.” Yawu sâop.

18-19 Yâhâ sâp yan lok bâleņe âlâ, kutņe Barawa sâh, yâkņe kapam ahowiân lok âlâ kumu muop. Yakât otmâ pâi emetņan mem katņetâ tatmâ gaop yakât lohimbî kerekņe den kârikņan halahum yuwu sâwi. “Barawa holaņdâ giâk. Yâhâ Yesu yamâ kuņetâ muâk.”

20 Yawu sâwiâke yamâ Pilatoņe Yesu holaņmu giâkgât nâņgâm âlâkuâk sâop. “Nâmâ Yesu holaņbom.”

21 Yawu sâmu lohimbî yaņe iliwetmâ den kârikņan halahum yuwu sâwi. “Yesu howanân kum kânâņgâņetâ muâk, Howanân kum kânâņgâņetâ muâk.”

22 Yawu sâņetâ Pilatoņe âlâkuâk yuwu sâh ekyongop. “Wuân otmu bâleap? Nâņe âi pâi tuhumu tosa âlâ yâkâlen ki mem tetean. Yakât otmâ tembe

lâulipne ekyongomune hâhiwin wanjetâ yanâmâ holaŋmune gewuap.”

²³ Yawu sâmu kunyeŋe kârikŋe otmâ sâwi. “Howanân kum kânâŋgâŋetâ muâk.” Yawu sâŋetâ Pilatoŋe loholem lauyeŋan miop. ²⁴ Lauyeŋan mem Yesu kuŋetâ muâk sâm sâm hârewaŋgiop. ²⁵ Yâhâ Barawahât nâŋgâŋetâ yahalop gârâmâ yâk holaŋmu giop.

Yesu howanân kuwi.

(Mataio 27:32-44 Mareko 15:21-32 Yoane 19:17-27)

²⁶ Pilatoŋe tembe lâulipŋe ekyongomu Yesu dâim ariwi. Dâim mâtâwân arim tatŋetâ lok âlâ, kutŋe Simon sâm, yâhâmâ Kirene hânân gâtŋe, newâŋgembâ takamu mewi. Mem Yesuhât howan ya kambenjan katŋetâ lâum Yesu betŋan sâop. Otmu lohobi dondâhâlâkŋe betyeŋan watyekmâ ariwi.

²⁷ Yâhâ imbi nombotŋe Yesuhât we bâle nâŋgâm dondâ isem orowâk ariwi. ²⁸ Iseŋetâ Yesuŋe purik sâm yekmâ yuwu sâm ekyongop. “Nâhât ki iseŋet, yeŋe otmu nimnaomlipeŋe yeŋahât iseŋiŋet. ²⁹ Hâmbâi umatŋe topŋe topŋe teteyiŋgimu yuwu sânomai. “Bâe, imbi kâsi, imbi sihan, yâhâmâ naom barak mansai. Yakât otmâ yâk yeŋgât nâŋgâmunŋe âlepŋe oap. Nenneâmâ girawu otmâ arinom.” Yawu sânomai. ³⁰ Yâhâ lohimbi nombotŋaŋe pumŋe yukât yuwu sânomai. “Bâok sâm kurihinenehâk. Otmu kât kândun kum kurihinenehâk.” Yawu sânomai. Yakât den âlâen hâum yuwu sâmune nâŋgâŋet. ³¹ Nâ nak golâ yakât dop oan, yenâmâ nak mumuŋe yakât dop oai. Nak golâ uŋetâ semu kâliŋgumap yamâ nak mumuŋe

uñetâ sem lañ lañ sâmap. Nâ nohoñetâ mum-bom yamâ yenâmâ yongom meteyeknomai. Yakât otmâ yenhât iseaññet.” Yawu sâm ekyongop.

³² Yâhâ tembe lâulipyenñe pet kulem lok yâhâp orowâk yongone sâm meyekmâ ariwi. ³³ Arim hân âlâ, kutñe, Lok Kunñe Hahitñe sâm, yan ari Yesuhât hâk katipñe tuhum pilâm ikñe howanân kum kânânñgâñetâ kinop. Yawu otmâ pet kulem lok yâhâp ya yotgom lâum kânânñgâyelekñetâ nombot nombot kinowot. ³⁴ Yawu otyiññetâ Yesuñe yuwu sâm Anitâ ulitguop. “Awoñ, otnihiai yukât topñe ki nañgai. Yakât otmâ tosayeñe pilâyññihât nañgan.”

Yawu sâmu tembe lâulipyenñe yâkât hâk katipñe mem “Âlâñe miakbuap?” sâm mem ketetmâ katbi. Mem ketetmâ katñetâ tatmu pepa duhatmâ tipi tapi tuhum kutyeñe ikñiâk ikñiâk yan kulemgum amanân mânunñetâ giop. Mânunñetâ gemu mem gulip malap tuhum yapâ pepa âlâ meñetâ kut teteop yañe miahop. Yawu otbi.

³⁵ Otmu Yura yengât papatolipyenñe Yesu giriñbañgim lohimbi ekmâ kinbi ya yuwu sâm ekyongowi. “Lok yuñe lohimbi nombotñe tânyongomu ekmain. Yâhâ Anitâñe hânñgângumu ge Yura nengât tihitnenñe otmâ kutdânennenñe mansap otmuâmâ ikñe tânahom howanâmbâ kâpehakmâ giâk.” Yawu sâm senñan gewi.

³⁶ Otmu tembe lâulipyenñe gurâ yawuâk senñan gem giriñbañgiwi. Yawu otmâ yâk yengâlen gâtñe âlâñe ari sâñgum âlâ mem nak bâtbâtñe potonñan pân pân kepeim yañe wain to bâleñe yan walipgum mem yâhâ launñan kalop. ³⁷ Launñan

katmâ yuwu sâm senjan giop. “Gâmâ Yura yengât lok kutdâ mansat otmuâmâ kêpehkmâ ge.” Yawu sâop.

³⁸ Yâhâ howan yakât kunjan den yuwu kulemgum katbi. “Lok yuâmâ Yura yengât lok kutdâ.” Yawu sâm kulemgowi.

³⁹ Yâhâ pet kulem lok yâhâp yotgom kânângâyeleknetâ kinowot ya âlâne yawuâk senjan gem yuwu sâm sâwanjiop. “Bâe, lok kopa. Anitâne tihitnenne otbe sâm hângângohomu ge mansat. Yakât otmâ kêpehkmâ gem net orowâk tânotgorâ gene.”

⁴⁰ Yawu sâmu bukujañe nekamjan yuwu sâop. “Girawu otmâ Anitâ ki ewe katsat? Papatolipnennjañe dop konohâk sâm hâreningiai.

⁴¹ Yâhâ netjeâmâ otmutje bâleop. Yakât otmâ sâm hârenitgim notgoñetâ mundom yañe ârândân oap. Yâhâ lok yuâmâ tosa ki olop yamâ imbiâk kuai. ⁴² Yawu sâm bukuje ekuop. Denne purik sâm Yesu yuwu sâm ekuop. “Yesu, yuwu sâmune nângâ. Anitâne hângângohomu âwurem ge galemnongowuat yan nâ nângânihiwuat.”

⁴³ Sâmu sâop. “Emet ki ñij sâmuâk mum yâhâ manman sânduhân tatdom.”

Yesu muop.

(Mataio 27:45-56 Mareko 15:33-41 Yoane 19:28-30)

⁴⁴ Yawu sâm ekumu hilâm kêrikjan, 12 kilok olop yan Anitâne nângâmu emetsenñe bok sâmu omoñ sahapop. Omoñ sahakmâ yapâ ari emetsâpñe 3 kilok otmu emet lañinñe âlâkuâk pilâop. ⁴⁵ Otmu

emelâk lohimbi inņe opon kâmbukņe yakât biwiņe ekmai sâm sâņgum kâlep pato hikunjetâ ya kâtâpguminiop. Sâņgum yaņe pânambâek tok sâm hâreakmâ nombot nombot otmu tetekņan olop.⁴⁶ Sâp yanâk Yesuņe den kârikņan halahum yuwu sâm Anitâ ekuop. “Awoņ, mumbe sâm oan. Yakât otmâ umutne me.

⁴⁷ Yesu muop sâp yan tembe lâu ya yengât kunyene âlâ hâlânma kinopņe ekmu âlâ kândâkdâ otmu Anitâ mepaem yuwu sâop. “Yuâmâ lok âlepņe.” Yawu sâop. ⁴⁸ Otmu lohimbi kinbiņe kulem âlâlâ tetemu ekņetâ âlâ kândâkdâ otmu muop yakât nâņgâm biwiyene umatņe otmu emetyeņehen âwurem ariwi.

⁴⁹ Otmu imbi nombotņane Galilaia hân pilâm Yesu betņan takawi yâkņe bukulipyene orowâk kâlepņan kinmâ kulem teteop ya ekbi.

Yesu lâum ari hanguwi.

(Mataio 27:57-61 Mareko 15:42-47 Yoane 19:38-42)

⁵⁰⁻⁵¹ Otmu lok âlâ, kutņe Yosep sâm, yâkât topņeâmâ yuwu. Lok yamâ Arimata kapi ya Yuraia hânân tap yapâ gâtņe. Otmu Anitâņe Isirae lohimbi yengât tihityene otmâ ikņe hoņ bawaņe hâņgâņgumu gewuap sâminiwi yâkât mambotmâ lohotņan manmâ gaop. Yâhâ emelâk hotom uminiwi ya yengât kunlipyene otmu Mosehât girem den kâsikum yinġiminiwi otmu Yura yengât papatolipyeneņe Yesu muâkgât den sâm hârewaņgiwiâke yamâ yâkņe nâņgâmu ki ârândâņ otmu sâyinġiop. Lok yaņe Yesu lâum ari hanguwe sâm Pilatohâlen ari tetewaņgiop.

52-53 Tetewangimu laujan memu bukulpne meyekmu ari howanâmbâ Yesu mem sângum kaokne katipguwi. Katipgum lâum ari kât mâtâpne âlâ, dikin yawuya, yamâ emelâk kusânma mem tingâlojetâ kinop yan lâum ari katbi. ⁵⁴ Yâhâ momeje emetsâpne sâp yan lâum ari katbi.

⁵⁵ Emet niñ sâwe sâm otmu yan imbi nombotnañe Galilaia hân pilâm Yesu betnan takawine Yosep orowâk ari sângum kaokne Yesu katipgum kât mâtâpnan katjetâ talop ya ekbi. ⁵⁶ Ekmâ to kukne suk suk âilonço mem ga Yesu pirine sâm otmâ kapiân âwurem ariwi. Yâhâ emelâk embânân Moseje girem den âlâ kulempuop ya yuwu tap. “Tatmâ nânçâ nânçâ sâpnan âi ki tuhunomai.” Den ya lâum kapiân in tatmâ nânçâwi.

24

Yesune mumuñambâ yahalop.

(Mataio 28:1-10 Mareko 16:1-8 Yoane 20:1-10)

¹ Emet hañ sâmu imbi yañe yahatmâ to kukne suk suk mem sumângen ariwi. ² Ari senyeje pilâm eksain mâne kât pato lâum hâpunjetâ ba mâtâpne ya mañguop ya âlâengen ba talop. Yawu otmu mâtâpne ya teteknan kinmu ekbi. ³ Ekmâ kâlehen yâhâm Yesuhât pânbi. ⁴ Yesuhât pânnetâ biatmu kinjetâ yanâk anelo yâhâp yâk yetgât hâk katipne kaok bolañ bolañ yañe pârâk sânsânâk teteyiñgim kinowot. ⁵ Teteyiñgim kinmutâ yelekmâ pârâk pilâm umutyene ariop.

Umutyene arimu yuwu sâm imbi ya ekyon-gowot. “Yenâmâ wongât lok senje golâ ya pânma sumân takai? ⁶ Emelâk yahatmâ arap. Emelâk

yeŋe Galilaia hânân yâk orop manŋetâ den ekyongop yakât nelâm yongoap me? ⁷ Emelâk yuwu sâŋ ekyongop. “Lok âlâŋe nâ lok bulâŋe nâŋgâm bâlenihim Roma yeŋgât bâtyeŋan mem katnekmu nohoŋetâ mumbom. Mumune hanoŋetâ hilâm kalimbu pesuk sâmu yan yahatbom.” Yesuŋe yawu sâŋ ekyongop.” Yawu sâowot.”

⁸ Yawu sâŋ ekyongomutâ nâŋgân nâŋgânyeŋe pâronŋ sâmu nâŋgâŋetâ teteop. ⁹ Nâŋgâŋetâ tetemu pilâyelekmâ âwurem ari yakât den pat Yesu hoŋ bawalipŋe kâiân konok otmu bukulipyene nombotŋe ¹⁰ ekyongowi. ¹⁰ Imbi sumân ariwi ya yeŋgât kutyeŋeâmâ yuwu. Maria, Matala kapiân gâtŋe, âlâmâ Yoana, âlâmâ Maria Yakop mâmâŋe. Yâkŋeâmâ bukulipyene orowâk ari den pat ya Yesu hoŋ bawalipŋe ekyongowi. ¹¹ Ekyongonŋetâ nâŋgâŋetâ porap olop. ¹² Yawu gârâmâ Petoroŋe yahatmâ sumâŋen sururuk sâŋ ari lâŋ sâtŋanâk kinmâ ehop. Eksan mâne sâŋgum kâlep mem Yesu katipgum katbi yaŋahâk tatmu ehop. Êkmâ “wuân kulem eksan” sâŋ nâŋgâm kiwilim emetŋan âwurem ariop.

Lok yâhâp Emausi kapiâŋgen ariowot.

(Mareko 16:12-13)

¹³ Sâp yanâk Yesuhât komolân gâtŋe lok yâhâp Emausi kapi Yerusalem kapi gotŋanâk tap yan ariowot. ¹⁴ Mâtâwân arim tatmâ papatolipyenâŋe Yesu kuŋetâ muop yakât alahum weyetŋe nâŋgâowot. ¹⁵ Yawu otmâ arim tatmutâ Yesuŋe teteyitgimu orowâk ariwi. ¹⁶ Orowâk ari kundenŋe ehovorâke yamâ lok ondop orop arain yawu nâŋgâowot. ¹⁷ Yawu nâŋgâmutâ Yesuŋe

yuwu sâmb âiyotgop. “Wuân denne alahuawot?” Sâmbu hâmeyetne bâlemu kinowot.

¹⁸ Yawu otmâ bukune âlâ, kutne Keleopa sâmb, yâkne yuwu sâop. “Yâhâlen papatolipnennane otbi yakât den pat Yerusalem kapî ambolipne kerekne nangain. Yakât otmâ girawu otmâ yakât pâpkuat?”

¹⁹ Sâmbu sâop. “Wuân otbihât yat?”

Sâmbu sâop. “Wâe, wonângen? Yesu, Nasaret ambone otbângiwi yakât alahum gait. Anitâne Yesu mâmbâne otbângimu yâkât den kâsikum ningim kulem topne topne tuhum manmâ gaop. ²⁰ Yakât otmâ lohimbi kerekne nângâwanjetâ yahatmin-iop. Yamâ hotom umai otmu papatolipnennane yâkât den nângânetâ nahat otmu “Kunjetâ muâk” sâmb sâmb hârewanjiwi. Yawu sâmb hârewanjiwi Roma lok galemlipnennane ekyongonetâ yâkne lauyenan mem howanân kunjetâ muop. Yakât den pat alahum gait. ²¹ Yâkne Isirae nengât kasalipnennane yongom watyekmu arinomial yawu nângâm biwinennane mem manmâ gawin. Yamâ yâhâlen kunjetâ muop. ²²⁻²³ Âun emet hanj sâmbu imbi nombotnane sumângen ari kulem âlâ tetemu ek-sai. Kulem tetemu ekmâ âwurem taka yakât yuwu sâmb eknongoai. “Anjelo yâhâp teteningim “Yesu mumunambâ yahatsap” yawu sâmb eknongoawot.” ²⁴ Imbi yane yawu sâmb eknongonetâ bukulipnetne nombotnane sumângen ari imbi yane den yai ya yene senyenan Yesu eknetâ ki pat.”

²⁵ Yawu sâmb ekumutâ Yesune yuwu sâop. “Nângân nângânyetne umatne. Emelâk Anitâne poropetelipne den ekyongomu kulemgui ya nângâmutâ ki keterakyitgimap. Yakât otmâ yuwu

sâmune nângâyet. ²⁶ Anitâñe tihitnenñe otbe sâm ikñe hoñ bawañe hângângumu ge manmu kuñetâ hâhiwin nângâm muop. Muop yamâ mumuñambâ yahatmâ tatmâ yâhâmbisâp ya Anitâñe sâm kalop.” ²⁷ Yawu sâm topñe katmâ Mose otmu Anitâhât poropeteliñeñe miti pepaen den kulemguwi ya sâm kusânmmâ ekyotgop.

²⁸ Yawu otmâ Emausi kapi ginñan ariwi. Yan arimâmâ Yesuñe katyelekmâ kapi âlâengen ariwe sâm olop. ²⁹ Yawu otmu alitmâ yuwu sâowot. “Emet ñiñ yap yakât otmâ orowâk yuân tatne.” Yawu sâm emetyetñan orowâk yâhâwi. ³⁰ Yâhâ tatmâ sot um newi. Sot um nem tatñetâ Yesuñe bañga mem Anitâ mepaem motokmâ torehenñe yitgiop. ³¹ Yitgimu yanâk nângân nângânyetñe pâronñ sâmu kundenñe ekmutâ keterakyitgiop. Ekmutâ keterakyitgimu yanâk gulip olop. ³² Gulip otmu bukuñe âlâ yañe bukuñe yuwu sâm ekuop. “Mâtâwân takain yan Anitâhât poropeteliñe nombotñe otmu Moseñe miti pepaen den kulemguwi yakât topñe sâm kusânmmâ eknotgomu nângâm biwine yahatsap.” Yawu sâop.

³³ Yawu otmu in yawu yahatmâ Emausi kapi ya pilâm âwurem Yerusalem kapiân ariowot. Âwurem ari Yesu ikñe hoñ bawalipñe kâiân konok otmu bukulipyenñe nombotñe orowâk menduhuakmâ tathi yâk yeñgâlen yâhâowot. Yâhâmutâ yuwu sâm ekyotgowi. ³⁴ “Kutdâ mumuñambâ yahatmâ Simon Petoro tetewañgimu eksap.”

³⁵ Yawu sâm ekyotgoñetâ benñe kutdâñe mâtâwân yâk teteyitgim emetyetñan ari bañga

mem motokmâ yitgimu yan kundenje ekmutâ keterakyitgiop yakât ekyongowot.

Yesuje hoj bawalipje kâiân konok teteyingimu ekbi.

(Mataio 28:16-20 Mareko 16:14-18 Yoane 20:19-23)

³⁶ Den ya ekyongomutâ yanâk Yesuje pârâk sânsânâk teteyingiop. ³⁷ Teteyingimu ekmâ “weke takap,” sâm pârâk pilâm kingityenahât otbi. ³⁸⁻³⁹ Yawu otjetâ yuwu sâm ekyongop. “Wongât biwiyenje ahom niaksap? Nâje teteyingian yuwu weke ki teteyingimap. Yakât otmâ kâine bâte yu walipnohom nângâm hejengejnet. Weke bia. Nâ ninak gamune enaksain. Yakât otmâ biwiyenje sânduk sâek.” Yawu sâop.

⁴⁰⁻⁴¹ Yawu sâm ekyongomu nângâjetâ porap olop yamâ kâine bâte kuwi ya tiripyongomu ekmâ olowâke yamâ herenje nângâwangiwi. Yawu otjetâ yuwu sâm ekyongop. “Sot âlâ tap otmuâmâ mem nihinetâ nembe.” ⁴²⁻⁴³ Yawu sâm ekyongomu inan âlâ hot um katbi ya wajetâ mem niop. Mem nemu ekmâ “weke bia” sâm tepyene hâlâlâk nângâwi.

⁴⁴ Yesuje inan ya nem tij pilâm yuwu sâm ekyongop. “Emelâk yen orowâk manmâ den topje topje kâsikum yingim gawan yan den âlâ yuwu sâm ekyongowan. “Emelâk emet inânjan Mose, Dawiti, otmu Anitâhât poropetelipje nombotņane nâhât nângâm miti pepaen den kulemgumini yakât bulâje tetem hejengeguwuapgât Anitâje sâm kalop.” Yawu sâm ekyongowan.” ⁴⁵ Yawu

sâm ekyongom den kulemgui ya kâsikum yingimu nângâjetâ.

⁴⁶ Den ya nângâjetâ keterakyingimu den bâiņe yuwu sâm ekyongop. Emelâk emet inânņan miti pepaen den âlâlâ kulemgui yakât topņeâmâ yuwu tap. Anitâņe lohimbi kerek yeņgât tihityeņe otbe sâm ikņe hoņ bawa hâņgângumu ge manbuap. Manmu lok bâleņeņe mem âlâlâ tuhuņetâ hâhiwin nâņgâm mumbuap. Mumu hanguņetâ hilâm kalimbu pesuk sâm Anitâņe mumuņambâ mem yahatbuap. ⁴⁷⁻⁴⁸ Yakât otmâ lohimbiņe orot-memeyeņe bâleņe bet pilâm nâhâlen biwiyeņe kepeinomial otmuâmâ Anitâņe tosayeņe pilâyingim meyekbuap. Otmu yeņe ari nahat den pat âlepņe sâm haok tuhuņetâ lohimbi hânņan kulemņan manmâ araiņe nâņgânomai. ⁴⁹ Otmu nâņe Wâtgât mâmâņahât Heak hâņgângumune ge âi sâm yingian yukât mâmâņe otyingimu menomai ya awoņnaņe sâm kalop. Yakât otmâ Yerusalem kapiân tatmâ mambotnomai.” Yawu sâm ekyongop.

Yesuņe himbimân âwurem yâhâop.

(Mareko 16:19-20 Aposolo 1:9-12)

⁵⁰ Yerusalem kapi pato yakât gotņan kapi âlâ, kutņe Betani sâm, ya tap. Yan meyekmâ ari Anitâņe mâmâņe otyingîâkgât ulitguop. ⁵¹ Yawu otmâ pilâyekmâ himbimân yâhâop. ⁵² Himbimân yâhâmu mepaem tepyeņe heroņe otmu Yerusalem kapiân âwurem ariwi. Âwurem ari opon kâmbukņan yâhâ Anitâ mepaewi. Yawu.

Nâ bukuhe,
Luka

Yesuât Den Pat Âlepŋe
The New Testament in the Selepet Language of Papua
New Guinea
Nupela Testamen long tokples Selepet long Niugini

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 22 Nov 2019

995083d2-705e-5a60-af47-1e36806cccbc